





明清史料目錄

乙編第三本

二百〇一至三百葉

兵部行「刑科外抄刑部尚書鄭三俊題」稿

三〇一

兵科抄出昌宣分監魏邦典題本

三三一

原任龍門所守備李有年奏本

三〇三

石城島千總鄴定國隱匿哨獲麗船參斤等情殘件

兵部題行「兵科抄出山西巡撫吳牲題」稿

三〇三

兵科抄出登萊巡撫楊文岳題本

三三三

兵部題行「戶科外抄山西巡撫吳牲題」稿

三〇七

兵科抄出山東巡撫劉景耀題本

三三三

兵部題行「兵科抄出昌宣總監魏國徵題」稿

三〇五

兵部題行「奴騎西行已確諸臣泄緩如故」稿

三三七

兵科抄出御馬監太監謝文舉題本

三〇六

兵科抄出原任山東東昌道高捷奏本

三三七

兵科抄出登萊巡撫楊文岳題本

三〇七

兵部行「兵科抄出昌宣分監魏邦典題」稿

三三九

兵部題「遼東哨報大舉在在戒嚴等情」殘稿

三〇八

兵科抄出甘肅巡撫劉鎬題本

三三〇

兵科抄出德王由楨奏本

三〇九

兵部題行「兵科抄出宣府巡撫劉永祚題」稿

三三四

兵科抄出督察關部劉字亮題本

三〇〇

兵部行「兵科抄出遼東巡撫方一藻題」稿

三三四

兵科抄出被逮山東巡撫顏繼祖奏本

三〇二

兵部行「兵科抄出遼東巡撫方一藻題」稿

三三四

兵科抄出宣府巡撫劉永祚題本 二五二

兵科抄出昌宣分監謝文舉題本 二五三

兵部題「兵科抄出本部覆津通總監盧維寧題」稿 二五七

稿 二五七

兵部行「聖諭遼鎮中後所連遭火患等情」稿 二五六

兵科抄出宣大總督張福臻題本 二五六

兵科抄出昌宣分監謝文舉題本 二五〇

兵科抄出浙江巡撫熊奮渭題本 二五三

兵科抄出延綏巡撫劉令譽題本 二五三

兵部題「兵科抄出宣大總督張福臻題」稿 二五五

兵部行「遼東巡撫方咨」稿 二五五

兵部行「兵科抄出兵科給事中李焜題」稿 二五七

兵部行「兵科抄出陽和兵備道洪胤衡奏」稿 二五八

兵部題行「遼東巡撫方塘報」稿 二五九

刑科外抄遼東巡撫方一藻題本 二六〇

兵部題行「兵科抄出宣大總督張福臻題」稿 二六二

兵部行「兵科抄出宣大總督張福臻題」稿 二六四

兵部行「督兵差官杜枝茂稟」稿 二六五

兵部行「遼東候選縣丞張偉抱呈」稿 二六六

兵部請旨優卹吳阿衡盧象昇等情殘稿 二六七

兵部題行「兵科抄出大同巡撫劉夢桂題」稿 二六八

兵科抄出遼東巡撫丘民仰題本 二七〇

兵部行「分巡冀北兵備道樊師孔揭帖」稿 二七一

兵部題行「兵科抄出宣府巡撫劉永祚題」稿 二七三

兵部題行「兵科抄出宣府巡撫劉永祚題」稿 二七三

兵部題行「兵科抄出宣府巡撫劉永祚題」稿 二七三

兵部題行「兵科抄出宣府巡撫劉永祚題」稿 二七三

兵部題行「兵科抄出宣府巡撫劉永祚題」稿 二七三

兵部題行「兵科抄出宣府巡撫劉永祚題」稿 二七三

兵部題行「兵科抄出宣府巡撫劉永祚題」稿 二七三

工科外抄鎮守山東總兵楊御蕃題本 二七四

兵部題行「兵科抄出倒馬關叅將劉有實奏」稿 二七五

兵部題「兵科抄出宣府巡撫劉永祚題」稿 二七六

兵部行「大同總兵王樸呈」稿 二七七

戶科外抄戶部尙書李待問等題本 二七八

兵部題行「兵科抄出宣府巡撫劉永祚題」稿 二七九

兵部題「兵科抄出本部覆宣府巡撫劉永祚題」稿 二八〇

稿 二八一

兵部行「大同總兵王樸呈」稿 二八二

兵部行「懷來叅將劉嗣美呈」稿 二八四

兵部題行「兵科抄出大同巡撫劉夢桂題」稿 二八五

兵部行「山東巡撫朱咨」稿 二八六

兵部題行「兵科抄出宣府總兵官羅俊傑題」稿 二七七

兵部題行「督理宜大糧餉白貽清咨」稿 二七八

兵科抄出登萊巡撫徐人龍題本 二八九

兵部題「山海鎮臣馬科疏」殘稿 二九〇

兵科抄出遼東總兵祖大壽題本 二九一

兵部行「遼東巡撫丘民仰塘報」稿 二九二

兵部行「標下出海實授副總兵王武緯塘報」稿 二九三

兵科抄出遼東總兵祖大壽奏本 二九四

兵部行「遼東巡撫丘民仰咨」稿 二九五

請兵救援松錦殘稟 二九六

兵部行「御前發下山西副總兵薛敏忠奏」稿 二九七

兵部題行「奴賊困錦明係困凌故智等情」稿 二九八

兵部行「奴賊困錦明係困凌故智等情」稿 二九九

卜裔希復舊封殘稿

二九

吳部行「上傳關外一戰擒斬可嘉等情」稿

三〇

二九

# 明清史料

## 乙編第三本

二百〇一至三百葉

兵部行「刑科外抄刑部尚書鄭三俊題」稿

案字一百十六號宣府科

兵部爲遵旨提問具奏事職方清吏司案呈奉本部送兵科抄出刑科外抄刑部尚書鄭三俊題稱山西清吏司案呈奉本部送刑科抄出巡按宜大御史林銘球題前事內開崇禎九年七月二十四日奉都察院勘劄爲循例糾劾不職將領以肅戎政以固衝疆事准兵部咨該臣題參宜府龍門城守備宿應武西協練兵守備李國棟大同鐵山堡守備葉文煥雲石堡守備李三才貪婪不職等情該本部覆奉聖旨宿應武李國棟著革了任葉文煥革了職該巡按御史提問具奏李三才解任別用欽此欽遵移咨劄行前來隨行各道遵照提問除李國棟葉文煥見今嚴催俟呈招到日另本具奏外今於崇禎九年十二月十三日據分巡口北道山西按察司僉事李仙風呈問得犯人一名宿應武年三十六歲係宜府萬全右衛試百戶原籍山西太原府太谷縣人合依不應得爲而爲之事理重者律各杖八十俱有大誥減等宿應武杖一百徒三年呂尙惠等各杖七十宿應武係革任守備呂尙惠等係軍宿應武照例納米折銀呂尙惠等審俱稍有力納工價銀各贖罪完日宿應武發原衛所帶俸差操呂尙惠等各發著伍照出宿應武該官紙米五斗呂尙惠銀國忠潘尙武賀尙進各又該民紙米二斗共米一石三斗折穀二石六斗宿應武又該贖徒米三十五石每石折銀五錢共銀一十七兩五錢呂尙惠銀國忠潘尙武賀尙進各又該贖罪工價銀一兩三錢五分宿應武又該冒支逃軍楊定兒等八名月糧銀六兩四錢與贖罪銀照數追解萬億庫抵充軍餉紙穀追貯宣府前衛預備倉備賑

取倉庫實收繳報除無照招呈到臣覆詳無異除批(候)題請明文遵行外該臣看得宿應武才本庸鄙性復貪殘以操守而叨陞守備遂冒餉而濶造恣姦至於使酒放肆歛怨於軍酷責其民衆實側目一視殊未蔽辜據該論徒始足盡法至於呂尙惠附和播虐銀國忠等私騎驛贏各杖不枉等因於崇禎九年十二月二十二日具題十年正月初一日奉聖旨該部覈擬具奏欽此欽遵抄部送司案呈到部臣等看得宿應武宜鎮龍門城守備也不數軍實冒竊儲糈復淫刑虐下逢彼醉怒鞭筆使之何貪而且戾乎甘棄前功以速官謗褻革徒懲誠爲不枉賊銀照追其呂尙惠借叢附和銀國忠潘尙武賀尙進私乘驛贏均應按律杖做合無將宿應武仍依管軍官冒支軍糧入己者計贓准竊盜論一百二十貫罪止免刺律減徒三年係革任武弁照例納米贖罪完日發原衛所帶俸差操呂尙惠銀國忠潘尙武賀尙進俱依不應事理律各減杖七十合改的決贓贖照追解萬億庫抵充軍餉既經該司案呈前來臣等覆覈無異相應題請恭候命下臣部一體遵奉施行等因崇禎十年五月二十五日奉聖旨宿應武准配贖完日發原衛所帶俸差操餘依擬贖銀照追欽此欽遵抄出到部送司案呈到部擬合就行爲此一咨宣府督憲按察院轉行宣大巡按合咨前去煩照明旨內事理定限本年本月中旬即將贓銀照數并各該紙贖嚴追具奏以憑註銷崇禎十年六月初三日太僕寺少卿管司事王陞員外郎趙光抃



原任龍門所守備李有年奏本

原任龍門所守備臣李有年謹奏爲賊降未明臣謹循例陳懇聖恩勅部查明更正帶俸差操以光新政事竊照罪有成案律無移裁痛臣以世職指揮僉事蒙兵部考選將材題推龍門所守備抵任一載殫力衝邊操練備禦艱辛萬狀因防禦邊務致誤訪送摘參懸坐賊銀八十二兩六錢間擬立功五年照例納米折銀二十五兩二錢五分已經解交萬億庫抵作軍餉贖罪還職此撫按原問原擬臣有年之成案也方司原案具存不虞部覆援引會典開載凡宣府大同總兵副參遊守都司衛所等官但有科斂軍人財物及扣減月糧百兩以上降一級改調烟瘴地面帶俸差操遂誤將臣原任寫字李寧賊銀二十七兩併坐臣有年名下合臣本身坐賊八十二兩覆擬臣降一級改調烟瘴地面帶俸差操尋經奉旨而律例不合原案相反臣安忍將祖宗汗功世職爲異姓他人已納之賊罪帽戴臣身降及祖級如果臣身不肖有百兩以上之賊則降級烟瘴宜也今臣誤因訪送賊非滿百誤以同招各數併罪一人不惟律不合符抑且例非所據臣查龍門鋒兵營守備陳萬善賊銀一百四十餘兩見在本鎮右衛立功此例之可循也况臣蒙撫按問擬立功五年既經照例納米折銀贖罪交庫訖贖罪自應還職兩院卷案昭然降級非臣之罪烟瘴亦非臣之罪也原案竊擬鑿鑿可查分豁李寧賊銀之數更正臣身降調之條自有撫按兩院之成案况今聖諭清刑新恩覃布普天率土豈不均霑謳頌皇仁之浩蕩則李寧已納之賊銀豈容移坐有年之名下降級改調烟瘴自非臣罪之所宜應也伏乞皇上軫念賊降當明勅下兵部詳查原擬照例帶俸差操庶律法不枉而微臣亦得仰感皇上新恩於世世無斃矣臣不勝哀願悚息待命之至爲此具本親齋謹具奏聞自爲字起至齋字止計五百八十九字紙二張右謹奏聞崇禎

十年六月日原任龍門所守備臣李有年

兵部題行「兵科抄出山西巡撫吳牲題」稿 寒字百六十六號限二十四日上有貼黃大同科

兵部題爲邊垣一無足特議修三路無聞謹據冊報上請仰祈聖裁事職方清吏司案呈崇禎十年七月二十五日奉本部送兵科抄出山西巡撫吳牲題稱崇禎十年四月初二日據山西按察司呈崇禎八年五月初七日蒙職案驗本年四月二十九日准兵部咨職方清吏司案呈奉本部送兵科抄出監視山西康太監題前事等因崇禎八年四月十八日奉聖旨據奏該鎮邊垣傾圮數多如何全無議修即城工至今方行移會賈克忠等泄玩殊甚著查明議處一面著吳牲責成作速鳩工繕葺勒限報竣毋得延誤該部知道欽此欽遵抄出到部送司案呈到部移咨本院案行本司蒙此本年五月十六日據經歷司呈抄蒙巡按余御史案驗本年五月初九日奉都察院（巡按山西六千八百三十五號）勘飭准兵部咨前事移咨到院飭行本院案行本司蒙此隨行鴈平寧武岢嵐道詳查去後八年六月十三日准巡寧帶管鴈平道副使馬之陞關稱查得東路今歲工程議修城垣者蓋緣邊長數百里傾圮實多苦人力有限不能徧舉耳各處城垣俱年久不堪守禦即如崞縣去歲被陷又如繁峙大營虜薄城下低薄可駭至於茹越小石廣武雖曰關堡城垣實乃巖疆保障不得不先修其緊要以資守禦者也屢奉明旨修葺城垣故前道田參政呈有暫停邊工急修城堡一詳業蒙撫院批允奉有明旨謹議撫恤修繕事宜等事牌文所以署道賈克忠亦以城垣爲急敢泄玩也等緣緣到司准此仍行催鴈平寧武岢嵐道完報去後崇禎九年二月十八日准岢嵐道副使盧友竹關稱據西路管糧太原府同知崔從教呈據各界修完工程造冊到職查得老營守備界修完動支錢糧原題磚石包修完境界極冲雙山岔明遠墩張家郊馬頭山小祝郊等處雨水披塌磚石邊垣九處各長不等共長三十四丈大牆高二丈女

牆高五尺通高二丈五尺原議修工軍壯一百七十名各色匠役四十名應支食米鹽菜銀三百一十一兩四錢自崇禎八年四月初一日興工起至本年九月終止告完隨于本年分修完前項邊工俱各從底掏挖窖基深七尺用膠土石子築打與舊基齊平底鋪圍屏石一層上砌細石條四十層每層石厚五寸闊一尺共用細石條一千三百九十四丈每丈用灰一斗共用灰一百三十九石四斗裏用填餡粗石條勾撒肆行共用粗石條五千五百七十六丈每丈用灰一斗膠土二擔共用灰五百五十七石六斗膠土一萬一千一百五十二擔石砌高二丈上砌磚女牆高五尺計磚一十七層裏外兩行共用磚八千二百四十五箇每箇厚三寸闊七寸長一尺四寸用灰一升共用灰八十二石四斗五升又帶修完塌毀磚女牆二十餘處各長不等共長一百二十七丈共用磚三萬箇灰三百石燒磚燒灰共用石炭二千擔前項工程原議修工食米鹽菜銀二百五十兩節省在庫未支鹽菜銀六十一兩四錢修工民壯節省在庫未支工食銀八兩六分八釐一毫八絲委官任三聘冊報本年修工軍壯匠役扣還落雨逃故患病未到短工截曠布花等銀一百七兩六錢三分六毫內除本工支銷破土猪羊祭品等銀七兩三錢外應該委官實解還庫銀一百兩三錢三分六毫以上三項節省在庫未支鹽菜工食并委官解還工曠通共銀一百六十九兩七錢九分八厘七毫八絲總理提調西路副總兵官撫民總委官一員老營守備魏國經故委官一員偏頭所冠帶總旗任三聘前件查得前項磚石包修完原題邊垣工程俱各修理通完堅固如法足堪保障及查支過食米鹽菜銀兩俱係實用並無虛糜冒破其節省在庫未支鹽菜工食并委官冊報工曠銀兩俱收貯西盈庫聽候修邊應用水泉守備界修完動支錢糧原題磚石包修完本界極冲梨兒墩東涼亭鎮溝樓貓兒溝騎牆墩定邊樓等處雨水披塌磚石邊垣七處各長不等共長

四十九丈大牆高二丈女牆高五尺通高二丈伍尺原議修工軍壯二百三十名各色匠役六十名應支食米鹽菜銀四百一十九兩四錢自崇禎八年四月初一日興工起至本年九月終止告完隨於本年分修完前項邊工俱各從底掏挖窰基深七尺用膠土石子築打與舊基齊平底鋪圍屏石一層上砌細石條四十層每層石厚五寸闊一尺共用細石條二千九丈每丈用灰一斗共用灰二百石九斗裏用填餡粗石條勾撒四行共用粗石條八千三十六丈每丈用灰一斗膠土二擔共用灰八百三石六斗膠土一萬六千七十二擔石砌高二丈上砌磚女牆高五尺計磚一十七層裏外兩行共用磚一萬一千九百箇每磚一箇厚三寸闊七寸長一尺四寸用灰一升共用灰一百一十九石又帶修完塌毀磚女牆四處各長不等共長一十五丈共用磚三千六百四十箇灰三十六石四斗燒磚燒灰共用石炭一千八百擔前項工程原議修工食米鹽菜銀四百一十九兩四錢內實支過食米鹽菜銀二百八十一兩三錢五分節省在庫未支鹽菜銀一百三十八兩五分修工民壯節省在庫未支工食銀七十一兩七錢六分八厘委官齊廣冊報本年修工軍壯匠役扣還落雨逃故患病未到短工截曠布花等銀七十七兩二錢八分二釐伍毫內除本工支銷破土豬羊祭品用銀七兩九錢二分外應該委官實解還庫銀六十九兩三錢六分二厘五毫以上三項節省在庫未支鹽菜工食并委官報還工曠通共銀二百七十九兩一錢八分五毫總理提調西路副總兵官撫民總委官一員水泉守備齊廣散委官一員水泉守備營把總冠帶官許爾甲前件查得前項磚石包修完原題邊垣工程俱各修理通完堅固如法足堪保噓及查支過食米鹽菜銀兩俱係實用並無虛糜冒破其節省在庫未支鹽菜工食并委官冊報工曠銀兩俱收貯西盈庫聽候修邊應用草塚守備界修完動支錢糧原題磚石包修完極衝筭賊二臺東坡墩殺賊墩

鹽皮窰滅湖樓滅湖口勦虜墩永安墩等處雨水披塌磚石邊垣一十六處各長不等共長七十八丈八尺大牆高二丈女牆高五尺通高二丈五尺原議修工軍壯三百五十名各色匠役九十名應支食米鹽菜銀六百三十五兩四錢自崇禎八年四月初一日興工起至本年九月終止告完隨于本年分修完前項邊工俱各從底掏挖窖基深七尺用膠土石子築打與舊基齊平底鋪圍屏石一層上砌細石條四十層每層石厚五寸闊一尺共用細石條三千二百三十丈八尺每丈用灰一斗共用灰三百二十三石八升裏用填鉛粗石條勾撒四行共用粗石條一萬二千九百二十三丈二尺每丈用灰一斗膠土二担共用灰一千二百九十二石三斗二升膠土二萬五千八百四十六担石砌高二丈隨牆水洞一空柵房三間上砌磚女牆高五尺計磚一十七層裏外兩行共用磚一萬九千一百二十五箇每箇厚三寸闊七寸長一尺四寸用灰一升共用灰一百九十一石二斗五升又帶修完塌毀磚女牆四處各長不等共長一十二丈共用磚二千八百九十箇灰二十八石九斗燒磚燒灰共用灰炭二千九百六十担前項工程原議修工食米鹽菜銀六百三十五兩四錢內實支過食米鹽菜銀五百三十九兩一錢八分節省在庫未支鹽菜銀九十六兩二錢二分修工民壯節省在庫未支工食銀一百七十八兩六錢六分六厘七毫委官沈惟奇冊報本年修工軍壯匠役扣還落雨逃故患病未到短工截曠布花等銀一百四十二兩六錢八分一厘內除本工破土豬羊祭品并犒賞軍壯匠役花紅支銷銀一十八兩八錢五分外應該委官實解還庫銀一百二十三兩八錢三分一釐以上三項節省在庫未支鹽菜工食并委官解還工曠通共銀三百九十八兩七錢一分七釐七毫總理提調西路副總兵官撫民總委官一員先任草塚山守備李兆龍散委官一員草塚山守備營把總鎮西衛百戶應襲沈惟奇前件查得前項磚石包修完

原題邊垣工程俱各修理通完堅固如法足堪保障及查支過食米鹽菜銀兩俱係實用並無虛糜冒破其節省在庫未支鹽菜工食并委官冊報工曠銀兩俱收貯西盈庫聽候修邊應用計嵐州修完動支錢糧原題磚石包修東關場毀城牆一截長三十七丈大牆高二丈七尺女牆高五尺通高三丈二尺護城石堰一截長四十丈高一丈二尺底闊一丈二尺頂闊一丈堵水石堰一截長一百九十七丈高一丈二尺底闊一丈五尺頂闊一丈二尺原議修工軍壯四百六十名各色匠役一百四十名應支食米鹽菜銀八百三十三兩四錢自崇禎八年四月初一日興工起至本年九月終止告完今據該州冊報委官張養粹開報前項城工兩頭場毀植畔共長一十九丈未墜不敢拆疊今將實數場毀一十八丈照數修完從底掏挖窖基深八尺用膠土石子築打與舊基齊平底鋪圍屏石一層上砌細石條一十四層每層石厚七寸闊一尺共用細石條二百七十丈裏用填鉛粗石條勾撒四行共用粗石條一千八丈石砌高一丈接石砌磚高一丈七尺計磚五十四層每層勾撒七行每磚一箇厚三寸闊七寸長一尺四寸共用磚四萬八千六百箇平裝上砌磚女牆高五尺計磚一十七層裏外兩行共用磚四千三百七十箇又修完護城石堰一截長三十二丈高一丈四尺比原議高修二尺闊一丈五尺坐底八尺收頂闊二丈二尺俱各從底掏挖窖基深七尺用荒石八層砌與舊基齊平上砌細石條二十層每層石厚七寸闊一尺共用細石條八百三十六丈裏用填鉛粗石條勾撒七行共用粗石條五千八百五十二丈又修完逼水石堰一截長二十丈高一丈二尺闊一丈一尺共用細石條五百四丈粗石條五千四十丈又修完堵水石堰一截長六十丈高一丈二尺底闊一丈二尺頂闊八尺共用細石條一千三百一十四丈粗石條九千一百九十八丈以上城工石堰共用細石條二千九百二十四丈每丈用灰一斗共用灰二百九

十二石四斗粗石條二萬九十丈每丈用灰一斗膠土二擔共用灰二千九石膠土四萬一百八十擔磚五萬二千九百七十箇每箇用灰一升共用灰五百二十九石七斗磚石通共用灰二千八百三十一石一斗燒磚燒灰用過石炭五千四百八十擔又因山水泛漲逼近城底衝塌城堰掣調夫匠挑濬河漕一截長八十九丈闊五丈深七尺引水通流並不浸城下基址前項工程原議修工食米鹽菜銀八百三十三兩四錢內實支過食米鹽菜銀七百六十兩九錢八分節省在庫未支鹽菜銀七十二兩四錢二分修工民壯節省在庫未支工食銀二十二兩五錢八分八厘九絲尙嵐州知州陳其才冊報本年修工軍壯匠役扣還落兩逃故患病未到短工截曠及裁減匠糧月糧布花共銀七百五兩三錢一分內除本工支銷破土祭品猪羊并犒賞匠役花紅用銀一十九兩二錢外又除奉文裁減原派五寨堡匠糧四十四石通未赴工月糧布花共銀二百九兩八錢八分防守王重華具呈原派匠糧正軍並未離伍俱各在堡差操守禦月糧布花按月支領訖不作還官應該委官實解還庫銀四百七十六兩二錢三分以上三項節省在庫未支鹽菜工食并委官解還工曠通共銀五百七十一兩二錢三分八厘九絲總理提調西路副總兵官撫民總委官一員尙嵐州知州陳其才散委官一員陝西慶陽衛百戶張養粹前件查得前項磚石包修完城工一十八丈石堰一百一十二丈俱各修理堅固如法足堪保障及查短修城工一十九丈實係難修原係塌毀兩頭牆榦委官不敢擅拆仍行補修與新舊牆垣一樣無異其未修石堰一百二十五丈裁減匠糧一百一十石掣調修堰軍壯改濬河漕一截長八十九丈闊五丈深七尺引水通流並不侵害城基似有方略城無水患支過食米鹽菜銀兩俱係實用並無虛糜冒破其節省在庫未支鹽菜工食并委官冊報工曠銀兩俱收貯西盈庫聽候修邊應用保德州修完動支錢糧原題本州



城垣東北至西三面據險堪爲保障惟有南面正對高岡受敵流寇屢犯州民慌歎合應創築關廂土堡一座自舊城東南角臺起至迤南古城東角止一截長二百二十三丈內有水溝一截長九丈高八丈入深八丈五尺中券水口一道從底築打與舊基齊平又用磚石券砌門洞一座又自南面古城舊牆東角起至迤西拐角止一截長四十五丈舊牆止高一丈五尺加高幫厚舊門洞改券新門洞二座土築瓮城三面周長一十六丈又自古城西角起至北三官廟前面城牆止一截長二百一十九丈內有水路塢古城水衝塌毀從底築打高四丈用磚石券砌小水西門洞一座以上三截共長五百三十二丈俱各從底掏挖窖基深八尺用膠土築打與舊基齊平上安把稍土築大牆高三丈女牆高五尺通高三丈五尺底闊二丈六尺頂闊一丈三尺磚石券砌水口一道門洞四座共用細石條四百丈粗石條一千六百丈磚一十二萬四千箇灰一千四百四十石膠土三千二百擔燒磚燒灰共用石炭八千擔原議修工軍壯一千七百五十名各色匠役一百六十名應支食米鹽菜銀三千一百六十兩八錢自崇禎八年四月初一日興工起至本年九月終止告完今據委官王烈曹三元冊報原發永寧州興縣民壯一百八十九名通未到工見在軍壯來遲計人計日實修完城工一百六十七丈八尺大牆高三丈女牆高五尺通高三丈五尺半完牆工一截長一十三丈高一丈五尺一截長五丈三尺高一丈三尺未修牆工三百一十六丈九尺錢糧未支前項工程原議修工食米鹽菜銀三千一百六十兩八錢內實支過食米鹽菜銀一千八百一十七兩九錢六分未到軍壯及來遲未支在庫鹽菜銀一千三百四十二兩八錢四分修工民壯來遲及脫逃未支在庫存留工食銀一千六百二十一兩八錢三分五釐五毫永寧州未到民壯一百二十二名未解工食銀七百三十二兩興縣未到民壯六十七名未解工食銀四百二兩委官王烈曹

三元冊報本年修工軍壯匠役扣還落雨逃故患病未到短工截曠布花等銀六百六十四兩六錢八分六釐七毫內除本工支銷破土祭品猪羊并犒賞頭目匠役花紅用銀二十四兩六錢給過故壯張汝正等二十九名棺殮銀二十九兩調治軍壯醫生焦調鼎宋瑛支領過藥材銀三十一兩三錢六分以上通共支銷過銀八十四兩九錢六分外應該委官實解還庫銀五百七十九兩七錢二分六釐七毫以上五項存留在庫支剩鹽菜工食并永寧州興縣民壯未解工食及委官報還工曠通共銀四千六百七十八兩四錢二釐二毫總理提調河保參將馬科總理委官一員署州事保德州學正利萬鍾散委官二員保德所百戶王烈保德所鎮撫曹三元前件查得前項工程土築關廂一座原題周長五百三丈大牆高三丈女牆高五尺通高三丈五尺今據委官冊報軍壯不齊過限來遲逃故患病通未赴工以致工程不能如數修完且應支錢糧存留在庫實以見在修工軍壯計日修完大牆二截共長一百六十七丈八尺高連女牆三丈五尺半完牆工一截長一十三丈高一丈五尺一截長五丈三尺高一丈三尺俱各堅固短修城工三百一十六丈九尺另議修補其支過食米鹽菜銀兩俱係實用並無虛糜冒破存留在庫鹽菜工食及委官報還工曠俱收貯西盈庫聽候修工應用前件以三界二州修過工程通共節省存留在庫并各州縣未解工食及常盈庫送欠匠糧等銀六千九十七兩三錢三分七釐二毫七絲內除原議未支在庫鹽菜銀一千七百一十兩九錢三分外實該還庫工食截曠銀四千三百八十六兩四錢七釐二毫七絲俱各查覈明白備造文冊擬合呈請伏乞轉報等緣緣呈詳到道又經駁行該廳覆覈明白造冊呈詳到道該右參政盧友竹爲照西路老營水泉草塚三處工程俱係阻虜邊牆年遠塌損不堪拒守至於保德奇嵐二州關廂皆流寇窺犯之處亦當議修總桑土綢繆之計以上工程俱係計

人計日修理如法堅固足堪保障並無虛糜冒破其保德州未完關廂見今另議修築節省截曠并存留銀兩俱經西路管糧同知崔從教覈查明白本道復細加覆查俱無虛糜等緣繇已經呈詳三院外今准前因擬合同復等緣繇到司准此九年五月三十日准鴈平帶管寧武道副使武獻哲關稱行據中路管糧太原府同知石聲和呈稱行准陽方口原任遊擊張鳳鳴回稱查得本界崇禎七八兩年分原議九龍口石櫃河壩等工苦森窳補修邊工俱各修理通完緣繇到職准此又准本口見任遊擊燕元禎回稱本堡八年議建營房三百間係委官中軍侯之藩管修及據本官開報議修營房三百間遵照原議建蓋通完另行造冊呈報據此又准寧武守備陳有光回稱本界崇禎七年分議修寧化所關城委官丘茂松管茂榮管修通完又准盤道梁守備王明臣回稱崇禎七年分原議包修盤道梁披塌堡牆并包修邊牆委官李惟輿孟一元管修通完又據靜樂縣申報本縣七年分原議關城委官陳明管修因忻州沁州等處修工錢糧尚未解完工程本官覓修止有女牆墮頂星夜修理不日完報以致不能彙造文冊又准寧武守備陳有光回稱崇禎八年分議修虎進溝渠工東關稍門黃皮街水洞河壩圍牆東面大城臥羊臺本關大城并東西兩關城樓城頂小牆裂縫水道裏面土大墻碎小等處工程并寧化所關城委官姚業趙昌永常俊張諫呂士萃各管修俱通完見今清算工程錢糧類造文冊呈詳並無泄玩情緣各緣繇前來其中路所屬六遊守分管邊垣坍塌年久今九年三月內蒙本院牌文爲提督軍務事備仰本職即便會同清軍蔡同知親歷城堡邊隘查驗喫緊隘口坍塌墩垣急宜修築若干處或山崖剝削卽成險峻及應添設墩臺若干處估算明白應用軍壯若干人如係原題欽工卽用額發軍壯如係遺而未估者計工酌量撥用該營堡軍丁該管卽責成該營堡將備等官監督修築務期堅深可恃立限報完其

各處錢糧支銷務要嚴行稽覈查察奸弊單騎督催實心料理其督工各官工完之日分別勤惰及支過錢糧數目造冊呈報以憑欵獎參摯用示激勸施行蒙此職卽公同蔡同知各單騎減從徧歷中路六遊守界各所管邊垣逐一細加丈量除堅固稍堪外備將披場土石邊墻墩臺內除陽方口苦森梁碑石包修邊墻土築如墻係九年分題准欵限督令額發軍壯并雇覓夫匠照議興修其未估披場各界邊墩隘口等項逐界逐段又勘明白酌量應大剷應微剷應補築應創築邊臺等工備造文冊已經呈報本院本道知照外今職等奉文那借寄庫官銀分發六遊守各備辦物料撥刷各該營堡軍士并加覓夫匠星夜修築職等時常往來監督勒限完竣造冊呈報遵行外今蒙前因擬合呈請恭候本道回覆本司轉請本院知照等緣緣具呈到道據此已經行令本官將經理邊墻包修城工查照原議務將總散委官備查明確開具職名報道回覆轉報等緣緣到司准此九年七月十一日准鴈平道副使武獻哲關稱行據東路管糧太原府通判邵承堯呈稱行據廣武南關工委官吳夢周張鵬程呈稱職等修完土大墻一百七十五丈未完一丈磚梁墻修完三十六丈未完一百四十丈見做門洞一座砌完石條十層見今立券上輒水洞二座全完一座半完一座見做等數目錄緣據此又據繁峙縣工委官李茂德王道弘呈稱崇禎八年分議修本縣城墻一百五十丈裏面夾墻二千二百丈隨卽置辦物料修理間夷虜犯境蒙示來春拆修今照二官議同各另分管以便責成茂德分修城墻七十五丈已修通完該築修夾墻一千一百丈已完四百七十五丈其未完六百二十五丈見今修築道弘分修城墻七十五丈俱已通完該築夾墻一千一百丈已完四百七十五丈其未完六百五十丈見今修築各等緣緣數目到廳據此查得八年原議伍工除大營堡小石北關茹越口堡等工俱已報完繁峙縣城工係申允詳示今春拆修今已

呈報拆修通完止有夾牆未完廣武南關工已未完數目開報明白擬合呈報等緣緣到道據此查得議修八年工程復准查取曾否報完已經備行該廳查催去後今據已未完工程數目呈報前來擬合同復等緣緣到司准此該本司按察使都任彙詳看得三關城堡邊垣最爲喫緊自應及時修築以資保障况奉有勒限報竣之明旨更當踴勉從事以告成功今據各道廳覆查八年工程惟岢嵐道修築通完且將修過丈尺用過錢糧各數目極爲詳細况中多節省可謂實心做實事者矣寧武工雖告竣而開報尙未詳確若鴈平原議工少未完數多總之完欠不一則勤惰攸分欲再駁催恐欵件不能久延玩泄各官自有難辭其咎者應否議處是在上司裁奪本司未敢擅專等緣緣具呈照詳去後蒙巡按張御史詳批候撫院會奏行繳蒙巡撫吳都御史詳批寧鴈兩路工多未完又無錢糧清數道廳官不行催覈未及完各委官俱應參處仰按察司再查明速報蒙此隨行鴈平寧武道覈查去後又蒙巡撫吳都御史案驗准吏工二部咨取職名應行議處等因備行本司蒙此隨即差人守催兩道嚴查速報去後崇禎十年三月初四日准鴈平道副使李喬崑關稱行據東路管糧太原府通判邵承堯呈稱查得奉明旨原查議處職名係前帶道賈克忠前任通判李郁林其振武衛分屬大營屯堡先年地震搖損披塌北面牆長三十一丈南面牆長一十四丈共長四十五丈高三丈通用磚包本堡周圍磚砌墻長三百三十六丈高六尺通高三丈六尺合用軍壯六百名支鹽菜銀五百四十兩於本工曠日銀內動支議自崇禎八年三月初一日興工本年八月終止告完照舊牆補修挑深地基五尺築打堅平添用圍屏石一層上砌淨石條一層砌磚八九十層底截用磚五行中截用四行頂截三行磚石共高二丈俱與舊墻一律本堡墻頂周圍磚砌墻長三百三十六丈高六尺計一十八層每層二行俱照原議通完原議軍壯六百名

共該行月糧工食銀三千九十九兩三錢五分八釐零內鄉寧縣拖欠民壯工食銀一百三十二兩永和縣未到民壯二十八名該工食銀一百六十八兩止解到銀二千七百九十九兩三錢五分八釐零又稱備辦物料預借東盈庫銀三百兩修完前工實用過銀三千一十一兩八錢一分八釐節省銀八十七兩五錢四分零內清平堡委官代州丘同知領去銀七十九兩三錢三分四釐實存節省銀八兩二錢六釐零總委原任守備吳一春散委官文燦楊秀春原題茹越口舊堡一座因山水衝傷又被虜殘毀披塌低矮不堪防禦今改移本口迤北樣樓迤東買應州民地創築土堡周圍牆并敵臺曲折共長一百二十丈築牆高二丈五尺上磚砌垛牆高五尺通高三丈合用軍壯三百六十名應支鹽菜銀三百廿四兩於本工曠日銀內動支議自崇禎八年三月初一日興工本年八月終止告完興修間至本年五月內蒙撫院吳都御史巡邊親詣工所委官稟明具呈六月內詳允改設舊堡一座四面長七十二丈底闊二丈頂闊一丈外面磚砌垛牆高五尺磚石包砌門一座券高一丈二尺闊八尺深二丈五尺兩旁并外面共長八丈高二丈五尺鐵裹門一合門頂上蓋鋪房一間又補修本口舊堡山水衝毀東面牆長三十丈用土補築高一丈五尺底闊六尺頂闊二尺北牆外面披塌一截長六丈高二丈五尺入深五七尺不等用土幫築塹頂輒二層外面磚砌垛牆高五尺又補修西牆裏面披塌一處長一十三丈高二丈五尺入深八九尺不等用土幫築塹頂磚二層又補修正峪口邊外護堡墩一座高二丈五尺墩身稍披塌今議補修墩頂外面磚砌垛牆周長六丈高五尺上蓋鋪房一間比原議該省軍壯五十二名止該用軍壯三百八名修砌築完山上舊堡一座舊牆披塌今加高幫厚築完四面周長七十二丈高二丈五尺底闊二丈頂闊一丈外面磚砌垛牆高五尺計一十五層每層二行磚石包券堡門一座入深兩旁并外面

曲折共長八丈鐵裹門一合上蓋鋪房一間又補修本口山下堡東面牆長三十丈高一丈五尺底闊六尺頂闊二尺北牆外面披塌六丈運土幫築又墻頂邊完磚二層外面磚砌墻高五尺計一十五層每層二行本堡西牆裏面披塌一十三丈運土幫築又正峪口邊外護堡墩一座上補修墩頂外面磚砌墻周長八丈上蓋鋪房一間安插梯一掛原議軍壯三百八名共該行月糧工食一千五百九十三兩六錢四分八厘三毫內有未發到民壯四十五名該工食銀二百七十兩奉文借動東盈庫銀二百二十兩雖據報修完前項工程蒙撫院親查分付所修舊堡墻薄小已經責治見今押令補修玩泄總委陣亡守備郭之輔接管見任守備趙可久散委官梁一鵬與病故吳三近小石北關原題磚石補修四五兩年山水衝毀北關西面中截磚石順墻長二十丈北截順墻并敵臺曲折長八丈八尺三截共長二十八丈八尺高二丈上磚砌墻高五尺通高二丈五尺合用軍壯一百八十名應支鹽菜銀一百六十二兩於本工曠日銀內動支自崇禎八年三月初一日興工本年八月終止告完磚石包完照舊墻補修挑深地基五尺築打堅平底安圍屏石一層上砌淨石條六層砌磚四十八層高一丈六尺底截用磚五行中截四行頂截三行磚石共高二丈修理間又被山水泛漲衝衝三丈二尺共長三十二丈俱照舊墻一律平裝其上砌墻已完一十一丈未完墻墻二十一丈據冊於崇禎九年二月內呈報本道轉報外仍將未完墻墻催修間又被山水衝壞大墻一十八丈已蒙本院行提委官劉甦民施應堂責治本院於臣巡查中東兩路設備情形疏內具題奉旨查革究問勒限陪修其北樓守備趙可久責令戴罪圖功自贖以觀後效見今差人押修俱各通完原議軍壯一百八十名共該行月糧工食銀九百三十九兩三錢八分二厘八毫內和順縣未到民壯二十三名該工食銀一百二十八兩止解到軍壯行糧工食銀八

百一兩三錢八分二厘八毫又奉文借東盈庫銀一百八兩其在工用過銀兩并撙節數目見今屢催延久未行造冊玩泄總委陣亡守備郭之輔接管見任守備趙可久散委官施應堂劉甦民原題廣武口南關原無舊塔今議建築關堡一座保護軍民除北面接連城牆省築一面東面隨灣就勢曲折長一百十丈南面長三十五丈西面長七十五丈三面共長二百二十丈創築土牆高二丈五尺底闊二丈頂闊一丈上砌磚堞牆高五尺磚石包券南門一座門洞入深三丈兩旁并外面折長一十丈高二丈五尺并堞牆通高三丈合用軍壯六百名應支鹽菜銀五百四十兩於本工曠日銀內動支自崇禎八年三月初一日興工本年八月終告完與修間至本年五月內蒙巡撫吳都御史巡邊親詣工所委官稟明具呈六月內詳允改議西面待來歲另議外東面展寬隨就地勢并南面共長一百七十六丈水洞二座每座磚石包券長二丈闊四尺高六尺折土大牆十丈共折土牆二十丈裏外收水出水八字石壩八道共長二十四丈俱挑深地基五尺內砌荒石條十層上砌淨石條一十二層明高六尺折土大牆二十四丈東南二面并水洞石壩折算共長二百一十二丈比原議該省軍壯二十名止該用軍壯五百八十名屢催委官修理今據冊報修築已完土壩一百七十六丈包券南門洞一座東西水洞二座八字石壩八道堞牆一百丈未完堞牆七十六丈前蒙巡撫吳都御史親詣工所將委官吳夢周張鵬程細打責治即今屢催尙未報完原議軍壯五百八十名共該行月糧工食銀二千九百一十三兩三錢九分五厘四毫內代州拖欠民壯工食銀四百七十兩未發到民壯二十名該工食銀一百二十兩止解到軍壯行月糧工食領過銀二千三百二十三兩三錢九分五厘四毫又備辦物料預借東盈庫銀五百四十四兩其在工用過銀兩并撙節數目俟工完查算明白另報玩泄總委已經革任守備郝光前接管去任守備沙



廣雄續接管見任守備丁秉忠散委官吳夢周張鵬程等緣繇備呈到道移關到司准此本年三月十六日准寧武道副使劉漢關稱行據中路管糧太原府同知石聲和呈稱查得中路參將分轄寧武守備原議寧武東關先年於關北虎進溝改水開渠一道仍修堤壩一道將水改從迤北附近虎進溝順流連年天雨露山水泛漲致將原修壩牆衝沒水繇舊路將東關黃皮街水洞一空衝毀上建大樓一座俱漂沒無存原限本工自崇禎八年四月初一日興工本年九月終告完隨於本年修完原題虎進溝水渠淤集砂石長六十餘丈挑取尋見原基挑深五尺內用大石灰泥穩砌築打堅實與地相平上砌石壩一道長六十五丈高七尺底闊一丈頂闊六尺收頂如人字樣石板邊頂灰水灌縫挑渠口前入地七尺以下徐徐漸深一丈長四十五丈兩傍鑿取土石各一丈前後寬闊一律議動鹽菜銀三百五十三兩七錢於本工曠銀內動支內見在班軍兌支過鹽菜四十三兩二錢九分九毫委官姚業冊報磁州班軍未來額無月糧止造領行糧銀一百八十七兩三錢七分一厘雇覓夫匠與同太原班軍因米粟騰貴內有以各軍行月糧銀雇覓夫匠并見在班軍修理通完扣來遲行糧銀一十九兩八錢六分二厘落雨截曠銀九兩一錢一分八厘九毫又用過在工舊石省費銀二十三兩三錢一分以上三項通共撙節銀五十二兩二錢九分九毫內除委官食米紙紅銀五兩四錢又興工破土祭品賞匠花紅等項用銀三兩六錢共銀九兩下剩撙節銀四十三兩二錢九分九厘兌抵修工班軍鹽菜訖其不敷鹽菜見今查議總理提調去任中路參將郭邦銳總委寧武守備陳有光散委寧武所冠帶官姚業原議寧武大城東面天雨浸滲外面大牆一截長二十四丈大牆高三丈五尺女牆七尺通高四丈二尺除外面臥羊臺上年湊動官銀雇覓夫匠修築完七層共高六丈餘今修大城尋取石基修砌邊闊一丈又裏面淋塌土大牆

一截長一十三丈裏面小墻高三尺墻闊一丈合用夫匠除先蒙按院捐助銀一百兩覓工外再撥軍匠二百五十名應支鹽菜銀三百一十五兩議動本工曠銀限自崇禎八年四月初一日興工本年九月終告完隨于本年分修完原題寧武大城東面從底挑深地基三尺闊七尺內用大石膠泥礮砌築打堅實與地相平上安圍屏石一層用細石條廂邊高三尺接石磚包高二丈二尺墻高七尺又墻頂原議闊一丈繼因土餽從頂至底塌毀今墻頂闊二丈用磚三層又修完裏面土大墻長一十三丈從底用好土築修至頂與舊墻一律上砌磚小墻高三尺墻頂闊一丈彼因拆修外面磚大墻將裏面原築土餽墻塌毀比原議加費人工各班軍告准加給工資銀六十兩議動鹽菜銀三百一十五兩原議本工曠銀於工曠內儘銀支過鹽菜銀七十兩委官趙昌永冊報原派平陽衛秋班軍三百五十名備辦物料又蒙按院捐發銀一百兩雇覓夫匠買備物料興修通完其班軍四五兩月應扣來遲行月糧銀一總扣算議修水洞臥羊臺等工并鹽菜支用訖後載明白又修完大城外面臥羊臺上年湊動官銀雇覓夫匠修築完七層共高六丈餘今次因大城外面磚墻浸塌從新拆修其臥羊臺儘靠大城不便包砌將臥羊臺從底修築原議長二十六丈高六丈迤南一截長一十一丈係石條包砌高至頂迤北一截長一十七丈下截用石條包砌上截用土築打隨其地勢高低不等俱用石板墻頂比原議多做臥羊臺長二丈高一丈五尺又修完臥羊臺前補修通水壩墻長四丈餘挑深地基三尺內用大石膠泥石灰築打堅實與地相平外面用細石條廂邊裏用粗石條勾撒與舊壩墻一律其修臥羊臺壩墻等工共該覓工物料工資等銀六百八十六兩三錢八分二厘內於各班軍來遲行月糧銀內給過六百六十一兩五錢二分二厘二毫五絲尙該不敷銀二十四兩八錢五分九厘七毫五絲見今查議其委官紙紅銀五兩四錢與

工破土等項因無工曠另議查給總理提調去任中路參將郭邦銳總委寧武守備陳有光散委婁煩候補巡簡趙昌永原議東關北面黃皮街舊有水洞二空大牆高三丈一尺女牆六尺通高三丈七尺上建二滴水大樓一座裏面鐵闌一座崇禎七年七月內天雨連綿山水氾泛將原改虎進溝渠道淤平衝毀堤壩其水直流黃皮街水洞泛漲以致衝毀水洞一空并上建大樓一座外面犁鏵臺一座折長三丈高一丈洞西逼水石壩一道長一十五丈高八尺題准磚石包砌裏外兩面大牆中券水洞一空內兩廂及閘臺曲折共長廿五丈水洞大牆原高三丈一尺低矮不堪防禦兩頭舊牆共長九丈五尺似應加高四尺共高三丈五尺上砌垛牆長一十八丈外面高五尺裏面小牆高三尺俱魚脊磚蓋頂墁頂闊二丈七尺上建二滴水大樓一座原議外面逼外犁鏵臺一座兩面折長三丈高一丈亦從原基底安圍屏石一層上安細石條廂邊砌高一丈裏用粗石條勾撒原議水洞外面逼水壩牆一截長一十五丈高一丈底安圍屏石一層上用細石條廂邊裏用粗石條勾撒收頂如人字樣石板墁頂又補修水洞裏迤西水衝石壩一截長一十一丈原議東關外河水衝毀稍門瓮城外大牆高三丈女牆高五尺通高三丈五尺門洞兩廂共長三丈五尺亦從原基用磚石包修裏面小牆無毀免議墁頂二層闊七尺洞外水衝深坑五尺俱用土石壩築齊平上用荒石修砌圍牆一堵長十丈高八尺墻眉用舊輒壓苦鐵裹門二合并閘板取礦鐵找補完全合用修工軍匠三百八十二名應支鹽菜銀三百四十三兩八錢限自崇禎八年四月初一日興工本年九月終告完原派陽曲縣民壯二百九十九名仍發東路復議派定襄縣民壯四十八名并議加動工資銀八百兩五錢六分覓夫包修隨於本年分修完原題東關北面黃皮街水洞一空裏外兩面大牆并洞內兩廂及閘臺曲折共長二十五丈今修長二十七丈二尺比原議多

修二丈二尺先用土築繼用磚包水洞大牆原高三丈一尺尋取原基底鋪圍屏石一層上用細石條廂邊連圍屏石計一十六層砌高一丈接石磚包高二丈一尺水洞照原議三鋪三券開洞原議二鋪二券今以三鋪三券又大牆原議底五行中四行收項三行恐中間土餽寬磚牆薄今於底七行中六行收頂五行俱以中截六行折算計磚七十層又於土餽內加與舊牆攢手磚上砌女牆原議一十八丈因未加高舊牆未動止修長一十一丈高六尺裏面小牆長一十一丈五尺高三尺墁頂闊二丈七尺用磚二層其水洞上原議加高四尺今見迤東舊水洞綻開裂縫新水洞灰泥未乾所以不敢加高呈允准將多修完磚土牆長二丈二尺以抵加高四尺之數今完新洞牆與舊牆高低一律議外多修出水洞迤西土大牆長三丈有餘闊二丈七尺并水洞磚牆比原議多加行數該磚灰工資銀八十五兩九分未領見今查議另給又修完水洞外面原議逼水掣鑪臺一座兩廂折長三丈高一丈又修完原議水洞外面迤西逼水壩牆一截長一十五丈高一丈收頂如人字樣石板墁頂與舊壩一律又補修完洞裏披塌舊壩牆長一十一丈又修完原題東關稍門瓮城外大牆高三丈女牆高五尺通高三丈五尺洞內兩廂折長三丈五尺底安圍屏石一層上用細石條廂邊裏用粗石條勾撒砌高一丈接石磚包高二丈墁牆長三丈五尺高五尺墁頂二層闊七尺門洞外水衝深坑五尺內用大石穩砌上砌荒石圍牆長十丈高八尺填餽抹牆牆眉用舊磚壓苦鐵裏門二合并水洞柵圍鐵葉錠裏通水洞上建二滴水大樓一座原議動截縮銀兩買料覓匠修建因本工原派陽曲縣民壯二百九十九名照舊改歸東路修工訖遺水洞無軍興修止遺平陽秋班軍八十三名并續發定襄縣民壯四十八名工多軍寡不能舉修呈允動各工截縮來遲曠銀八百兩五錢六分并見在班軍雇覓夫匠買料與修水洞通完其水洞上原議建

蓋二滴水大樓一座因錢糧缺乏呈詳改議行據寧武守備估議改建五楹四椽鋪房三間前後出簷共用陽方口修邊沁州班軍月糧銀四十兩買料修建通完議動鹽菜銀三百四十三兩八錢動支本工曠銀內定襄民壯本工曠銀內支過銀三十七兩二錢平陽班軍來遲銀內支過銀一十六兩四錢共支過鹽菜銀五十三兩六錢委官常俊册報民壯來遲落雨截曠共銀五十四兩六錢二分五厘五毫五絲四忽其平陽班軍來遲兩月行月糧銀一總扣算議修水洞臥羊臺等工并鹽菜支用訖後載明白至於委官紙紅銀五兩四錢興工破土祭品賞匠花紅等項動用銀三兩四錢二分因無工曠委官借貸另議查給總理提調去任中路參將郭邦銳總委寧武守備陳有光散委寧武所冠帶官膏俊原議修寧武大城四面工程東角樓外面并東面大城裂縫共三道裏面磚小牆二處共長四丈五尺坐泔城頂共六處各長不等共長七十五丈五尺闊七八尺不等鋪房一間外面大城牆根年遠離剝二處各長一丈高三尺大城北面補修東北角樓砲臺小牆一處長一丈大城牆并小牆各處小裂縫共七道北角臺小牆長六尺角樓失少欄杆角扇上棚椽棧脫落磚瓦裏面磚小牆一處長四丈鋪房後簷三間失少棧板桶板瓦北門瓮城外面向靠大城外磚梁墻低矮不便防禦斜長加高三五尺不等長一丈四尺北裏面披塌土大牆四處各長不等共長五丈又西面補修墊塹坐泔城頂一處長七尺闊六尺又迤南墊塹坐泔城頂二處共長七丈闊三五尺不等又坐泔一處長一十二丈闊八尺連磚小牆長一十二丈磚閣樓裂縫二道鋪房後簷三間西裏面披塌土大牆二處共長四丈五尺高二丈五尺西門瓮城外面向裂縫一道又補修南面坐泔城頂墊塹長三丈五尺闊五尺外面敵臺裂縫一道南門樓瓮城周圍小牆俱少眉磚不便觀覽應當補壓完全又東南二面石條礮礮年久損壞亦當抽換齊整原議補修東關南裏面

披塌土大牆一處長六丈五尺上磚小牆長六丈五尺馬道頂少磚砌墁一塊長一丈五尺闊一丈小牆少磚三層稍  
 門套城小裂縫一道東拐角敵臺小裂縫一道又東關牆周圍水衝水口二十處各闊三五尺不等塌毀懸樓一座牌  
 坊一座八字牆二道東關北面挑品窖二層共四十個各深八尺各闊五尺原議補修西關南裏面披塌土大牆三處  
 各長不等共長九丈五尺上磚小牆長九丈五尺又裏面城根隸剝土大牆二處共長七丈高七尺西面城頂綻開石  
 板裂縫二道北外面城底逼近大牆水衝大渠一道用大石填平牆上披塌懸樓一座裏面披塌磚小牆九尺周圍水  
 衝水口二十一道闊三五尺不等石橋下披塌墁牆一處長一丈五尺高一丈倒損石橋石欄杆二串木橋下水衝石  
 壩一處長四丈高三尺南水洞外裂縫一道南北兩洞鐵閘找補完全洞外口前用石條鋪墁水簸箕一個長闊各一  
 丈五尺迤東用荒石砌逼水堤壩牆一截長三丈高五尺西北角外面空地平闊應挑挖品窖二層共六十個各深八  
 尺各闊五尺議補修寧文堡北面披懸樓一座又補修裏面磚小牆四處共長五丈五尺其餘小牆俱少眉磚水衝水  
 口六處闊三二尺不等以上大城周圍四面并兩關城垣周圍各三面及寧文堡各處工程俱係碎小難以細估磚石  
 灰料木植桶板瓦貓頭滴水各數目止可撥發軍匠備辦物料足用是裂縫俱用碎磚灰泥補修與舊牆一律是坐溫  
 城頂拆取舊磚用黃土築打齊平用磚鋪墁二層灰水灌縫各處衝毀水口將橙槽拆取從底至頂用磚包砌水渠庶  
 得永久磚小牆用磚補砌完全上蓋眉磚土大牆仍用好土補築完全如土不便即用碎磚荒石補砌墁墾礮俱用  
 石條抽補城樓懸樓採木補修各處工程共用修工軍匠三百六名應支鹽菜銀二百七十五兩四錢限自崇禎八年  
 四月初一日興工本年九月終告完隨於本年分修完原題前項補修寧武大城四面東北角樓外面大城裂縫小牆

坐過城頂鋪房大城牆根角樓砲臺小墻欄杆角扇椽棧磚瓦鋪房士大墻悶樓裂縫并東西兩關及寧文堡各一切碎小工程難以細開俱照原議補修通完議外修完北城馬道一處東關南面城根剝裂五丈高三二尺不等西關南裏面城根剝裂長五丈高四五尺不等西關水洞裏石砌墻牆長一丈四尺高一丈議動鹽菜銀二百七十五兩四錢動在本工曠銀因班軍俱未赴工以各軍行月糧銀覓匠買料修工鹽菜並未支領委官張諫册報原派沁州所班軍三百六名俱未赴工呈允除扣來遲行糧二個月外以各軍行糧四個月月糧六個月雇覓夫匠攪頭張臣等并買備物料遵照原議補修通完沁州所尙該未解月糧銀一百九十二兩委官張諫借貸出息修工已完見今嚴催補給沁州班軍來遲兩月行糧銀兩一總扣算議修水洞臥羊臺并鹽菜支用訖後載明白其委官紙紅銀五兩四錢并與工破土祭品犒賞等項因無工曠委官借貸另議查給總理提調任中路參將郭邦銳總委寧武守備陳有光散委寧武所冠帶官張諫扣平陽衛春秋冬三班并沁州所班軍來遲兩箇月行月糧銀一千四百四十五兩四錢七分七厘二毫五絲又原議動忻州民壯安家工食銀三百兩五錢六分又靜樂縣未起邊民壯安家路費銀一百七十四兩四分五厘又定襄縣民壯來遲并截曠銀五十四兩六錢二分五毫五絲四忽以上共銀一千九百七十四兩七錢七厘八毫四忽內除寧武修工平陽秋班軍定襄民壯支過鹽菜銀一百二十三兩六錢陽方口修工平陽春班軍支過鹽菜銀八十二兩四錢寧化修工平陽冬班軍支過鹽菜銀二十九兩二錢共支過鹽菜銀二百三十五兩二錢修東關外面臥羊臺覓工買料共銀六百六十一兩五錢二分二厘二毫五絲又東關水洞因陽曲縣民壯照舊派歸東路修工呈允雇覓夫匠買料共動銀八百兩五錢六分頭馬營堡題允備料動銀二百兩平陽秋班軍拆修東面大城內十牆

盡場呈允動給覓工銀六十兩下剩銀一十七兩四錢二分五厘五毫五絲四忽定襄縣民壯拖欠見今嚴追完日修工應用原議寧化所上年修完本所關城遺留中截土關牆長八十二丈未包今本所官生街民潘雲官玉基吳海等告懇與修該所申議批允包砌奈因寧武鎮城并兩關城天雨衝塌工程甚大合用夫匠興修甚多故將寧化未包關城儘軍力議包五十丈所遺土關三十二丈不妨下年再議今照上年包砌一律大牆高一丈八尺垛牆高五尺通高二丈三尺其臥羊臺三處俱用荒石條修砌灰泥抵縫裏面欄馬小牆高三尺埽頂二層裏面土大牆如有披塌去處用好土幫築合用修工軍匠四百三名應支鹽菜銀三百六十二兩七錢限自崇禎八年四月初一日興工本年九月終告完隨於本年分修完原題寧化所磚石包完關城長五十丈大牆高一丈八尺垛牆五尺通高二丈三尺從底挑深地基五尺內用大石膠泥穩砌築打堅實與地相平底鋪圍屏石一層上用細石條廂邊砌高一丈八尺裏用粗石條勾撒三行磚砌垛牆高五尺裏面欄馬小牆高三尺埽頂二層闊八尺臥羊臺三處俱用荒石條包砌通完原議鹽菜銀三百六十二兩七錢動本工曠銀內平陽冬班軍支過鹽菜銀二十九兩二錢委官呂士萃冊報忻州民壯一百三十六名奉文留州修工呈允催解各壯安家路費工食等銀五百一十兩覓夫買料并原派寧化所秋班軍一百二十名平陽冬班軍一百四十六名各以行月糧銀雇覓夫匠買料興修完工訖內有攬頭董科等攬修平陽冬班軍原分工程除領過行月糧銀外尙少不敷工資銀兩另議查給其平陽冬班軍來遲兩月行月糧隨寧武一總扣算議查水洞臥羊臺并鹽菜支用訖前載明白至於委官紙紅銀五兩四錢興工破土等項銀二兩七錢因無工曠委官借貸另議查給總理提調去任中路參將郭邦銳總委寧武守備陳有光散委寧武所冠帶官呂士萃陽方口遊擊界原議



陽方口新改撥各營寄操軍丁一千五百名尙該棲址營房一千五百間及查本口崇禎七年議建敵臺石櫃等工原派平陽春班軍匠并議動官銀備辦興修因逆虜入犯盡將班軍砍散遺工未完已經究罪呈詳改限八年興修動原議料銀并辦就物料合應照舊督併春班官軍四百一十三員名修理又議建營房實因各處工多軍寡先儘見在軍力建蓋營房三百間用軍匠一百八十名木植椽棧赴山採取磚瓦灰料撥軍燒造共修工軍壯五百九十三名應支鹽菜銀五百三十三兩七錢限自崇禎八年四月初一日興工本年九月終告完隨於本年分修完原題陽方堡建蓋營房三百間遵照原議採取木植燒造磚瓦石灰等項照數建蓋通完又崇禎七年議修本堡九龍口迤東石砌逼水壩墻一截長二十丈高七尺底闊六尺頂闊四尺接連石櫃順牆地基長二十二丈高五尺石櫃鋪房十間又留臥羊臺閣五尺樓臺周圍曲折共長三十三丈三尺大牆高三丈垛牆五尺通高三丈五尺墁頂二層長一十六丈闊二丈五尺至於大樓一則因人力寡少一則上重下濕難望攸久俟臺身行過乾實再行議派平陽春班軍四百一十三員名限自崇禎七年四月初一日興工本年閏八月終告完照舊議興修間該本口先任遊擊張鳳鳴見得工程浩大軍力寡少又兼河水漂沒辦就石條灰料不能興修呈詳覆議轉請撫院批允又加工料銀一千一百七十兩添鑄生鐵卜吊鐵串等項雇夫買料興修不期七月內大虜入犯致將班軍砍散逃回遺工未修扣存行月糧并截贖銀六百五十六兩五錢一分五厘四毫連前工料銀兩去冬辦料究罪呈詳改限八年并原議春班官軍興修完報遵於八年分修完九龍口迤東石砌逼水壩墻一截長二十丈從底挑深地基五尺內用大石膠泥穩砌築打堅實與地相平安立拉手排椿高七尺底闊六尺頂闊三尺用細石條廂邊計十層裏用粗石條勾撒頂用大石板魚脊墁頂接連石櫃順

牆地基長二十二丈從底挑深地基一丈用大石膠土灰泥穩砌築打堅實與地相平前面底修臥羊臺長二十二丈高五尺計細石條八層裏用粗石條勾撒七行外留臥羊臺闊五尺臺身大牆高三丈垛牆五尺通高三丈五尺周圍曲折共長三十三丈三尺底安圍屏石一層上用細石條廂邊砌高一丈連圍屏石計一十六層內用平面粗石條勾撒填餉接石磚包高二丈計六十六層上砌垛牆高五尺墁頂長一十六丈闊二丈五尺鋪房十間椽椽磚瓦等項俱全仍添鑄大生鐵銀錠二百三十箇小銀錠一百七十箇鐵椽四根各重不等共重三千七百二十斤雇覓石匠於安就石條牆內鑿打馬口安置貫串通完原議鹽菜銀五百三十三兩七錢議動本工曠銀其修營房原議靜樂縣民壯一百八十名並未赴工止以各壯六箇月工食銀一千八十兩催解工所委官侯之藩買料雇匠覓夫修蓋通完未支鹽菜工食銀內實用過一千七兩七錢揔節銀七十二兩三錢修樓臺壩牆石櫃鋪房等工平陽春班軍支鹽菜銀八十二兩四錢委官張鳳鳴冊報議加工料銀一千一百七十兩又扣存修工軍匠行月糧銀六百五十六兩五錢一分五厘四毫加覓夫匠買備磚灰生鐵等項物料修理通完下剩揔節坯炭工價銀一十三兩五錢七分五厘又報過舊石條省費銀一十三兩一錢六分二項共銀二十六兩七錢二分五厘委官名下見今催解貯庫聽候修邊應用其平陽春班軍來遲兩月行月糧銀隨寧武一總扣算議修水洞臥羊臺等工并鹽菜支用訖前載明白至於委官紙紅興工破土犒賞花紅等項委官借貸動用另行查議總理工程原任陽方口遊擊張鳳鳴管修營房散委中軍官侯之藩據此該職石聲和爲照中路之邊沿長二百九里零四十八丈索其披塌之期自嘉隆萬曆以來年經百十餘載也問其歷任之官升謫物故又不可以屈指數也第思將備等官受朝廷之殊恩豈敢甘心玩泄撤自固之籬籬而漫不議修

但倒塌者日積月累年復一年其間或議修而未蒙明示批發或修而此處告成彼處報塌况中路額載班軍民壯數止二千一百有奇人有限工無窮且節年流虜交訌所屬城堡雨水浸泡年年補葺以故班軍民壯分身不暇錢糧匱乏無處其邊疆之坍塌非朝夕之故也將備之年分亦非近年見任之將備任也崇禎九年四月蒙本院牌文爲提督軍務事坐委職公同太原府清軍蔡同知各單騎減從將中路陽方口苦森梁原議欽限六箇月報竣之邊工僅四月督修通完又將陸守備分管披場邊牆應剷補者補修完全應修築者修築堅固俱經造冊呈詳院道訖此職等已將百年坍塌廢邊半年之內補葺堪以保障矣又如崇禎八年分議修寧武東關等工俱各依限修完無容再議至陽方口修建營房違限委官侯之藩業已究罪呈詳本道轉詳撫院批允亦無容再究至東關水洞之鋪房未建似爲未完之工原非委官泄玩而不修實無錢糧備料以修建無米之炊似難爲委官究也亦經湊發官銀四十兩給發委官常俊賈料修建通完連東關等工修完丈尺用過并擲節錢糧備造文冊及總散委官職名呈詳本道并報本司外今蒙前因及查管修八年之工上有總理提調之參將中有總委之守備下有散委之小官其工程完否違限違限俱皆各官責任也在本道不過酌量緩急請議與修催督班軍點發工所在職職司錢糧不過收放明白核其多寡以杜虛冒并不管理工程泄玩之咎俱管工官之責也倘因邊垣傾圮工程違限舍原委總散而不究是問其信守在武弁也責其怠玩不在武弁也不惟將來邊垣限工愈泄玩而不可問卽各弁應盡之職亦有所借而推諉矣遵將崇禎八年分修完工程丈尺用過并擲節錢糧覆造清楚擬合呈請恭候本道回復以結欵件緣繇呈詳到道該本道副使劉漢爲照中路邊垣坍塌之故前已覆核明確會將前遺賈克忠奉旨降級似無容再議矣惟有崇禎八年分議修工程前報

原因東關水洞改建鋪房未完今已建蓋一年所議各項工程盡行通完及用過錢糧修完丈尺分析明白造報訖今蒙查取道廳職名但前道賈克忠已經降級而中糧廳石同知上年修築邊垣晝夜奔馳撙節錢糧有裨實用其苦森梁半載之工程四月告竣似非泄玩應否議罰惟乞裁酌非本道所敢置喙也等緣緣到司准此該本司署印副使唐登儁看得三路邊工皆屬緊要除岢嵐西路先已報完外其屬平東路寧武中路工多未完不能報竣以致遷延時日及今屢次催覈中路亦已通完而違限各官應否議罰是在憲裁至東路方今陸續開報除已完外尚有未完工程雖云工多人寡錢糧不敷然違延泄玩之罰誠難道也今既將總散委官職名并工程錢糧備悉詳開前來擬合呈報等因呈詳到臣該臣看得邊工全恃城垣臺隍以爲捍衛三關自七年經虜賊蹂躪之後各城堡多有殘毀者故急議修葺班壯有限不能概及邊垣理勢然也崇禎八年工程奉旨東中二路議修城堡等項西路議修老營水泉草塚山一帶邊垣并岢嵐保德二州城工臣奉有責成作速鳩工繕葺勒限報竣毋得延誤之旨敢不竭力督催嚴限與修務期早竣以鞏巖疆無奈年來管工官員玩愒最甚或怠緩愆期或侵冒滋弊如臣前摘發繁峙縣管工等官題奉明旨已將通判李郁林擬徒委官王道弘李茂德等遣戍立功各追原職爲繁峙縣修城之用茲查岢嵐道臣盧友竹督催西路工程先已報完中路工程除已完外陽方口修建營房三百間寧武東關水洞鋪房三間各工完報在後泄玩官員則道臣賈克忠參將郭邦銳遊擊張鳳鳴或經降處或參劾革任其原任守備陳有光陽方遊擊營中軍侯之藩武寧守備營寧武所冠帶官嘗俊均應議處同知石聲和八年工程雖係任內查本官督催殫竭心力中路之得以竣事者皆其力也似應免議東路工程除繁峙縣城工李茂德王道弘一案已經參處另議修葺外廣武口未完塚牆七十六

丈泄玩官員則寧武帶管隔平道臣賈克忠通判李郁林廣武守備郝光前接管守備沙廣雄或經降處或擬徒參劾革任似難再究惟散委官吳夢周張鵬程屢催不結奸玩尤甚所當請旨拏問從重究擬以厘侵弊者也未完工程嚴飭新任。臣李喬崑通判邵承堯廣武守備丁秉忠勒限督催務期通完外既經該司呈詳前來相應具題伏乞勅下吏兵二部再加查覈覆議施行等因崇禎十年七月十九日奉聖旨該部覈議具奏欽此欽遵吏科外抄到部送司案呈到部該臣等看得從來邊備惟恃城垣臺堡爲捍衛之資矧封疆多事設險固圉更爲吃緊况凜以明旨屢申自應先時報竣乃猶有悠悠緩如原任守備陳有光陽方遊擊營中軍侯之藩寧武守備管寧武所冠帶官嘗俊者雖工程俱已全完而後時之誅不能代爲寬矣陳有光已經陞任應降貳級管事侯之藩嘗俊查係劄委姑行革逐亦足蔽辜同知石聲和已經吏部議罰至廣武口之垛牆屢催不結寧止奸玩實多侵冒委官吳夢周張鵬程應行該撫按拏問究擬賈克忠郭邦銳張鳳鳴李郁林郝光前沙廣雄已經處分姑免再究其未完工程應遵新旨責成李喬崑邵承堯等刻期報竣李茂德一案仍行該撫上緊比催勒限追結另行奏奪可也既經具題前來相應覆請恭候命下臣部轉行遵奉施行崇禎十年八月二十一日郎中趙光抃

兵部爲邊垣一無足恃等事該本部題云云等因崇禎十年九月初五日本部尙書楊等具題初九日奉聖旨是陳有光著於陞任降二級管事侯之藩嘗俊褫革吳夢周張鵬程該撫按提究卽責李喬崑等刻限竣工務期堅久李茂德一案仍著勒追完結另奏欽此欽遵抄出到部送司案呈到部擬合就行爲此一咨山西巡撫都察院轉行山西巡按御史照依明旨內事理將吳夢周張鵬程定限本年十月終旬提究卽責李喬崑等刻限竣工其李茂德一案希卽勒

追完結具奏一咨宜大總督延綏巡撫崇禎十年九月十六日郎中趙光抃員外郎吳鼎

兵部題行「戶科外抄山西巡撫吳姓題」稿 集字二百六十九號限初五日上司□部查做稿有貼黃大同科書辦趙文錦承

兵部尚書臣楊等謹題爲直陳特甚邊弊事職方清吏司案呈崇禎十年六月初十日奉本部送兵科抄出戶科外抄山西巡撫吳姓題稱據鴈平兵備道李喬崑呈崇禎九年九月十三日蒙巡撫吳都御史批據本道呈准總司關准布政司照會據經歷司呈抄蒙山西巡按張御史案驗奉都察院（巡按山西七千七百三號）勘劄准兵部咨職方清吏司案呈奉本部送兵科抄出浙江臨山衛瀝海所世襲副千戶加銜守備高紹武奏稱臣雖未徧歷九邊若遼薊昌保亦嘗身親目擊非盡無暇可乘無弊可摘然未有百度盡弛整頓無地如山西一鎮者也夫山西邊備積弛業爲撫按監鎮諸臣疏述爲皇上習聞似不必小臣贅瀆第見從前入告之疏不過言邊牆坍塌糧餉壓欠兵丁貧憊與馬匹缺乏之形狀而已至諸務所以疲缺廢弛法紀所以蕩棄不振之處未見一爲指破縱欲振刷何施則以下蒙上蔽欲言者不必知己知者不敢言遂日積而爲今日景象臣自崇禎七年蒙皇上准兵部題覆原任總兵尤弘勳題帶赴任隨巡聽委凡兵馬器械等項罔不身親閱歷所以全鎮之百孔千弊俱得洞悉第人微言輕既不能動當事諸臣之聽而駭目痛心不得不一陳於達聰之朝試言山西之兵止占冒之餘耳嘗考經制舊額七萬餘員名後減裁經制近按支糧實數尙有四萬三千餘員名何以一值剿禦輒若無兵不知四萬三千之內有一人而食兩餉是謂雙糧又有以二三名空糧加貼一人是謂幫糧夫幫糧雙糧之數多則實實支糧之人少况食二項之糧者皆將領守提之家丁大率寄名影冒不可窮詰故二項支糧俱占冒之別名耳即營伍正軍多屬各官伴役總鎮衙門計旗牌書識門伴牢夜并煤炭水夫以及莊園雜藝軍匠不下千餘營路將領守提等官亦皆百數上下甚至鄉紳生員閑官廢弁之親戚僕

從糧廳監收胥伴等人俱掛營糧坐糜若此荷戈尙有幾人乎然此猶是舊營相沿之占冒也至新設健丁月食重餉專備殺奴部議該營書伴於舊營取用今營將於正標舊營取隨役一十八名止逐月支其空糧其實跟旗牌書識門伴轎夫馬頭等項共一百六十餘人仍取之健丁供應於是中軍千把總效尤冗占統計健丁供廩養之役者三百有餘恐非聖明特設健丁之意臣故曰山西之兵止占冒之餘也試言山西之餉止侵蝕之餘耳臣觀該鎮糧餉因民運不前壓欠雖至十二三月此遞壓遞累之數然以舊抵新月支亦差不遠何至各兵盡餓卒哉止緣放糧之日而貪弁奸委不曰扣使費則曰除借支其使費者何凡上司之巡歷有小飯下程隨巡供應馬匹夫役等費以至營將上下交往之禮節與各衙門內外打點之陋規并軍中大小諸務無不有費將領通同書識官旗赴勢要之家借出應用俟領糧到日扣還本利方給軍兵且指一作十重複扣算軍兵明知而不敢抗致有領餉數月而實支不滿數錢者間有軍兵呈告撫道批發府廳究審而府廳仍移營路查覈彼姦豪賄闊甚且反中以禍了事矣於是憤激之深脫巾絲是釀也借支者何山西流寇豕突不嘗兵丁調發不時部餉不能按給臨關每赴糧廳於雜項錢糧那借以充行糧議於應領月餉扣除而在調兵丁不甘獨詘派全營攤扣自全營攤扣之法立而奸宄侵蝕之弊滋或因借而倍爲那借或已扣而復行再扣端緒百出莫可稽覈以致未調兵丁有經年不支一分者其攘奪在下者既如此至若經年逃故從不開報累月節曠竝未還官又各營路堡額糧有扣抵撫鎮標丁者逐月之餉已隨標丁冊數支領乃各營路堡仍照原額重支蓋蘄遼月支糧餉俱掛道號山西掛號獨任糧廳糧廳之號一掛兵道不問虛實卽爲轉文餉司卽照數給放謂錢糧干係糧廳任之不知府廳體卑易狎而胥役多與積委朋奸故蒙隴瀾冒莫可窮詰其侵沒在官者又如此臣



故曰山西之餉止侵蝕之餘也若夫馬匹所存不及舊額十分之一問何缺乏至是不曰援剿遺亡則曰倒斃不補夫陣失當必有數倒斃豈無朋椿見該鎮查椿臟冊報如正標二營自崇禎元年起至七年止俱有三千餘兩還究其銀止回窮軍莫可追納而已又查朋合銀兩各營路有已扣有未扣者又有已扣而俟不扣者其存扣銀兩有交納營盈庫者又有存貯該營路者曾未開買補徒滋乾沒疆場剿禦復何藉耶今健丁戰兵二項馬匹本折不知費聖明幾多宵旰部寺多少籌畫纔足四千之數耳半年以來其朋合幾何椿臟幾何買補幾何儻仍前不究恐數年之後新給之馬猶之舊日之消耗而不可問也至于器甲近年遺失爲數不貲臣不能逐一備述第于八年三月內正標二營官軍調剿流寇臣蒙委督陣親在戎間目擊隨營大砲二十餘位迨至回鎮輒報遺失者四位細查其故有告臣者曰鄉民築堡拒寇苦少銃砲火藥每遇官兵出征往往重價賄買而軍兵私相鬻送事嘗有之夫鄉民鬻買軍器法固應然猶是衛禦村堡也儻流賊假鄉民暗買其爲害尙可言與因密稟鎮臣嚴究追陪而前砲之報失者果獲矣殘疆軍器製造甚難乃兵丁敢于私賣將領毫無覺察則損失安得不殆盡乎銃砲之外如火箭火輒火罐萬人敵等器俱須備製以應不測況山西所產鉛鐵硝磺不少製造極易從未聞有留心製造者雖該鎮原開鐵礦調取軍丁百餘以充礦夫問所鑄之鐵果否盡歸官局乎又該鎮各路俱有鐵局匠役數百名皆月食雙糧問所製之器曾否悉製官器乎今城堡軍營缺乏至此則等等皆虛名矣以上侵漁之弊如此而玩弛之象更可駭異他鎮兵官訓練之法未必臨敵足用猶有其事也獨山西之兵除上司巡閱外曾未操演嘗問其故不曰少火藥則曰無操賞且曰壓餉兵貧寬之尙愁掉臂逼之何以謀生慮鼓譟也果爾則何令之納煤輸役會無矜憫亦未見有鼓譟獨難于操練不信也若無事懼其

衛命臨敵尙安望其用命哉玩弛如此故一當有事張皇失措(稽)莫知所施豈無嚴旨申飭豈無部督檄催若所云安設

布置取軍令狀祇歸紙上而已甚至屢呼不應卽求紙上亦難如挑選戰兵更定經制等事屢奉綸催督撫行之鎮道

鎮道行之廳營廳營之貪弁積胥不便于已寢閣支吾幾成不了之案凡查覈議覆之事盡然邊事安望振起哉今欲

痛加振飭使第行查覈酌議雖萬分嚴切仍是一番文移各弁耳目習慣視爲故事其目不識丁者且不知所行之文

謂何徒多一件未完欵案于振飭精神毫無動也臣在邊時聞傳言朝廷有密訪使出各官動色相戒是或震聳一機

然耳目寄不得人誤弊更甚皇上知人之明飭法之用度越古聖非小臣敢窺毫末嘗身在行間酌量時勢揣摩諺謂

山西有不容不舉者條爲起疲十議雖鄙淺不足上瀆宸聰或亦察邇聖上所不禁因字冗不備錄進容另繕奏聞臣

世叨恩象向虜入隨征不能奮臂挺身單騎破虜今徒越分摘人之瑕罪知不免等因崇禎九年五月十三日奉聖旨

奏內占兵侵餉馬匹器械倒斃遺失等項事情著該撫鎮按嚴查據實回奏該部知道欵此欵遵抄出到部送司案呈

到部移咨都察院類爲轉行山西巡按御史照依明旨內事理將占兵侵餉馬匹器械倒斃遺失等項事情定限六月

中旬嚴查據實回奏等因到院准此飭行本院案行本司仰司呈堂移行兵巡各道將占兵侵餉馬匹器械倒斃遺失

等項事情依限查明據實移送過司類報兩院會奏施行等因蒙此又蒙巡撫吳都御史案驗前事備行本道轉行東

路管糧通判邵承堯從實行查據本官呈稱行准東北二參將廣北平三守備及衛所城操司各回稱查得大小各官

下跟伴書記俱遵軍門頒發名數無事役使有警隨營出征並無鄉紳生員閑官廢弁及煤炭水夫莊園雜藝糧廳監

收人役頂食隱占一丁一軍本路亦無新設健兵無憑回報至於侵餉凡遇每月造領軍糧料草皆遵部科新例將逃

故倒失軍馬全月錢糧盡行開除不領外止照實在數目備造管收除在糧冊在於振武衛查覈印鈐轉送糧廳掛號  
仍呈送屬平道覈查掛號無礙方投餉司支領各委官領銀出仍赴本道驗封或委糧官并監收官照數擊分小包唱  
名給散並無指稱小飯下程供應打點使費掙借苦軍倍還那借重扣之陋規亦無侵餉毫釐其各營馬匹倒失近因  
征調繁冗倒失十去八九止存一二補買不完之故但東路所屬並無額載毫釐馬價雖有各軍名下扣朋銀些須隨  
扣即補軍器銃砲樓庫貯放冊簿最明亦無隨軍失少情緣今蒙嚴查理合同報各情緣到職查得各營衛所兵馬錢  
糧器械皆蒙各上司不時稽查點閱前此雖有一二積弊近以警報頻傳督撫鎮道極力清剔屢禁森嚴無敢玩誤見  
今安設各衝隘口及州縣防禦已中多實數矣又查職銜內人役並無頂食軍糧等因具呈照詳蒙批東路各營堡果  
無隱占侵冒情弊乎而糧官作此昧心之語將誰欺也事關入告當據實直言仰屬平道速查覈報速速蒙此本道親  
詣查覈爲照千戶高紹武所言軍丁之隱占糧餉之侵漁馬匹器械之倒斃殘缺洵疆場切膚之患而言言皆實事也  
及查冒兵一事亦有說焉蓋有官必有役使如總鎮及將領各衙門旗職牢伴一應人役原無額設工食俱係本營軍  
丁無警供役有警隨戰法甚善也間有不肖將領并各衛所緣承平日久浸生弊竇非多設以供匠作即影射以潤私  
囊坐食軍糧有五七十名者有二三十名者多寡不等今已省令陸續補伍矣至摧鋒陷陣非驍勇不可雙糧幫糧之  
設原以鼓家丁之銳而饋帥遂因之以自封今經制已定從前假之而冒濫者或亦無可影射矣至於侵餉之說蓋因  
上司巡歷有夫馬之煩擾程飯之供應并交往之禮節而假公濟私者遂借使費之名而攤派之邇來上司預杜其萌  
再四嚴禁一有巡歷止單騎減從毫不累及營伍大法小廉卽有溺志染指者行見借扣之無從矣所云借支者緣調

遣行糧出自全營攤扣而弊竇從此啓矣近奉本院明例凡口口百里以外另給行糧其預支坐糧止照奉調名數掛號支領俟全册放糧之日照名扣除混淆之弊清而全營軍丁咸沾實惠矣走死逃亡軍士之嘗隊長通同本管隱匿不報至領糧之日侵欺入己者比比而然自懲究中把官黃錦等外其逃故節曠等項本道接籍扣除作充正餉而重支者誰復得高下其手乎各營馬匹近來征剿煩冗倒斃甚多朋椿銀兩有在官未扣者亦有在軍拖欠者即今東路各營共欠銀二千七百一十兩零見完一百三十餘兩發布越口守備馬得功買馬其餘未完見今勒限催比非復如向日之任意乾沒者矣及查軍器盃甲銃砲等項損壞者固多其所少者不過數件而止况蒙明旨清查責令委官馮玉趙弘基漸次補造册籍甚明胡敢欺也至訓練之久廢事屬既往者難以究詰茲以烽燧時警院禁森嚴誰敢自甘闕茸不行操演而謬罹罪譴也他如礦夫健丁俱係中路非東路所得過而問焉者等緣繇到臣據此又據甯嵐兵備道臣盧友竹呈稱查得西路原額官軍二萬一千七百三十二員名崇禎二年七月內奉前撫耿都御史裁汰官軍八百九十六員名實該見在軍官二萬八百三十六員名定爲經制外南兵五百名如有逃故者隨即召補有召補不足者其截曠銀兩各營保領糧册內明白開載餉司臨放照數扣除在庫以抵軍餉至於糧餉一節協路各有率例內丁幫糧其內丁有一人而食一石七八斗者有一人而食一石四五斗者亦有一人而食一石二斗者在各將酌其人之才勇而多寡布之其實未始無人也各官跟伴有裁定舊額副總兵該旗掾牢伴六十六名參將遊擊該旗掾牢伴等役六十名守備官各二十四名掌印各十二名各營中軍官各十名千總巡捕各八名操防守各六名把總官各五名無事跟從伺候有警隨營守禦雖云佔役亦未始無人也且跟伴書識等役亦歷來各官之所必不可少者也原

額馬騾八千七百一十九匹頭凡遇倒失扣原馬料草椿皮銀兩仍於有馬軍士量扣朋合隨倒隨買節因調撥頻繁月糧不繼各營倒斃陣失馬羸甚多不能買補崇禎二年七月內奉前撫耿都御史裁汰倒失馬羸四千八匹頭停止料草以抵軍餉仍該實在馬羸四千七百一十一匹頭定爲經制年來虜寇並發連歲荒歉自崇禎二年起至今止節次倒斃陣失未補馬羸三千七百三十六匹頭續收南兵營自備戰馬一十六匹即今見在馬羸牛九百九十四頭隻錢糧久缺無存買補馬匹既少且幾閱月不能領一月草料銀兩亦無扣有朋合查有奉旨扣存椿朋專備買馬之用銀一千五百八十五兩一錢二分零呈詳本院詳允見發奇兵營買馬俟買完另冊開銷又蒙前發馬價二千兩買完馬羸九十一匹頭已經驗數印發各營騎征造冊報院見今類銷再照西路邊地也與腹裏不同即與中東二路亦不同各軍以缺餉日久荷戈巡防苦不可支各官跟伴書記原有額定之數其月餉止於七錢與別路之新兵懸殊因幾閱月尚不能領一次誰敢以無實惠而受虛名而敢濫占者亦似與別路之有大糧者不同至於領糧文冊皆絲衛所造印冊投糧廳覈查明白赴本道復照月報數核查明白方准掛號移餉司給領西路糧廳並無掛號之規茲值虜寇交訖戎事倥偬馬匹器械平素有損無補除前動發馬價買馬外本道莅任之時多方設處摻括錢糧置備鐵料打造完虎尾砲二十五位砲架二十五箇三眼槍五百桿長槍五百桿腰刀五百口暗甲一千七十二副盔連腦包一千頂副隨營鑼鍋四十面大小合口鐵子一千八百箇護城鐵火爐三十二隻本道力之所能爲者止此其兵餉非敢謂一清楚而餉銀不多且虧缺日久高紹武之言實與西路無當也只借支以救一時之急餉銀到日零星扣補則勢之不得不然而領銀者盤費之外亦未敢借名攤扣各路之情形不同弊竇之多寡亦異此西路近時之光景而非故爲

隱飾也等緣繇呈詳到臣據此又據寧武道呈據太原府中路管糧同知石聲和呈稱崇禎九年七月二十二日蒙旨嵐帶管寧武兵備廬副使案驗准按察司關蒙巡撫吳都御史案驗准兵部咨職方清吏司案呈奉本部送據山西總鎮王忠呈稱本年五月三十日奉本部劄付前事遵奉查得高紹武係前任總兵尤弘勳下代筆高岱之姪隨任書寫據識不知何功遽題守備因前總兵革任故有此占冒等項之揭第不揭之於隨任之時而揭之於退藏之後殊不知本職已更新一番矣本職從行伍出身原不諳文墨然營中一切陋規素所稔知去年歷任後凡屬占冒動關錢糧製造器械種種等弊即於始事之初力行釐剔前任之蠹本職行之已蚤如占冒先會之餉司從根扣餉復會之本道皆有時日可稽不待高紹武之疏奏而後行之也今將履任後行過清占等事一一登答一曰山西之兵止占冒之餘耳本職於去年十月內到任查取山西鎮兵數除原額外計見在四萬七千有奇其中食糧者是總兵原額內丁八百名奉旨題允前鎮用遊擊尤雲龍統轄本職切思一內丁而設一遊擊大為不便即裁革去又查夷丁除雙糧之外尚有鹽肉菜等銀本職莅任移會道部每丁每月止照宋撫院題准食糧銀一兩二錢又點出脆弱不堪無資戰剿者裁去二百名以六百名為足即開除月餉戶部衙門冊卷可考本職會同院道隨發正標兩營每營計三百名聽兩營坐營守備所轄操演至於二三名空糧加貼一人是謂幫糧本職未之聞也各路將領守操之家丁因隨征每戰登先各自呈請院道頂食雙糧者不過二三十人非奉本道之詳示不敢擅頂原非寄名影冒亦非在本職標下若夫各官伴役與本職衙門旗牌書辦門伴牢役勢所必用之役量留數名其餘本職到任後屢經汰革冗役并革去煤炭莊園雜役軍匠大書告示會經院道點查俱有實數鄉紳生員閑官廢弁之親戚僕從有役占軍糧者本職亦經革發歸伍寧任

怨任勞不敢曲徇情面又查糧廳監收胥伴等役皆係民壯並無掛糧坐糜再查健營將官用正標營軍一十八名以供役使本職閱兵查出卽發回營操練今健兵將領千總把總等官所用書識跟伴原取之健丁但各丁無事則供役有警亦禦剿一軍而當二事較之他軍反勞非供廝養之用者是否占冒乞裁一曰山西之餉止侵蝕之餘耳山西鎮餉歷欠有年非止今日日本職職司軍旅錢糧並無經手染指今歷任八月凡遇領來各營月餉餉司有秤單送道眼同領糧委官秤兌明白或委糧廳或委監收照數推封給散卽有扣除借支因屢年寇邊交訂出征援剿兵丁臨行糧料缺乏不得不預借別項官銀以濟征剿之急各有道詳借有實領還有實收可據及至糧銀到日饑軍苦苦告免正項尙且停扣安有扣使費小飯下程等項種種重扣之理乎不惟軍不肯甘心而管糧當事者亦何敢有此名色及查逃故一節隨逃隨報就於挨月領糧冊內開除不支戶部衙門冊卷可考無容多贅又查各營路額糧有扣抵撫鎮標丁者逐月之餉銀隨標丁冊數支領乃各營路堡仍照原額重支卷查前任總兵尤弘勳任內查出各營路原有送過內丁糧石而該營糧冊內不行開除仍復重支者曾經移會餉司轉行各糧廳查明扣除外原卷見在亦非本職任內之事也至於掛號一節各營糧冊道號與廳號並用亦非專用廳號也是否侵蝕乞裁一曰馬匹缺額十分之一者非一朝一夕之故蓋自東奴發難兼及流寇禍晉節經征調頻仍不時出剿陣傷倒斃之馬亦多如正標兩營原額馬騾五千九百三十餘匹頭今止見在馬騾一百九十三匹頭以及所屬副參遊守等營亦皆十軍九步豈待紹武今日之言歷稽舊案當事撫按與夫前鎮節經具疏入告緣馬價缺乏無計買補如此則營馬旣化烏有料草銀兩開除不支又兼月餉經年迭欠應追椿贖朋合無從起扣至於崇禎元年起至七年止倒馬椿贖朋合銀兩在道廳衙門設有循環

稽考如某月馬倒填報開除某月買補解驗收爲實在雖然事屬已往本職履任方及半載並無扣貯椿朋卽扣必經有司庫貯毫不經手營將何繇乾沒及健丁馬匹查得該營監馬二百寺馬八百馬價三萬五千兩買過馬匹及倒斃數目并支存買馬銀兩見今另報而戰兵本色馬匹繇撫院衙門分發是在該撫回咨止發到中盈庫馬價銀二千兩已經道廳委官買完亦經道廳銷算其前鎮任內倒斃健馬九十四匹該追椿贖銀三兩一錢二分共計二百八十八兩八錢雖經追椿買馬馬能補其前項缺數自本職履任來本營百隊總軍丁具告情切以後倒斃馬匹本營軍丁互相攤朋買補不費公帑不煩估議隨倒隨補永不缺額一可利於軍丁免追比之苦一有益於營伍馬不缺額已經立有成規在卷總之朋銀之多寡計馬匹倒斃之數而攤扣也並不敢蹈舊日之消耗而不可問也乞裁一曰器甲近年遺失爲數不貲本職歷任晉疆亦曾防河剿寇所隨火砲器具各兵恪遵紀律並未敢遺失私賣等弊若夫銃砲之外如火箭火靛火礮萬人敵等俱須製備以應不測本職閱視各路城堡俱設有火礮萬人敵插木等器然多造不如法已做效虧遠置造之法徧行安設外至於開鑿鑛造軍器今在道廳衙門經理本職有不得而問焉一曰山西之兵除上司巡閱外曾未操演蓋就前鎮之言也本職到任後凡健正標營戰兵達三六九操演今本年五月內蒙總督軍門梁侍郎閱視頗稱曉健一曰挑戰兵更定經制等事見今鴈寧尙三道議安撫院題請下部覈覆無容再議等因到部送司查得高紹武久爲尤弘勳掾史其摘發營弊皆其身試目擊有類供狀今據王總鎮逐款開報一一釐剔俱極清楚此或今昔事情各有不同本部未有確據難以具覆惟該撫院提衡全鎮洞悉情形乞一一據實回奏如紹武或有訐詐別情亦乞明白指參本部已將該弁保候專俟疏奏定奪案呈到部移咨本院案行本司關行本道案行中路管



糧官即將高紹武摘發營弊并王總鎮開報厘剔等情確查情形逐款詳實作速呈詳以憑具覆等因蒙此該中路管糧同知石聲和查得高紹武指揭營伍中各項事情俱皆遠年承平之弊雖有閱歷半屬風聞謂紹武言之皆非在昔日未必無也謂紹武言之皆是近來祛剔已盡在今日實未有也况數年以來流寇充斥奴虜肆橫聖明之上且勵精圖治銳意振飭而在外之官曷敢蹈襲承平欺玩朦蔽卽如崇禎二年間亂軍趙忽喇史應祿等借口缺餉掉臂作亂之後在前道廳鎮將已深懲往事厘剔殆盡繼任者敢不洗滌肺腸以冀維新謹將紹武原題諸款內昔因何有今何祛無逐款詳查得中路額軍一萬六千餘名內一人兩餉者係前任總兵張應昌以新任剿賊帶募隨征案中內丁八百名該鎮題奉明旨每丁食糧二石原爲剿賊堵虜威服諱諛此乃居重馭輕之意又有一等真夷通丁除雙糧外尙有鹽肉菜等名色亦係總鎮張應昌至尤弘勳之任則然也今新鎮王總兵抵任止裁爲六百名每名概議餉一兩二錢又云二三名空糧加貼一人是謂幫糧此各營實有之事如打造局匠日事鎗錘較營軍倍苦所以有一匠頂二糧者又查有各營將領因營軍趙忽喇等相繼鼓譟無爪士懾服先任坐營汪士任等呈請前道胡參政轉詳撫院批允准給各將下家丁頂食雙糧一則彈壓營軍一則征剿先登今新定經制打造者另立打造內丁者止食營糧以前加幫名色盡皆裁去至於各官伴役與總鎮衙門旂牌書識門伴牢役此亦必不可少之數與煤炭莊園雜役軍匠皆昔有之事自賊擾軍譁以來王總鎮俱已祛革寧武乃不毛之塞且無多鄉紳惟生員一途半係軍生有父兄食糧者亦有弟侄在伍者原各事其事非倚青衿而冒行伍也至閑官廢弁中有原任總兵尤世祿下家丁百餘名率皆秦中驍健本官解任後尤弘勳運入健兵營予以厚餉卽今見跟王總鎮赴豫征剿雖廢弁之僕從實奴寇之勍敵也亦非

占役糧廳監收胥件等役俱係州縣民壯各支本等工食原無頂役軍糧及查健兵營將官用正標營軍一十八名王總鎮到任查出發回該營操練健營各官應用書識跟件就取之健丁內供役有警隨營剿禦原不以雜役廢戰比別軍更苦非供廝養之用也山西軍餉自兩運不繼以來歷欠停給亦幾次從來各營所堡委官領來糧料餉銀遵照戶部原發秤單委官赴寧武道秤兌明白仍大書告示某營領到某月餉銀若干兩每軍該領銀若干鑿爲小包仍赴寧武道秤驗或委糧廳監收同營官守備唱名給散內或間有應除借支者或係征剿兵丁出征缺乏內顧盤費告蒙本道暫借庫貯別項官銀正餉到日理當扣還各軍哀籲每每停扣若云營官扣下程小飯使費等項夫笑笑貧卒(初)期夕所望以活命者止月餉耳遲發尙且偶語扣尅豈肯甘心况寧武道憲法密邇營弁豈敢以身試法耶且參將守備各官俱有按季支領布政司公費至於軍馬逃倒屢奉院道部文申飭各營官隨缺隨報其截日餉銀卽於領糧冊內開除不領節年號冊可考無復再贅其糧冊掛號一事錢糧關係至重原非獨任糧廳係奉部科題奉明旨通行各該衛所備造管收除在四項軍馬應領糧料冊領先用衛所正印核算明白申投糧廳查對無弊仍送寧武道復查明確方行掛號發營投部候領原非專用廳號也如馬匹缺額自逆奴狂逞流寇橫暴以後應援征剿陣傷倒斃十分之中僅存其一節經各院并總鎮屢疏入告緣無馬價不能買補料草銀兩亦開除不支其應追扣樁贓朋合先因叛軍趙忽喇等假以餉缺謀事不軌蒙院道設法撫綏凡遇領來餉銀俯從各軍懇告暫免扣除權爲一時保全地方計耳况各營自崇禎元年十一月起至三年十月止援守各營又自七年七八等月起至十二月止各軍應支正項月餉糧料草銀奉文歷欠嘗盈庫內未曾領來然餉銀既未給領樁朋無處除扣原非營將敢爲乾沒前蒙撫院屢行前道行

職嚴催各官按月扣除蓋緣月餉不接征剿頻仍貧戍呼庚嗷待哺不能多扣止於崇禎七年三月起至十年二月止陸續收貯中盈庫正標兩營并排馬家丁寧武守備營節次扣解朋合椿皮銀共七百二十八兩六錢五分已經放給正標營軍丁張仲倉等并排馬家丁何仁等及陽方口委官張名俊買驗准馬贏五十二匹頭各價不等共該馬價銀七百二十九兩五錢七分除儘動前解朋椿銀兩外尙該不足銀九錢二分俟有各營解交朋椿銀兩再行補給其健丁馬匹該營已領監馬二百匹寺馬八百匹外發馬價銀三萬五千兩皆前鎮尤弘勳與參將丁奎光自行易買見蒙撫院題參究擬另文確報至戰兵本色馬匹應聽本院分發回答前崇禎八年十一月內發到中盈庫馬價銀二千兩已蒙前道委官買完馬贏一百二十九匹頭先已另造清冊銷算外其尤總鎮任內倒斃健馬九十四匹每月應追椿贖銀三兩一錢二分共該銀二百八十八兩八錢以價少而不能補其缺數先准該營手本會稱已據本營百隊總軍丁具告皆願互相攤朋買補永不缺額又如山西鎮火器昔稱充足蓋因調征遼左剿禦流寇十失八九至如高紹武所言遺失之外猶有私賣者亦誠有之然此皆營軍出征回營之事乃督兵營官去則當稽其領回則宜查其數及銃砲之外如火箭火鞭火罐萬人敵等器俱做效關遠置造之法徧行各將領守備兼工修置安設外此何等時尚容懈怠至云開鐵礦局匠役數百名皆月食雙糧問所製之器會否悉製查得鎮設有打造軍器一局原有頂食雙糧軍匠一百二十名節經查委過委官千總張仁義吏目閔景陽於崇禎六年造完佛朗機一十二位大紅夷砲二十五位二紅夷砲一十位三紅夷并湧珠砲五十九位共砲一百六位內解送陽和張軍門五十六位又送代州十位存留寧武四十位又委官原任陽方口遊擊張鳳鳴於崇禎七八兩年造完湧珠大砲三百一十二位亦解陽和張軍門查收訖又

造完鳥鎗三百杆解送吳巡撫查收訖補造完正標二營盔甲各二百一十五頂副鳥鎗三百二十二杆三眼鎗一千五百九杆又奉劉太監明文造完湧珠大砲二百六位又委官千總張得於崇禎九年造完大砲二百八十位鳥鎗三百九十杆三眼鎗六百二十八杆俱經查發各營堡安設城垣守禦外鐵礦匠役亦發回營收伍差操訖俱有冊簿可稽原非虛名至於兵不操演蓋繇將不得人因崇禎二年叛兵趙忽喇等應援京川掉臂回營大肆鼓譟是以相繼將領慮以勤操而起叛端遂以寬假而成姑恤所以操演稀疎誠有如紹武所言者也乃今鎮將上畏明旨之森嚴下懼院道之稽查况時際多事政講武詰戎之日安敢曠廢置操演於不問乎經制一事其中營分之大小邊垣之衝否與夫兵士之多寡糧餉之厚薄務要經久妥當方爲定制故條議非一人之見申詳必衆謀方妥原非草草塞責朝下暮就可促時而定者今已詳妥已蒙撫院題請下部覆議無庸再計等緣繇各呈詳到臣該臣謹會同按臣葉紹顯看得邊備之廢弛兵馬之逃倒積弊相沿非復一年皆繇將領不得其人尤弘勳爲總兵時丁奎光胡承嗣輩蝕蠹特甚整頓無聞虜賊闖入健兵未嘗一矢加遺徒費朝廷數十萬金錢未得緩急之用高紹武曩在弘勳幕下其所言強半係寧武鎮城情弊非風影之談也自總兵王忠任事以來頗見整飭其簡練健丁殲剿寇盜入援京川亦成勁旅馬匹盔甲器械俱爲改觀蓋主將身先士卒整理營務自然旌旗變色王忠之于晉不可謂無功也臣等仰遵屢旨嚴飭道將清查稽覈之文未嘗不三令五申議定經制將各衙門一切調取幫糧各歸款項至鎮將等官旗牌書識門伴牢役勢所必用無事服役有警隨征鐵匠打造軍器舊例子以雙糧原非冒濫但一時缺者不能遽補逃亡日且見告馬驛日見倒死總繇額餉甚薄糧料迭欠而協參遊守諸弁慣習影占虛名冒替以自侵肥屢經摘發者亦不少矣惟當責成

該道設法清釐於掛號之前移會餉臣多方查覈於掛號之後但有侵冒卽行申報嚴加懲處重則糾參追贓擬罪庶乎前弊可爲少清耳而鎮臣爲三軍司命坐鎮寧武今舊軍缺額未盡清補健丁譁逃更須募練馬匹有問金堪以市駿戰兵有部議急當挑選臣當與新鎮臣尤世祿逐件講求殫精釐飭或可去其太甚而與之更新矣既經各道呈詳前來相應具題伏乞勅下戶兵二部查覈施行等因崇禎十年五月二十九日奉聖旨該部覈議具奏欽此又該山西巡按葉紹顯題同前事等因崇禎十年六月十二日奉聖旨已有旨了該部知道欽此欽遵通抄到部送司該本司看得邊鎮之弊百孔千端總而蔽之曰廢弛曰虛冒而所以釀成之者既繇承平積習之相沿亦因將領貪庸而不振如高紹武所摘山西諸弊大都皆尤弘勳時事一時偏僻左右互爲蠹蝕紹武曾爲幕賓安知非卽蠹蝕之尤乎其言日不職了者蓋怨王忠之擯而不用也其言耳目寄不得人者蓋呈身自售也小人慣能作奸卽能發奸今就其所指諸款一一查覈則固今昔異情局面不侔矣但影占未必盡清掛號恐同故事是在該撫責成各道餉司逐款體訪親自稽查稍有罅漏卽題參重處庶幾積弊漸革邊政一新耳若乃清補舊軍招募壯健購市馬匹操練戰兵此新鎮臣虎大威之事大威素著廉聲必能及時整頓用鞏危疆毋惜勞怨再資紹武輩以口實也等因案呈到部該臣覆查無異相應具題恭候命下臣部轉行遵奉申飭施行崇禎十年九月初三日郎中趙光抃

兵部爲直陳特甚邊弊事該本部題云云等因崇禎十年九月十一日奉聖旨山西武備廢弛已久這清影占嚴掛號著該撫責成各道餉司逐款稽查但有侵冒糾參重處其清補招募馬練兵事宜虎大威既能整頓改觀還著多方釐飭毋惜勞怨用鞏巖疆欽此欽遵抄出到部送司案呈到部擬合就行爲此一咨

山西都察

巡撫院  
轉行山西巡按御史  
一  
箭付虎大威崇禎十年九月十九日郎中趙光抃員外郎吳鼎

兵部題行「兵科抄出昌宣總監魏國徵題」稿

來字五十號限十七日上十一年四月二十六日有貼黃大同科書辦趙文鑑楊蕃承

兵部尙書臣楊等謹題爲直恭疎玩操弁以肅軍政事職方清吏司案呈崇禎十一年四月十三日奉本部送兵科抄出昌宣總監魏國徵題稱本年三月初十日據昌平道僉事黎玉田呈爲軍務事蒙本監批該本道呈詳前事吳胤世疎玩邊防仰昌平道究擬速報以憑具題繳蒙此遵卽嚴行管餉廳審究去後據該廳通判范德顯呈稱看得邊氛未靖軍士旁午爲邊將者固宜枕戈嘗膽以待不虞夫何石峽峪操守吳胤世當上司查點之際軍多失伍將不成列所稱師出以律者謂何但細詢顛末情景一日而兩分監踵出前分監已肅甲整戈以待矣而後分監忽至出其不意兵不及甲馬不及鞍却顧倉皇前後錯亂其景象亦似可念者但萬口百詞不能贖其疎虞之愆除應革任回衛外仍罰米三十石以儆繼此之爲邊將者伏候批示施行等因到道查係憲件不厭詳審復行該廳覆加研究據稱審與前情無異但虜氛未竣靖法不厭刻仍加罰米十石連前共四十四石庶乎儆後來者不可尤而效也等因到道據此該本道看得邇來邊疆多事警驚報頻仍凡爲將備者固宜在在周密刻刻隄防也夫何石峽峪操守吳胤世當上司巡歷信地竟莫之知雖曰一日兩分監接踵難以兼顧似矣然幸而後至者分監也萬一虜賊闖入亦可諉之曰難以兼顧乎疎玩之罪法應重處但細鞫顛末亂世仍在本峽似與擅離信地者稍異駁審至再該廳擬罰應否如議伏惟憲裁等因到臣據此該臣看得邊城飭備惟在整肅以戒不虞乃操守吳胤世當查點兵丁之時離次周章成何紀律雖非擅離信地者比而疎玩之罪百口何辭查審再三相應革任回衛仍行議罰以爲邊將儆者也其石峽峪原係衝口昨者春防正殷操守員缺不容久虛查有鎮標副旗鼓高鳴陞廉幹堪以委補已咨部劄委任事矣伏乞聖明垂鑒施行等因崇

禎十一年四月十二日奉聖旨兵部知道欽此欽遵抄出到部送司案呈到部看得石峽操守吳胤世一日而遇兩分監查點前則整擻以待後則倉皇失措蓋一出于有意之打點一出于無心之疎怠也繇是觀之是前之整擻專爲應答查點之故爲分監非爲職守也後之倉皇專爲查點已畢之故其無心乃其常態也則該弁平日之懈弛邊防任各軍之偷閒失伍可不問而知矣情似可原實可恨也但偷閒失伍只當以軍法重懲仍革逐回衛選賢而使爲當若多議罰米恐反爲貪弁借口婪尅之端臣期期以爲不可其員缺原應劄委聽以高鳴陞充補可也既經具題前來相應覆請恭候命下行【原問】□□衙門將吳胤世行軍法捆打仍斥革回衛係世職緣係（原略）崇禎十一年四月十六日郎中趙光抃員外郎曾應遴

兵部爲直叅疎玩操弁等事該本部題前事等因崇禎十一年四月十九日本部尙書楊等具題二十三日奉聖旨是吳胤世著以軍法網打仍斥革回衛欽此欽遵抄出到部送司案呈到部擬合就行爲此一咨薊遼總督順天巡撫昌平侍郎一手本昌宣總分監煩照明旨事理欽遵施行崇禎十一年四月二十六日郎中趙光抃協贊員外郎魏肯構冊庫員外郎曾應遴



兵科抄出御馬監太監謝文舉題本

崇禎十一年四月二十七日到崇禎十一年四月二十八日到司盡校覆寫□□閱摺不許遲違  
彙摺潘俊兵部呈于兵科抄出

欽差御馬監太監謝文舉謹題爲恭報防兵撤回并述鎮將勞勩仰祈聖鑒以候優叙事崇禎十一年四月二十日未時准通州鎮臣劉澤清揭爲遠哨事內開本月十八日接兵部劄付職方清吏司案呈奉本部送據山海總兵官侯拱極塘報前事等因到部送司案呈到部看得山海撫鎮哨報奴騎東行已至再矣雖前報七百茲報千餘未盡大營之數而奴形最狡必以塘馬近邊大營遠邊即哨報之所見以推及其所不見者回巢決矣臣前料關寧哨見蹤跡早晚必有報到似幸不差通密關門之兵亟應早撤以就休歇而省行驢謹請聖裁定奪等因崇禎十一年四月十四日本部具題十六日奉聖旨是欽此欽遵備劄到職遵將過鎮之兵於十八日發步兵二千進關十九日發馬兵二千進關職督押在後擬二十一二等日回鎮也等因准此同日戌時又准密雲鎮臣吳國俊揭開本月二十日蒙兵部劄付同前事遵即行調左翼營遊擊王國璽在四海治防守及中權團練右營官兵馬騾駝俱於本月二十一日撤防本鎮統領回鎮仍嚴飭各將領督同中軍千總等官率兵列隊魚貫前行不許作踐騷擾擬合揭會等因各到臣准此該臣查得當奴夷之報西行也臣深慮宣東舊兵單弱新立協營未就疏籲檄催本鎮無可派防幸樞臣議調通密勁旅八千而鎮臣劉澤清聞命首先出關吳國俊隨亦繼至臣當親詣兩營薄施賞犒觀通鎮臣之英風邁往以陵復重地慷慨擔承而密鎮臣之毅然氣槩具有同心又如通將劉餘芳楊法杜應登密將李棲鳳王國璽田祿旗鼓梁理等悉皆偉貌雄才一段忠勇敢戰之氣勃勃然見面盎背至于兵丁莫不磨擦踴躍以期殺賊且主客軍民相安無事而遊擊王國璽移防四海一到彼處民心聞有十日換班之說即咸具保留非素有紀律之兵安能秋毫無犯若此各將又自認

信之後更於地方設備之處少有未周莫不增添補綴乃措宣東有泰山磐石之安頃奴逼邊不犯豈非知內外有備禦之嚴始弭耳遜歸者乎前見樞臣疏稱在不遺一矢不費一錢誠二十年所未有則凡効有勞勩均應優叙故當其撤兵回鎮不敢不以上聞除將隨防各官職名以及設過備禦等項另文移送兵部以候類叙外臣亦擬於本月二十六日回懷而行糧於二十二日止矣臣謹併以入告伏乞勅下該部備查施行緣係云云謹題請旨崇禎十一年四月二十六日奉聖旨該部知道

兵科抄出登萊巡撫楊文岳題本

崇禎十一年九月十四日抄送奉旨五日爲期應本月次日議奏崇禎十一年九月十四日到崇禎十一年九月十五日到司潘俊兵部呈於兵科抄出

登萊巡撫楊□口謹題爲塘報事崇禎十一年九月初一日據登萊監軍道僉事任棟塘報內稱本年八月二十八日據陸左營水部千總鄧定國報稱本月初八日未時據瞭望兵丁鄧守等報稱東邊有船一隻往西來了卑職嚴諭各船整備以待令划船前往迎探至申時回報係高麗小船舟子俱是麗人卑職卽令各舡開帆將麗舡捉來查問語言不通據彼親寫報來高麗崔守男等於七月二十一日自安州起身往京被風颶到此稱帶人參五十斤共大小七袋南草二百斤並無軍器等物後開麗人八名崔守男裴稷姜男金守還奴男伊李金李守洪莫金等卑職卽同本將衝鋒官劉邦祥及在汛捕水百隊兵丁夏士明等公同搜簡盤問間先查參秤數一袋連皮共十斤四兩一袋連皮共十斤四兩一袋連皮共十斤四兩一袋連皮共十斤四兩一袋連皮共十斤四兩一袋連皮共六斤一袋連皮共六斤一袋連皮共六斤一袋連皮共六斤半以口參七袋通共五十九斤半再又查船內搜出麗弓一張麗箭十枝小銅盒三付銅鍋一口銅匙六把食米二包麗布一疋俱公同查明卽將參斤亦同衆目兵封固訖正遇風順職恐遲誤一面先行飛帆具報其中恐有隱伏別情容職再加細搜盤問另行具報外麗人悲泣哀求叫他回去卑職卽將憲諭與他看過只是叩頭還有送卑職參二半斤一並呈上其南草卽烟草也今將麗船麗人差役押解挨島遞送進登赴候查審等情到道據此查得報內據稱本月初八日捉獲麗人船隻今至二十八日始進關投遞誠恐別有情弊隨拘原役當堂細問來歷據稱本月初十日行至碇磯外洋偶遇大颶駕回連日風色不順直至二十五日開洋二十八日始到登城投送塘報等情據此看得鮮國被陷之後夷夏之防甚嚴豈容片帆入我島嶼故遊哨之設正所以杜窺伺之釁而絕交通之竇者也何物麗人崔守男

等八名擅駕船舩裝載參貨突至石城島或誘我哨兵或窺我邊備俱未可測若非鄴定國遵令拏獲安知不遂彼之狡謀乎且麗人供稱被颺情形虛實未可盡憑所帶參物恐倉卒之頃未必盡數搜獲除請本院憲示立差的當官員飛舩前去提取麗人進關並密查有無別弊外理合轉報等因到臣據此該臣看得朝鮮自被陷之後向來聲息已絕臣昨申飭哨法凡有借哨透販者必誅無赦兩月來官兵凜凜奉令海嶼可謂肅清矣不謂忽有麗人崔守男等復駕小舟一隻人八名徑至石城島其來遠甚據其口供云係被颺而來據報舟中攜有人參烟草二項此非挾參貨以圖利或假被颺以探我之虛實俱未可知也今據汛官拏解進登亦見本官之奉令雖麗人不便重行處治但無故至我汛地亦不可不嚴加審實臣已立行該道催取面審外其有無別情並被颺之真假與參斤之多寡俟臣等審明之日□□具奏外今據該道塘報前來理合馳奏伏祈□鑒施行崇禎十一年九月十三日奉聖旨該部看議具奏

兵部題「遼東哨報大舉在在戒嚴等情」殘稿

〔上缺備去後臣又移會餉臣趙獻素預備一月餉銀給發各營路衛所鑿包成封聽臣點驗人馬唱名給散以資餼糧之用臣於九月十一日自代州啓行東自平刑關起西至徧關老營止凡諸衝緩邊隘大小城堡臣俱親歷布置其中移緩就衝與那多補少惟權宜於地勢戰兵簡選弓刀守兵專事火器亦惟遷就其人力散餉之時驗其年貌查汰老弱立更精壯既不以難措之餉養無用之人更欲得可用之人防衝信之地也其原派援兵臣已預會鎮臣虎大威整兵聽調訖擬於赴邊事竣約同鎮臣出口燒荒竝觀鎮臣援兵強弱乃於九月二十八日在徧關點閱人馬接待兵部手本爲飛報緊急夷情事據遼東總兵官祖大壽塘報夷情本部看得遼東哨報大舉情形喫緊尤在薊門三協首先防備次則宜云戒嚴毋或萬一爲看邊諸夷所誤除一面飛檄申飭外理合題知手本到臣臣思狡奴蠢動勢必乘虛今哨報先覺在在戒嚴所謂有備而無患也臣觀山西三關惟中路之陽方利民爲首衝如虜犯云邊此爲要害當嚴防也臣遣把牌梁國柱督同路將燕元禎李雲等上緊整備仍調正標兩營官兵協力以守東路之北樓小石茹越尤爲極衝若虜犯宜邊此爲要害當緊防也臣遣把牌王進忠督同副將閻崇光等加意設備仍調標太平陽等營官兵協力以守至徧關老營一帶原有內中軍張聚奎駐防其間應督副總兵王紹禹參將王弘祉等併力協守無用再添把牌矣臣仍移駐寧武關與虎大威居中調度相酌緩急隨機應援斷不敢隙疏刻懈誤封疆以重臣罪也二十九日午時臣繕疏已畢又准鎮臣虎大威手本爲緊急夷情事奉兵部劄付該本部題前事等因奉聖旨這所調宜大山西津保昌平等處各總兵官楊國柱等卽炤分派地方統兵作速應緩毋得逗留觀望以干重典著飛檄該督監撫星馳

行奴既入口京營兵不必發欽此欽遵筭付到鎮備云手本并討兩月餉銀料草接濟安家等緣繇到臣臣始知虜逼曹牆調兵援剿臣恨不能親歷戎行生縛單于獻之闕下故一面催督餉司查發糧餉一面催督虎大威統領官兵星馳赴援但臣叨受聖恩無繇圖報既今鎮臣領兵赴援臣亦應有同責况臣奉有視賊所向監紀功罪督催糧草之旨臣安敢偷安坐視不爲國家出力以圖報効哉雖山西勁旅爲鎮臣統領尚有標太平陽等兵係撫臣所領臣今請旨調赴軍前監督雲晉官兵戮力剿殺臣何敢少愛髮膚以增尸位素餐之咎也伏乞聖明鑒奪施行等因崇禎十一年十月初八日奉（下缺）

兵科抄出德王由楨奏本 不應抄傳即日查奏行查營兵部呈於兵科抄出

德王臣由楨謹奏爲虜寇壓境勢甚阡危早發勁兵大將以救燃眉事本月二十三日有虜賊大隊自西前奔省城分南北兩路而來夾城東行勢甚猖獗本城并無勁兵大將堵截止有登兵一千上城防守并地方牌甲百姓守把壕口城門晝閉內外不通賊在城外四面圍遠到處焚劫勢甚緊急若不早發勁兵自外驅逐倘賊窺城中空虛兵馬單弱逼近城池百姓驚惶倚何救援省城爲畿輔重地若有疎虞關國家安危非小伏乞皇上勅下該部速發將兵早行剿滅庶重地得以無虞生民早出水火矣崇禎十二年正月十三日奉聖旨蕭奏來遲是何緣故著查明該部知道





兵科抄出督察閣部劉宇亮題本

崇禎十二年正月十九日到初五日酉時抵德州行程大軍兵部呈于兵科抄出

督察禮部尙書文淵閣大學士兼兵部尙書劉宇亮謹題臣于本月初叁日自衡水拜疏原擬徑赴臨清與督監會議

乃初四日寅時方欲起身忽據延綏付將和應詔稟稱卑職蒙孫總督憲稟守催赴臨清軍前聽候發剿由棗強馳赴

間初三日申時復蒙總督憲稟爲軍務事頃報虜從德州北奔本部院今督官兵自臨清赴德視賊逼犯處所追勦仰

該將卽督所統官兵兼程徑赴德州本部院軍前聽發征勦毋得枉道臨清致有遲悞卑職自棗強徑赴德州訖等因

同日又據宣府總兵楊國柱爲塘報官兵馳援府城事正月初一日申時于東鹿蒙總督火票仰職馳赴臨清已經稟

報外于初三日午時抵棗強復蒙總督火票調赴河間防禦府城如賊自河間他遁仍視所向州縣馳往防禦等因蒙

此該本職于本日本在棗強支糧餉馬初四日卯時督統官兵星夜兼程前往河間府防護等因(□)日又據大同總兵

王樸爲塘報事本月初二日職提兵至棗強接總督稟文令職卽督所統官兵兼程徑赴德州本部院軍前聽發征勦

奉此職于初四日統領官兵徑赴德州聽發征勦等因臣因屢接稟報見督臣往德初五日又從棗強轉路以西時抵

德州訖爲此具本謹具題知崇禎十二年正月十八日奉聖旨知道了該部知道



兵科抄出被逮山東巡撫顏繼祖奏本 崇禎十二年四月初三日到即日咨行禮後兵部呈于兵科抄出

山東巡撫今被逮臣顏繼祖謹奏爲恭報新撫已有來晉徵臣循例交代隨即赴京聽訊事臣於本月十三日有新撫抵任無期一疏時因撫臣劉景曜未有消息交代無人故有以按臣郭景昌暫爲交代之議忽於十八日午時有臣原遣快役王好禮往永平接新撫回報新撫以三月初九日自永平起馬擬於本月二十二日到德州臣念新舊撫臣彼此交代者經也撫臣未至以按臣代爲交代者權也撫臣既將入境則仍舊貫交代不再計而決矣又聞按臣郭景昌因臣致書敦請以十七日自濟南啓行於二十日可抵德州臣今定以二十一日將隨身崇字三百十二號巡撫山東關防一顆併各兵馬錢糧軍器冊籍及諸文卷案稿內外員役遣齋前去景州與新撫臣交代卽於二十二日早隨按於公署開讀事竣卽與官旗立刻匍匐就道謹先報聞仰慰皇上東顧之懷其徵臣原接管欽奉嚴處預備倉糧查閱民兵督發班軍督催蘄鎮宣大糧餉督催漕糧傳勅伍道達字三百八十九號符驗一道令旗令牌八面副槩遣虜燬除新撫領有新勅其符驗旗牌應否補給乞勅該部議覆施行崇禎十二年四月初二日奉聖旨這傳勅符驗旗牌著劉景〔曜〕自行奏請該部知道



兵科抄出昌宜分監魏邦典題本 六十四號崇禎十二年四月十七日到即日咨行余光國兵部呈于兵科抄出

分守昌宜太監魏邦典謹題爲恭報慎夷歸巢事該臣查得先准分守口北道僉事何騰蛟塘報已經撫臣劉永祚會臣題奏外崇禎十二年四月十二日又准該道塘報本月十一日據右衛路叅將葛汝芝塘報本月初十日亥時據張家口堡守備賈梧稟稱初十日辰時據直門長哨樊應文報稱夷人復到墻下該卑職卽稟盧中軍及本路叅將督併卑職公同撫夷都司甄祥俱赴市口有慎夷下好人朗素喇嘛五八力三斤等俱到墻下稟云我們官兒要於十一日起身回巢與我們開門進去貨易些盤纏茶麵卑職隨將各夷查放進口貨易續據五八力三斤等稟稱我們守邊夷人六十名家小俱到邊我們起身之日遺留頭目六名那木恰苦參木恰又麻大惱木害卜落伐囊兔恰又留散夷六名共十二名你們再與我們稟稱各上司討些盤費食米又有我們先日稟討籽種早些給與趁時耕種等情據此卑職又開五八力三斤等你們夷人一齊起身或有先去了的稟云我們官兒因邊上無草先於三月十一二日二次陸續打發夷人一二百名趁草往東北行走駐牧又本月二十日又發夷人二百餘名亦往東北趁草駐牧又據朗素喇嘛稟云三月二十六日有我們邊外夷人迎遇獨石哨探夷丁二名漢丁三名共五名掣住既是我們在這裏守邊你們爲甚麼哨探到是我們遇見若別項夷人害了你們我們在宜鎮守邊說我們不知隨將哨丁五名騎馬五匹要從張家口送進有哨丁五名說稱我們係獨石哨丁既是獨石我們將各丁從獨石邊上放進隨說與各丁你們進去稟知你們上司既我們在這邊你們爲甚麼哨探以後若要出哨還著我們守邊夷人引領如無守邊夷人引哨者若別人害了你們併奪了馬匹器械我們不忍等情據此各夷易貨畢於本日申時出口駐牧去訖俟哨各夷遠去另行稟

報等情到路具報到道塘報到臣該臣會看得哈慎爲今頗效恭順第犬羊之性狡莫可測在今日尤不得不仰體皇上之恩威以柔遠人而示羈也巖疆藉此駕馭弭其外而修其內禦之兵而鎮之靖在臣等又何敢一刻弛懈惟輔周固圍以待不虞而已唯是乞賞屢經搖尾臣等囂以正詞毫不敢貸其或果有真心爲我外籬邊防無隙兼之導馬來售則當別論在聖主自有日月之明或樞部亦有帷幄之策無庸臣多贅矣其守邊夷人乞討籽種爲耕食之計臣等相機酌行總爲籠條亦不敢過爲市恩惟借茲以探彼中情形而伐其謀耳至於道臣何騰蛟報稱有獨石單惱地方哨見騎馬夷人或百五十騎或二百餘騎之報均係哈夷回巢業經夷目朗素等稟明與獨石塘報相同矣臣謹會同巡撫宣府等處地方贊理軍務兵部右侍郎都察院右僉都御史臣劉永祚合詞具題伏乞聖明鑒裁施行崇禎十二年四月十六日奉聖旨知道了夷情叵測遠着嚴加蒞備該部知道

石城島千總鄧定國隱匿哨獲麗船參斤等情殘件（原係抄）

（上缺）斤布每筒作銀四兩今七筒半價值三十兩載到王京地方過慶尙島東萊府倭人來買參去此參即作得價五十兩是帽子及段絹換去原非徑往中國與島中相市也及審南靈草則供曰麗國處處產之而平安島則更繁盛焉八人帶有二百包亦去王京貨賣此草在他國名曰甘白炭王京人食之爲業天寒猶爲急需所謂烟酒也在平安地方每草二百斤只費銀十兩到王京則草二百斤可得價二十兩是亦有對合錢矣實非中國所需之物而八人原不來此求貿易也看來八人者貌亦樸實語言安詳實非細作據其所供參草買之麗國實徵貴征賤商賈之常即其所帶南草中國之人間有能食之者然非日用飲食必需之物也則帶至此中買之口人是知不往此中貿易只爲颶風飄來實爲□□□談也既非細作當遵旨安插養活之仍還其參物令其自賣以給衣餐俟彼貢日發回此不利其所

有政如部議所以明中國之大而羈縻不使之去亦足以杜彼衆走險之萌且不致飢餓於我土地異日送之還國亦見我天朝柔遠之仁也再炤安插之地奉旨設法安置遠慮屬萬全則此八人者各自析居令之居黃縣福山招遠此不近海島亦就近更易隄防而給以衣食或與牛種令其相息耕作以安其身而使樂其業俟貢通日發還亦便著也南草原供二百斤因颶風壞船俱已飄散只存一包計十斤耳其帶參斤供原有二百八十斤因風飄散及濕壞潰爛又彼中之秤一斤少有二兩總之盡與之變價不必計分毫也但原一百八十斤鄧定國只報五十八斤尙（□）一百二十二斤意在侵入嗣以衆屬耳目終難瞞昧又慮麗人解到舌未可捫續又□參□□□□及麗□□解入關以原數合之尙欠六十斤乃有別祥者爲鄧定國差來塘報之鄉親首鄧定國捕盜林玉帶有參三十斤寄頓於伊任林

慕之家慕以其竊匪而來也隨串同王仰周三從中私賣去一斤半餘則與弟林洪宇竊負十八斤而逃其尙少十斤八兩者蓋風聞也先是林慕亦爲免爰至是羅致與周三王仰別祥面相質證言無以異而鄧定國又交出參三袋計二十四斤據別祥報亦是三十斤原未秤過今風吹爽乾本府當堂三面秤過只二十一斤整又從廳關發海防道封發餉廳存庫一百一十七斤一十一兩五錢又定國續交參二十一斤貯庫外其林慕所口參一斤八兩合行追足又林洪宇逃帶參一十八斤合押定國名下人炤數追還以足麗人衣食之用再炤鄧定國以千總巡哨島上屢報奴酋西犯接渡難民有人又報獲風飄麗船不可謂無功何其利欲薰心直將參斤只報三分之一大半隱匿不開若非上臺追究麗人進關直竊到底則定國與林玉等巧借禦暴之名陰攘爲暴之資罔上營私幾至莫問定國豈不當以詐欺律與費用受寄財物之林慕王仰周三各徒擬但念三斤今查只十八斤數逃去而爲人所欺實非敢故匿以相詐也姑與以自新之路且作巡緝用命之氣罰米十石示儆林慕王仰周三依費用受寄財物律各徒擬取供擬罪連人呈解盛軍道任僉事詳審蒙批據詳三斤數目俱已無差各犯情罪亦已無辭惟是林玉與弟林洪宇逃帶人參一十八斤招稱合押定國名下人追還審鄧定國猶嘵嘵不認及問名下人爲誰又茫無著落不知所謂名下人者即定國耶抑另有人耶且既稱林玉負逃應否與鄧定國名下追捕又審據周三口供當日親見林玉入關之參原係四袋斤兩俱彷彿一樣今鄧定國家追出之參三袋何其少林玉帶逃一袋何其獨（下缺）



兵科抄出登萊巡撫楊文岳題本 崇禎十二年四月二十九日到次日議奏覆潘俊杭日新余光國兵部呈於兵科抄出

巡撫登萊等處地方臣楊文岳謹題爲遵旨訊明詳奏事崇禎十二年三月十六日據監軍海防道僉事任棟呈稱一  
間得一名鄆定國年三十二歲係江西南昌府豐城縣人繇武舉原任陸左營千總於崇禎十一年八月內調補水左  
營千總蒙委汛防石城島巡哨海上狀招定國身列武弁心懷宜公本年八月初八日有在官麗國王京人崔守南妻  
稷駕小哈啞船一隻稱往平安島等處交易陡被大風颶至石城當被定國率不在官捕盜人等執獲查出船內有人  
參一百八十斤南草一包并崔守南等行囊衣物俱查驗的確比定國旣任汛守之責開具塘報只合將實數明白開  
報爲是就不合利欲薰心只報參五十八斤大半隱匿不開意欲詐取嗣定國恐衆耳目難掩又慮麗人解到說出實  
情續又將參六十二斤同麗人崔守南等差捕盜李柏張應科押解入關以原數相計尙少參六十斤比有定國脫逃  
捕盜林玉進關時在官別祥曾見有參三袋共約有三十斤寄頓於在官伊侄林慕家內比林慕以其竊匿而來窺財  
生計亦不合串同在官王仰周三各亦不合從中私賣參一斤半各分肥己其餘止剩參一十八斤林玉亦不合與不  
在官弟林洪字竊負而逃原供約有三十斤並未有秤的數情繇比定國懼罪又交出參三袋別祥報是三十斤當麗  
秤止秤過二十四斤後晒過止秤過二十一斤亦無三十斤情繇在官別祥與定國等各犯面質招證本年九月二十  
一日蒙海防兵巡道周右叅議憲牌爲訪據事蒙巡撫登萊東江都察院楊右副都御史批據副總兵管陸左營事馮  
大棟呈據水前營跟役別祥稟前事有捕盜林玉帶來人參寄放伊侄林慕家內不期林慕王仰周三各得參物私賣  
價銀侵入肥己林玉與弟林洪字將所帶參斤私自朋分潛遁南去祥係鄉親恐日後貽累臨期罪及何辭據實稟報

庶參物不致花費等情具稟到職該卑職查得捕盜林玉缸隻委係千總鄧定國差來投遞塘報詎意林玉帶來參物朋分潛遁律法自在不宥今別祥所稟周三各得參物卑職隨即拘拏周三到官供稱有參是實原賈價銀見存王仰林慕家內卑職隨差役公同別祥將王仰等拘拏到官供吐無異各稱林玉等潛逃亦直(疑誤)除林玉陳奉已經水中營中軍王宗兆呈報脫逃聽候憲行嚴拏外其千總鄧定國原差進關跟役二名卑職亦拘拏候統俟千總鄧定國進關之日二役另文呈解公同麗人一併查審今將見獲周二王仰二犯相應呈解批行有司確查監候追究其林慕懼罪躲過將伊親叔捉拏見在俟獲林慕再行呈解庶參物不致花費而玩捕亦不致漏網矣等因具呈蒙批仰海防道會同監軍道嚴拏確究解報蒙此除將周三王仰發蓬萊縣收監林慕發登州府收監外爲此牌仰本府即便會同海防廳將見獲周三王仰林慕一併林玉洪字及別祥等速提到官并拘鄧定國原差進關跟役二名公同麗人一併會審究擬具招限二日內呈解兩道會審轉解毋得遲延未便蒙此本日又蒙海防道周右叅議憲牌爲報軍事蒙巡撫登萊東江都察院楊右副都御史批據千總鄧定國報前事稱八月初八日捉獲麗缸一隻麗人八名據彼親筆報單參斤及後抄出弓箭等物已具報訖又於十一日風順差捕盜夏士明沙缸將麗船麗人參物送長山挨島遞送進登卑職親自又往搬查於彼麗船南草下船艙內又簡出人參八袋共秤八十斤又倭刀一口彼時欲一並解往緣風順又兼徐將官房中軍文催速解長山欲再換塘報惟恐遲延以滋物議只得前項參物先行解往今特差唬缸一隻捕盜李柏兵丁張應祥孫舉等將此參斤押解臺前卽此觀之麗人詭詐隱匿參斤利器其中包藏姦心未可知也伏乞嚴審便知真僞等情具報蒙此仰海防道會同監軍道確審解報參斤併發蒙此又蒙本院批據水右營中軍王

之印報同前事報稱本月十九日據本營沙號船捕盜季鳳報稱本船哨防廣鹿島本月初一日口把總樓惟忠稟差本船裝帶麗人八名并麗缸一隻及鄂千總差役二名人參二口一袋挨汛遞解隍城島於初八日行至小平島泊缸候風十四日小平島開缸行至鐵口大洋陡起大颶將船飄至金山地方打碎軍器行李盡失衆兵浮桅舵得生所帶麗船一隻內麗人六名飄失不知去向止有鄂千總差役百總杜應先王文臣并麗人二名在於本缸得命撈救人參二隻一袋於本月十七日交與寧海州吏目收解等情具報到職理合具報蒙批仰海防道即行查報蒙批到道牌行到府蒙此又蒙海防道周右參議憲牌爲颶風打碎船隻事崇禎十一年九月二十九日蒙防院批據文登營守備于化龍呈據防守成山衛把總趙德琦呈稱本年九月十九日晚據太平頂墩餘李全柱等報稱衛後黃石圍海口打碎船一隻德琦隨即督同汛軍親詣海口處所止獲水手六名小破船一隻盤詰水手係何處缸隻異言異服隨據水手姜南等稟稱係朝鮮人氏船遇颶風漂至口口海口將缸打碎等情到營行聞本月二十一日又據成山衛呈稱於

(下缺)



兵科抄出山東巡撫劉景耀題本 崇禎十二年六月初一日到查叙杭日新兵部呈於兵科抄出

山東巡撫劉景耀題爲逆奴疊攻臨德孤城均保無虞敬陳在事賢勞懇乞題請叙錄以彰激勸事崇禎十二年五月初七日准監臣盧維寧會葉內稱據臣下中軍齊九臯呈叙臨德二鎮城守在事文武各官併鄉紳舉貢等緣由到臣該臣等會看得臨德二鎮爲水陸要區腹心重地奴自進口以來卽有垂涎之想臣雖身處津門而心懸兩地戒嚴飭備之文絡繹于道當賊之蜂屯畿輔臣檄齊九臯赴守德州以固全齊之門戶及賊之間道南奔臣復令其亟趨臨清以扼咽喉之要地而本官往來于鋒鏑叢雜之中拮据于砲石交加之下卒能保全兩鎮而功實偉焉至若總河部院暨登萊防院各展帷籌共抒謀略指縱調度克鞏金湯功無尚矣其各鎮之調援將帥自南歷北轉戰剿殺之功不可枚舉又不止防援二鎮而已應聽行間督監查叙非臣敢爲謬揚也惟是臨德兩鎮在事科部道府州衛文武諸臣與各鄉紳舉貢衿監等員各奮同仇之勇盡竭固圍之謀或登陣而拒敵或列塚以操戈有暗刦虜營使賊驚又却走者有明施神火擊賊敗而潛奔者或捐俸以餉軍飽騰足賴或捐金以製器防禦有資總矢効死勿去之心共勵嬰城固守之志是皆功在地方有難泯沒者既經本官一一叙呈前來相應題請分別優錄以昭鼓勵外如把牌張連趙良才馳驅兩地亦著勤渠但前以派防德州無能戢衆業蒙指摘奉旨降處勒令回京緣會效有微勞臣亦不敢遽泯或叨使過弘仁槩從叙錄是出聖明浩蕩之恩非臣所敢必也謹合詞具題伏乞勅下該部查核覆議叙錄施行等因會葉到臣該臣覆議相同欽遵近例原係會葉具題不抄全文止錄貼黃大意相同謹題請旨崇禎十二年五月三十日奉聖旨兵部知道



兵部題行「奴騎西行已確諸臣泄緩如故」稿 呂字八十三號二十四限即刻寫上行訖

兵部題爲奴騎西行已確內地保障宜先懇乞聖裁嚴飭當局毋狃尋常迂緩規模事臣竊見連日哨報奴騎西行十分真確雖買馬貿易假借爲名而勾合犯搶究竟是實哨報日真一日則蠢動日近一日而我練兵措餉種種日延一日即未免日誤一日臣部拮据難代憂禍是同苦口危詞日甚一日而未知邊臣之能虛心以聽實心以做否也最可憂者真順廣大兵諱于伍盜殺其官先後疊見該撫黎玉田新猷甫展獨拍無聞所望添設保督增練戰兵不啻急切而先推孫傳庭方請陛見【勿】忽告耳聾竟誤數月之事新推楊文岳甫疏謝恩未聞叱馭孰是擔荷之期至于保鎮楊德政整算萬兵有保定騎營在內總監既不移鎮其標營可否通融尙難專決東鎮楊御蕃合算萬五千衆有臨清守兵在內今見在共止三千餘屬東登二撫計議未有確畫報部也若夫裁練一着人自爲戰家自爲守合有司士民之身家性命即是朝廷之井里封疆人不爲其井里封疆計抑獨不爲其身家性命計乎何未聞一州一邑之樂從而以成事告也臣竊謂該督撫道已任未任皆狃尋常迂緩規模而無一毫採焚拯溺之心勃勃欲往之氣是天下事之第一可憂仰憂皇上俯憂臣部而竟莫可誰何也臣因哨報頻仍不勝悚切懇祈皇上勅該督楊文岳宵旦星馳保撫黎玉田東撫劉景曜將奉旨議撥【鎮】兵【議行】裁練種種真切戰守之事上緊先圖一兵定即報一兵一邑完先奏一邑毋狃尋常套數縣申府府申道道申院該院又層層駁之至累月終年而不能做得一事也其保鎮萬兵前已撥騎營在內東鎮萬五千衆似宜將登兵撥來如監標需兵登鎮缺額從長另議未爲不可又廣平新設道臣張秉貞奉旨陛見久留京邸有曠日時應否勅令前去到任統候聖裁定奪勅下臣等轉行遵奉施行崇禎十

二年六月二十四日

兵部爲奴騎西行已確等事該本部題云云等因崇禎十二年六月二十五日奉聖旨邊報方急諸臣遷緩如故深爲可恨楊文岳着星夜到任受事臨保鎮兵奉旨議撥併裁練等項黎玉田劉景暉等何得玩延着實圖亟奏其體暨趙本政着星速赴任料理張秉貞仍候召見赴任欽此欽遵抄出到部送司案呈到部擬合就行爲此一咨保定總督合咨貴部院煩炤本部題奉明旨內事理文到即日起程星馳赴任幸勿稽誤施行一咨保定山東巡撫合咨貴院煩炤本部題奉明旨內事理即將鎮兵議撥併裁練等項火速議定實圖亟奏施行一手本真保總監合用手本前去煩炤本部題奉明旨內事理欽遵速任施行一劄廣平道合劄該道遵炤本部題奉明旨內事理欽遵施行崇禎十二年六月二十六日郎中孫嘉績



兵科抄出原任山東東昌道高捷奏本

崇禎十二年七月十九日到次日奏明覆奏魯昌兵部呈於兵科抄出

原任山東分巡東昌道副使今革職簡擬臣高捷謹奏爲重地竭力保全屬邑勢難兼顧乞鑒微勞恩假寬宥事臣叨中己未進士繇縣吏考選御史剔歷中外靡不恪共厥職及備臬捧勅知清源爲都會咽喉漕糧數百萬挽運於斯鈔關數萬課金工部戶部輒糧取辦於斯此中一梗天下事尙忍言乎其關係何重也且臨城有二新城土築低薄人情器雜廣袤二十八里堞九千有奇門十二座東水口十八丈南北水口各二十五丈無一處無瑕可乘矣然而營兵一千四百卽守一處水口猶存見少况三處乎况十二門堞幾至萬乎其備禦何難也臣駐節臨城擔重且難備查兩城堅瑕以圖制敵先著覩城北沙與城平賊可策馬登陴不避勞怨剷除親新城水口寬闊賊可結隊以入則兩岸修敵臺六座仍於河中無水處修垣有水處設船列紅夷及滅虜等砲復修大臺五座以便遠擊火器則置九子砲二百桿三眼鎗二百桿湧珠砲三十位木砲一百位鉛鐵子六千斤火礮火輒俱備火藥除用過今猶存四萬斤札寨濬濠掘品坑查奸細整練士馬鼓舞回兵無不着實做當賊未至之日臣先事以備臨者如此十一月二十四日倉集劫殺臣令指揮張允武鼓勵鄉勇蔣仲明等擒活夷二留頭審實詳呈河臣臬示二十八日三鼓賊衆從北平離城十里札營臣差健役刁八法等潛探四鼓來攻臣率指揮王用桂等放砲擊回五鼓又攻臣復用砲擊回當大兵未至之日臣獨力以保臨者如此十九日河臣兵到二十九日防臣監臣兵到通鎮津鎮兵亦俱到賊知兵厚十二月初四日暫折而西徑合西來之賊以爲必得之舉適會督臣失利遂大舉重來十八日亭午突逼北水口臣放紅夷擊打賊勢披靡十九日渡河而東圍遶數層二十日薄暮臣令將官張國恩同赴援將士出奇暗攻復於東北敵臺親率指揮宋鵬舉

李光燦等放砲齊擊打死無數賊始不敢仰視臨城當大兵既至之後臣協力以保臨者又如此夫臣豈敢置在平等處於度外哉虜未南下各屬城守事宜單騎躬閱面諭諄諄傳檄不厭其詳卽二十夜間發兵攻擊固期解臨之圍亦期衝圍而出以救屬之急也惟奴合各州縣數十股分掠之賊而爲東西兩大股又合東西兩大股而爲一大股加以二千餘里脅從之衆奮力攻圍結營百有餘里如臨郡未被重圍猶可舍臨救屬奈臨與屬俱在圍中欲援屬必先舍臨儻臨失又何暇問屬臣分身無術不得不併力於重地耳然臣非敢臆爲輕重也兵部題臨清非僻遠小邑無關重輕卽令侯拱極劉澤清合力剿禦再題防臣速赴臨清與河臣併力協守再題賊從分而合從西而東當令監督痛殺俱奉欽依內云侯拱極劉澤清俱着星速剿援又云奏內機宜着卽飛檄嚴飭又云清源委係重地該督監分路抄扼痛殺合救說得是如該州及兩路州縣如有挫失俱罪不宥臣三復明綸總之爲臨清重地必不可失也至單提該州二字則聖心之重臨也愈見肫切矣夫皇上旣遣文武將士數十萬貔貅以合救臨臣於臨實有專責可遺之以別顧（口）是臣不暇援屬皇上早已洞徹矣其精神才技畢竭於臨寧敢稍有疏忽以自速罪戾乎今臨城無恙是奴之所耽耽焉必欲得者未得皇上之所總總然惟恐失者未失也總之皆皇上之威靈耳臣何功焉茲因屬邑挫失祇奉嚴綸問擬安敢瀆辯但部文謂臣轄九失五爲二分之一臣勅書開載則十八州縣也或部臣未見臣勅書乎伏乞聖慈憐臣多方固圉之微勞鑒臣不及兼顧之苦心俯賜矜宥則殊恩與高厚並矣爲此具本謹具奏聞崇禎十二年七月十八日奉聖旨高捷方在究問何得歷叙保臨冀微寬宥本內轄屬分數部文與勅書何故參差着兵部再行奏明

兵部行「兵科抄出昌宣分監魏邦典題」稿 卷字一百五十五號行訖宣府科書辦承

兵部爲投降事職方清吏司案呈奉本部送兵科抄出昌宣分監魏邦典題前事內開崇禎十二年九月初二日午時據宣府中協副總兵張巍塘報本年八月二十九日酉時據葛峪路叅將劉永亨稟報本月二十七日據本職下原差登塘健丁范友敖等二名進口稟稱役等於本月二十五日從底撥往西遊哨至二十六日到一堵牆瞭有騎馬夷人二名從北往南行走役等恐有續來夷人又恐係張家口市夷潛伏林阜處所有看其向往瞭看多時二夷徑往南行並無續到夷人役等襲尾跟隨至青邊口砲路離邊不遠上前盤問當有二夷說稱投降役等隨同青邊口坐撥長哨王貴臣將二夷引至墻下交與墩軍羈住役等先來稟報等情到職續據青邊口操守王九成稟解二夷到職據此本職審問來夷一名海四年二十二歲原係遵化搶出那時年十一歲南朝乳名叫賽哥子父姓劉係兄弟四人彼時被搶失散夷人把兔擄去送與他大人克甲代在地名南套兒駐牧離東奴地方約走半月一名擺紅代年一十九歲亦係遵化搶出彼時八歲父係真夷叫克忒兒係遵化食糧夷丁弟兄俱無彼時搶出失散分在頭目麻誤下麻誤係宰生管披甲馬達子五十名與克甲代係弟兄俱係西夷在一處駐牧再問夷你們既在外口多年因何投降二夷回稱在外日逐放羊牧馬因不與喫穿饑餓不過於本年七月二十七日從原巢南套兒起身騎牽馬四匹隨奶渣一鍋食完因路途無喫用將馬二匹殺喫及問路途行走一月曾遇夷人阻攔否二夷說稱白晝臥山夜晚行走又問東奴消息回云去年犯搶夷人克甲代子啞咬入營隨搶今春已回又於本年七月十五間將克甲代調去議話未回二夷乘空逃走其麻誤於九年上因搶高麗陣亡又再三審問虜中情形二夷回稱我們原是放羊牧馬的不係出戰精兵

又離東奴甚遠竝不知道等情供吐到職及查二夷原騎來青馬二匹鞍轡俱全大刀一把袴刀一把布被一件口袋一條馬筋數根空轡頭一把鐵鎧一隻各穿衣服俱全係干投降夷人擬合稟報等情到協塘報到臣據此繕疏具報間本日酉時又據葛峪路叅將劉永亨塘報相連人二名海四擺紅代及馬匹物件解送到臣據此該臣審問間因海四等以被虜年久漢語不明隨令通官杜虎譯審得除與前供無異不開外據海四供稱父姓劉住遵化西門內路北長兄劉三二兄黑子已名賽哥弟四哥被虜失散分與克甲代部下擺紅代原係遵化夷丁夷子被擄分與麻誤部下各放羊牧馬因克甲代赴東虜處會話乘空騎馬四匹帶奶渣一鍋逃走沿路喫用途間有銀鬃赤馬走過五日病了殺喫止擎腿一隻餘俱棄訖又走十日將原帶奶渣并馬腿喫完又將捨驪馬一匹殺了止帶腿四隻沿路燒喫餘亦棄訖又走十五日肉盡無糧尋採野菜喫至邊外撞遇哨丁接獲稱夷目官兒名夾撒兔原係插漢兒部落兵馬不足一萬有上陣馬十羣驪馬八羣每羣約有千匹不等上年進搶傷亡甚多即回去有路上死的又有到家瘋病死的又云搶去銀物頭目多散夷無多等語供吐到臣除將投降海四擺紅代發養羈候外係干被難投降理合具本題知伏乞勅下該部查照施行等因崇禎十二年九月初七日奉聖旨這降夷訊無別情且着發養羈候該部知道欽此欽遵抄出到部送司案呈到部擬合就行爲此一手本昌宣分監魏合用手本前去煩炤明旨內事理欽遵施行崇禎十二年九月初十日郎中孫嘉績

兵科抄出甘肅巡撫劉鎬題本 卅九字四號崇禎十二年九月十七日次日議奏不應抄傳潘奇潘俊兵部呈於兵科抄出

甘肅巡撫劉鎬謹題爲再陳內備實著懇祈聖鑒允行事崇禎十二年二月十四日准兵部咨該本部題奉聖旨朝廷竭天下物力爲各邊戰守之計年來飭諭頻頻即奏報亦多概任乃賊來徑入會無阻難卽以一死爲賢其如國事何諸臣之不足倚賴如此今衆設督撫能保俱得真才伍萬馬兵此時從何措處且撫臣多抗鎮臣多逗而行間長技應否不言步火還將各邊各鎮戰守兵數通行查算除擺邊守城外鎮臣應統若干督臣應統若干撫道專理民事糧餉督鎮專司邊防勦禦東自山海西抵昌庸爲薊督之信北接昌界南包畿輔爲保督之信寧錦另爲一旅京營量增馬步宜督可以東移屬堡量應歸併延寧一帶以此類推其續增各撫與督治可以酌裁如此庶錢糧尙不多增是否安便著詳籌奏奪欽此該本部覆議題奉聖旨這更置事宜關係重大馬兵旣欲抽取初疏便宜明言寧錦惟不在伍萬數中非欲割而外之密督駐薊遵撫便當移密密撫裁保定添督昌平屬薊通昌督治應撤宜督應練三萬內以二萬駐懷陝督且練二萬京營再行酌議南山涿固新兵是否在數還再說明衝撫准兵三千緩撫准兵二千不許分督鎮之兵以滋掣肘道臣仍炤近例總分還是見標撫道旣仍兵事實專防守兼理屯務總兵仍炤舊稱准添左右副總文臣若因他事准行實降若係軍情應與武臣一體餘俱依議督撫真才著吏部廣詢確舉如徇私不當日後定行追論沈迅各疏有可行者另與摘覆其選兵添馬增餉併堡教練分派等項次第詳悉還再通商詳奏應著各督確酌者勒限確酌務期守堅戰勝經久可恃不得虛浮苟且推諉延緩欽此欽遵恭捧到部合咨煩炤本部原題及先及今明旨內事理詳細確酌立賜咨部以便議奏等因移咨到臣臣一面案行伍道確酌詳議一面具咨回覆訖本年三月初九

日又准兵部咨爲酌議均兵均餉以定營制事該本部覆題奉聖旨火器共練三千依議其餘官兵等項通行各鎮如限詳酌回奏欽此欽遵備咨到臣節行各道會議妥便務圖經久第鎮臣柴時華督兵勤王事關重大須詳籌確議以求仰副聖明安攘至意本年六月初五日又准兵部咨爲警報狎聞兵單難禦歷陳邊外情形并請南征兵馬等事該本部覆延綏巡撫劉令譽題前事內云據該撫所稱陝督練兵二萬延鎮已議抽兵撥餉六千則在新督鄭崇儉卽當取此抽餉另募戰丁早爲訓練庶彼此各治其事不致互相牽掣卽彼此各得其用不至兩見捉露矣等因備咨到臣臣恭釋明綸詳參部議勒限回報似不敢再延以竣鎮臣畫議也謹就各道酌詳并據臣愚具實以聞竊惟奴孽匪茹十年三犯中土虛入飽歸未經大創志驕欲奢之梟獍不無捲土重來之故智而各邊部虜乘機生心亦皆眈眈虎視猖狂吠矣議戰議守之著何可稍緩我皇上睿謨淵遠宸慮周密通盤打算從新厘整詳籌薊保之善後兼酌延寧之類推誠九邊一視奠安四維之至計也臣昔備兵密疆當九年居庸告急之日臣曾疏請留兵厚防牆路一時見以爲緩今不幸言而中去歲填撫河西甫任之初查臣標兵不滿二千鎮兵不滿四千隨卽取圖清核相度衝綏議定抽兵撥餉分別戰守臣標以三千計鎮標以五千計道標各以三百計三協各以二千計路將各以一千計馬步兼練戰守并用歸併屬堡斟酌加餉務使戰者堪戰守者能守臣之初心如此再三詳畫竟不果行何也蓋以邊情理勢之不同額兵額餉之掣肘耳甘肅之於全陝卽如薊門也形勢最孤最衝軍餉最薄最苦無論不敢望東邊之常兵卽較三邊亦不相侔甘鎮延袤二千五百里大小一百一十三堡處處鄰虜衝口七十五處孤懸邊外別鎮一面備虜甘鎮四面受敵此地里之不同也甘鎮部虜二十一枝番落一百一十二族大古什挾賞於西寧章木素時發於莊

阿革定歹成出沒於鎮靖巴兔往來於洪高黑炭窺伺於清肅南北東西無處無虜山前山後徧地皆番別鎮套酋一部甘鎮番虜雜處此夷情之不同也甘鎮原額官軍六萬一千九百二十員名新定經制五萬六千一百六十四員名除官吏廩生孤囚降夷番回衛所甲軍等項實在馬步兵丁四萬六百三十九名撫鎮道標兵俱在其中原額京民二運四十九萬二千九百七十四兩每軍月餉止於七錢半年本色月止一石惟通丁數十名稍厚即按月全支不足以買布正遮體而餉口不與焉乃民運積欠至九十萬有奇而京運又裁去六萬別鎮時遇緩急尙有州縣與馬價撫賞操賞班價之通融甘鎮二運一斷卽庚癸束手此兵馬錢糧之不同也今議陝督練兵二萬一駐固原一駐延安總兵練兵一萬臣標三千查鎮標見在兵三千六百九十名少兵六千三百一十名臣標見在兵一千九百名少兵一千一百名勢必抽之五道各營若止七錢不足以束戰士僅併雙糧而道協已缺兵一萬四千八百矣尙敢言一兩八錢上下乎若再抽以益督臣則四鎮各路幾無兵矣虜情飄忽疾如風雨延安距甘四千餘里固原距甘二千餘里卽臣與鎮臣共處一城距西寧千二百里距莊浪千里距涼肅各五百餘里一旦有警無論督臣不能翼兵使飛恐臣與鎮臣亦不能介馬響應如往者插酋壓境鄰邊應援杳然馬賊作亂涼莊策應不及蓋道里使然也舍抽兵而議增餉馬兵以二兩二錢爲例步兵以一兩八錢爲例臣與鎮臣共練兵一萬三千名除見在兵原餉七錢馬六步四算該歲增餉銀八萬九千八百八十七兩二銀(錢)新增募兵除馬匹盔甲之費該歲增餉銀一十八萬一千三百九十六兩八錢通共歲增銀二十七萬一千二百八十四兩而督臣抽練之餉又在其外衝疆之臣豈不樂聞但目擊太倉匱拙之極何忍重困斯民然則兵可不增練餉可不裒益乎臣閱邸報見有陝督再減三千之旨而七月中接樞部兵餉一日未定一

咨內開陝督練兵二萬延鎮稱抽兵六千甘寧亦有然者原餉若干應增若干又開延寧甘固四總兵去京較遠聽其另爲一格自行酌練不必槩議增餉等語臣竊計不增餉勢不能增兵徒抽兵而延鎮有食二兩一錢一兩五錢者抽一餉尙可供一兵之用甘鎮七錢之兵抽一千不足備督臣三百人之食無益於督而大損於甘臣寧冒罪不敢擔也查得先年以汰兵裁甘餉五道屬六萬兩今議練兵別難取盈合無仍復原餉六萬以三萬分臣以一兩四錢定餉該募兵一千七百八十五名鎮標分募一千一百八十五名再酌抽一百二十五名合見在三千六百九十名共足五千名臣標分募六百名合見在一千九百名共足二千五百名以三萬分督臣自爲召募餉之厚薄不敢越俎預定此皆經制內汰裁未久之餉在太倉不苦額外加增在督臣借此可以速募早練在鎮臣練此可以環身四應在臣練此可以出城爲戰入城爲守在五道協路亦不致借口抽兵八面呼號將伯無助矣伏乞皇上勅部覆議上請行下臣等遵奉施行崇禎十二年九月十六日奉聖旨該部議奏



兵部題行「兵科抄出宣府巡撫劉永祚題」稿

暑字一百七十四號日進登訖稽查登訖送看訖有書册限十五日上行  
訖宣府科書辦承

兵部題爲遵旨速查具奏事職方清吏司案呈崇禎十二年八月二十三日奉本部送兵科抄出宣府巡撫劉永祚題前事內開崇禎十一年九月二十八日准兵部咨爲營備關茸束伍無術等事職方清吏司案呈抄出昌宣分監謝文舉題前事該本部覆奉聖旨楊一傑著革任其未明錢糧該撫按速查具奏欽此欽遵備咨到臣臣卽行該道將東協左部守備楊一傑革任其未明椿朋錢糧速查去後今據懷隆兵備道僉事宋應鰲呈稱行據東路通判金大惠呈稱移准東協副將毛鑣回稱據革任守備楊一傑供稱崇禎六年十一二兩月因前撫院焦都御史至懷看兵彼時初立營伍各兵皆係市人號衣不齊蒙前道張布政使面諭置做各兵號衣卑職查得內有貧者促難置買卽用銀一百三十七兩置做完全行伍一色見有各隊領狀爲證又崇禎七年東奴入犯宣大懷安地方卑職率領兵丁于閏八月內與虜對敵斬獲首級四顆卑職鼓舞用命兵丁鄭伏等賞銀十兩塘報爲證又營中各隊招旗紅纓日遠殘舊每年更換一次計五年共用銀五十六兩招旗爲證又各衙門日用文移卑職原無紙紅每年使銀二十四兩計五年共用銀一百二十兩又前任李副將置買大旗幟响器號衣等項分派卑職認銀二百五十六兩六錢六分于十年十一月內蒙本道秦僉事巡閱四海治看驗訖以上共用銀五百七十九兩六錢六分內除用過椿朋銀三百二十兩九錢八分長用過卑職銀二百五十八兩六錢八分等因據此隨行左部頭二司千總李印將等傳集百總管隊逐件詰問各役回稱揚守備在任五年二起營中旗幟號衣响器等物俱係限同置買其銀原在朋銀內動支其物有見在營中執打穿戴者亦有年遠破爛損壞以及逃軍拐帶者已奉前道張布政奏僉事驗過其別項事件知之不真等情到協據此

爲炤楊一傑經收朋銀置辦營中公用若李副將之擬派前道秦僉事之面驗張布政之面諭會載塘報之賞功已似歷歷可據但事繇前協任內非本協經手故屢請開銷出自上臺之裁酌耳及傳左部關營百隊焦國現徐在時等面訊僉吐原係公用隨據連名結狀在案則一傑所開之公費有溢于朋銀姑無足論而所收之朋銀已竭于公費似非偶爾捏飾也况一傑原自本協申糾斷不敢是非一任其口而公道具在又不能不據實會復以備洞燭等情到職准此該卑職查看得協備楊一傑任事已歷五載其經手錢糧原有扣過椿朋銀三百二十兩九錢八分據其款開製備號衣大旗喇器與夫賞功公用紙張等項共用過銀五百七十九兩零內除椿朋銀外本官長墊銀二百五十八兩六錢八分今本官業已革任其用過銀兩悉屬營中公費俱經前道驗過並非別項花銷節會該協毛副將再四查確相應准與開銷等因到道蒙批此銀製造本營號旗等物當初何不申請明白仰應確查審報蒙此該卑職再行東協覆查無異看得楊一傑歷任五載無大愆尤第以扣除之朋銀致資該營之動用實非分外侵漁也况經毛副將之查復不啻再三又據該備殷殷之苦訴已非一次合無以本官長墊之銀塗抹免爲作數止將所扣椿朋銀三百二十兩九錢八分應于營中製用之物作數開銷庶久懸之欵件得以歸結而革任之鄙弁亦不致久淹異域矣等情覆詳到道該本道看得楊一傑闖茸一案出自分監之白簡實本于協將之申糾奉旨行查惟協是問斷無是非一任其口而徇縱反失其初者查該弁原無經手錢糧止開銷椿朋一節致費推敲應詳云本協回稱前銀三百二十餘兩應于營中製用之物開銷然未經申請自是疑團不化再三摻駁該協有據實回覆之文該營有連名公保之結在本道遵明旨以問椿朋在該弁且執椿朋以求長費深可啞然笑也然原疏止糾闖茸奉旨原屬查明屢查無據勢難懸坐革職可

盡其辜矣等因該前道何僉事具詳撫按復蒙駁批確核該本道覆查無異看得原任東協守備楊一傑者乃關茸德弁也業經奉旨斥革其任內未明錢糧止有扣過本營椿朋銀三百二十九錢八分已節次置買該營招旗响器等項共用過銀三百一十二兩六錢六分見有物在或可姑准開銷尙有下剩銀八兩三錢零今據糧廳行據該協逐款細查見在用過者詳請開銷未用者亦請于用過紙張款內銷算夫紙張之費誠亦有之素無額設價錢而文移冊籍自是不免總之用在該營者未見盡入私囊今協將屢次查覆及衆軍連名保結歷歷確據革職已盡其辜似無煩苛求懸坐也等因到臣該臣看得楊一傑以關茸被斥平時原無穢迹所未明者經手椿朋銀三百二十餘兩卽曰所用皆出因公而當日未請開銷卽本弁關茸之一微矣本弁長用之數可置勿問止就其製過招旗响器等項確查見在之可憑者計三百一十二兩六錢六分應准開銷尙該下剩椿朋銀八兩三錢二分爲數無多在節年紙張之費亦所不免應否盡豁是在聖恩定奪非臣所敢必也臣謹會同按臣秦廷奏合詞具題伏乞皇上勅部議覆施行等因崇禎十二年八月二十一日奉聖旨該部知道欽此又該宣大巡按秦廷奏題同前事等因奉聖旨已有旨了該部知道欽此欽遵通抄到部送司案查崇禎十一年九月二十三日該本部覆昌宜分監魏邦典題爲營備關茸束伍無術等事內開宣府東協左部守備楊一傑營伍廢弛并侵用椿朋緣絲等因奉聖旨楊一傑着革任其未明錢糧該撫按速查具奏欽此欽遵隨卽行文宣府撫按勒限查奏去後今經該撫按會題前來相應具覆案呈到部看得貪弁之爲邊害不一若事發而縱之長此安窮如東協左部守備楊一傑爲監臣魏邦典疏叅奉旨革任行撫按速查未明錢糧蓋查其侵欺非查其闕茸也今據詳覆云該弁經手椿朋之銀應于營中製用物件銷算似矣但該營製造衣服一切錢糧

未有不呈詳該道將而守備得以擅那支者夫被叅始求開銷何如當時先行申請若以不行申請為闕茸也則其製衣旗備响器直當以精明目之【而可】矣總之借公營私該弁【自難免】定有侵漁之弊未可以該協回文該營公保僅以革職結案也相應駁回該撫按再行確究奏報庶貪頑知有所警耳恭候命下臣部轉行遵奉施行崇禎十二年九月十三日郎中孫嘉績

兵部為遵旨速查具奏事本部覆宣府巡撫劉永祚題前事等因崇禎十二年九月十七日具題二十一日奉聖旨是即著該撫按再嚴行查究具奏欽此欽遵抄出到部送司案呈到部擬合就行為此一咨宣府巡撫 都察院煩為轉行宣天巡按御史合咨前去煩焯本部覆奉明旨內事理即將楊一傑侵用椿朋銀兩會同該標衙門嚴加確訊速行具奏施行崇禎十二年九月二十四日郎中孫嘉績

兵部行「兵科抄出遼東巡撫方一藻題」稿

左府科書辦鄭晉承

兵部爲呈報犯官畏法自刎事職方清吏司案呈奉本部送兵科抄出遼東巡撫方一藻題稱崇禎十三年正月十八日據寧前兵備道右叅政降職三級戴罪丘民仰呈本年正月十五日據理刑推官鄭威民呈蒙本道批據寧遠衛鎮撫司鎮撫韓偉臣稟稱去年十一月二十一日蒙團練吳總鎮發下犯官張國壽等到司卑職即時收監晝夜防禦本年正月初九日各官聞奉旨解京號哭動地卑職誠恐變生不測公同刑書周家臣帶領禁役劉思敬何仲禮等防守一夜至黎明時卑職回家分付禁役嚴防不意張國壽往廁出恭不料私竊菜刀自刎於廁中辰時氣絕身故在監等情蒙批理刑廳查報蒙此該卑職查得犯官張國壽許成功等自去年十一月二十一日團練鎮奉高總監憲牌送監以來鎮撫韓偉臣率同禁役看守惟嚴日用飯食止令國壽等家人在監造飯正月初九日各犯官聞奉有解京之旨號泣不已初十日黎明國壽往廁出恭遂將日用菜刀暗竊於廁中自刎委于辰時絕氣身故鎮撫韓偉臣稟報本院令國壽家屬領去今蒙行查理合呈報等因到道據此該本道覆查得犯官張國壽同許成功等自團練鎮轉奉總監憲牌拘發在監已經五十日本月初十日張國壽因聞奉旨解京隨出恭竊刀自刎身故事干欽犯今據該廳查報前來理合轉詳等因到臣據此該臣看得張國壽遂將之饒有勇力善探夷情者也故鎮金國鳳迫欲得之爲一臂用故補右營乃以該鎮臨陣殞身革職解問遂憤憤而刎頸除驗明領去併許成功李永功另行解部聽審外緣係奉旨人犯臣謹會同總監高起潛合詞具題伏乞皇上勅下該部覆覈施行等因崇禎十三年正月三十日奉聖旨據奏張國壽刎斃事情該監收員役何無嚴防韓偉臣着該部議處具奏周家臣劉思敬等該撫重加懲處欽此欽遵抄出到

部送司案呈到部擬合就行為此  
吞遼東巡撫  
手本關寧總監  
合用手本  
前去煩昭明旨內事理希將刑書周家臣禁役劉思敬等重  
加懲處施行崇禎十三年正月初二日郎中孫嘉績

兵科抄出宣府巡撫劉永祚題本 十三號崇禎十三年正月十七日到不應抄傳併潘奇兵部呈于兵科抄出

宣府巡撫劉永祚謹題爲敬陳昌宣制馭夷部機□□聖鑒飭行事□□十三年正月初七日准總督臣陳新甲會  
葉前來內開張家口喇慎夷之於崇禎十一年三月內擁衆叩邊雖曾有許市不許賞之約亦曾有三年無事酌量  
加賞之言夷貪且狡凡三易春秋卽猶猶求索該撫臣所謂勒以實算三年之限期是矣再當明讐以殺奴偵奴導馬  
領哨實實滿足三年卽奏明皇上炤例加賞□□臣所請者賞格未可預定賞物□□當預儲欲炤殺胡例以三年市稅備  
緩急之用等因會據到臣該臣看得張家口哈慎夷人係崇禎十一年八月十五日叩關乞市臣等仰遵明旨相機操  
縱曾責以偵奴導馬勒□三年守邊如果限滿無事自當奏請定奪今督臣會疏謂慎夷於十一年三月□擁衆叩邊  
寔屬偶誤蓋三月內窺邊者係四會親統大兵屯聚邊外共有九營彼時□□登塘報又有分監臣魏邦典內中軍盧  
志德同微臣駐防市□□□防幸而匹馬□□御前有疏可查原非哈慎叩邊也儻自十一年三月算□□哈慎三  
年之□□□年□□□恐啓戎心不敢不據寔奏明以防夷人藉口譬之軍兵支糧須自□□之日算起若□□  
年月蚤支半年斷不敢也至於預儲賞物臣等自開市至今積累市稅嚴加查覈□□夷之用非自今日始議稽查  
若內備遠偵確哨屢遵嚴旨申飭未敢有一刻之疎懈□□皇上勅部查炤議覆施行崇禎十三年正月十五日奉□  
□□有旨了該部知道





兵科抄出昌宜分監謝文舉題本

十六號崇禎十三年正月二十三日到不應抄傳速覆即日酌覆即寫紅摺覆何泰兵部呈于兵科抄出

分守昌宜二鎮太監謝文舉謹題爲□□□後防兵之著仰請聖明□□事臣自十年歲暮受任宜東至十一年春防目擊主兵寥寥單薄新設兩協未經就緒是以疏請防兵始雖樞臣以爲無事張皇繼而奴騎窺逼宣邊幸得備禦之嚴校會遂爾宵遯後自九月兩協官兵漸有次第調護陵前半載有餘方撤回鎮及昨年秋防業以左協官兵分防柳溝以東灰嶺韓家口一帶右協官兵派之岔西大山河合口一帶至於紅門川張家口等處初調通津兵馬五千後更(○)山永官兵四千七百依牆爲□分布防守比綠東報洶洶不得不爲未雨綢繆尤藉總監臣申之秀移駐大廟頻加輸資甘苦與共臣亦時勤慰勞雖賞第未能厚至十二月二十一日奉旨撤營回鎮去訖然後在防幾四閱月約共支過行糧鹽菜值銀三萬六千有奇茲臣復計今歲春防轉眼將臨每憂月餉愆期召買難繼思所以仰抒宵旰或可以□省一分之用者亦少盡臣愚一分犬馬之忱因再四躊躇惟憶南山兩協原爲護陵而設若無□□每年春秋兩防柳溝以東<sup>(灰)</sup>炭嶺至乾石河一帶派之左協柳溝以西紅門川張家口至岔道派之□□□□丁移駐柳溝有事兼督兩協戰兵相機剿堵無事往來巡飭無庸另議又有撫標□向防延慶可與紅門相爲犄角添撥鎮標一千駐防永寧密邇灰嶺亦得炤應東協營兵已經題定四海爲其端信兼管火焰海擦永寧路將移防靖胡仍應炤舊至於昌鎮之兵亦惟駐守八達嶺乃其本信大山河合一帶雖有火石立石七口之衝實亦無險可據惟靠鎮邊一路內牆是在昌鎮將備善自防禦况切近懷來見有督標新兵酌撥一二營表裏爲守未爲不□□各認定信地至期不煩傳檄徑自趨防永著□□□□行鹽可以□省矣萬一□□果有警息不在此例似應仍如原議督撫諸臣全付精神

保護陵寢而援勦兵馬亦□□宣府而已卽各鎮之兵皆是護陵之兵或再他處有事仍俱應聽樞部與督臣調遣耳  
微臣愚昧寡識固不諳於軍機但見時當匱誦之甚循名責寔以護陵之兵護陵一年兩防所省不下七萬餘金此區  
區盡管之見是否可採伏惟聖明裁奪或勅該部再爲酌議具覆施行崇禎十三年正月二十一日奉聖旨該部酌議  
速覆

兵部題「兵科抄出本部覆津通總監盧維寧題」稿 限廿二日上有稿左府科書辦鄭管奉

兵部題爲臨鎮增兵尙無次第督監查飭亦無責成謹請申明以期速效事職方清吏司案呈崇禎十二年十一月十一日奉本部送兵科抄出本部覆該津通總監盧維寧題前事奉聖旨該部看議速奏欽此欽遵抄出到部送司案呈到部看得臨鎮戰守兵數缺額尙多馬匹器械全未就緒已經臣部咨會戶工二部逐款開列恭請聖裁現在候旨該鎮爲監臣所轄信地一切錢糧兵馬皆當與聞臣部行之已久特以未奉明諭尙爾有待監臣身任地方之責自不得不申明言之俟奉欽依之後卽行移會監臣一體遵奉可耳緣奉有看議之旨相應覆請伏候命下遵奉施行等因崇禎十二年十月十六日奉聖旨募練查飭總監原有責成其調度防援信地還着該部奏明欽此欽遵抄出到部送司案呈到部看得東省抽練經制雖已粗定其於餉足兵強馬騰器利成效未一二觀也今奉明旨着臣部預申調度防援信地臣敢無說而處於此蓋津門實關遼之咽喉清源通全漕之氣脈監鎮二臣駐節於此相爲首尾自是不易之至計總監可以兼制臨而東帥不能遙及津調度之責在監而不在鎮然東帥所受節制者保督也總監事權與總督埒自應同受節制而呼吸之間當使捷若桴鼓方克有濟防援之責在鎮而亦在監總監之權雖合而鞭長不及應於統任之中又有專責則如滄如瀛如景于津門成犄角之勢爲監臣防援所必到者也兵之責雖分而雄鎮一區應於專轄之內自爲炤應則如德如濟如兗于清源成犄角之勢爲鎮臣防援所必到者也此分信之大略也然止就犬牙交錯處指其形要而言至於各有本信載在原奉勅書之內無容一毫委卸不待臣部之誦言之而諸臣所當祇遵力飭總期無負我皇上惓惓至意可耳臣謹遵旨奏明統候聖明裁斷臣部轉行遵奉施

行等因崇禎十二年十一月初十日奉聖旨津通臨德總分着另行分定管轄地方其勅書關防炤信撰鑄防援信地俟分定責成欽此欽遵抄出到部送司案呈到部看得總監視總督分監視巡撫故各巡撫有專轄之信而總督卽以各巡撫之信爲信此定制也今津通臨德總分監臣責任臣等擬議至再奉旨着臣部另行分定管轄地方臣等熟籌總分之設原以催督漕白二糧疏達漕海二運爲第一要務今奉明旨責成修練儲備則地方防禦之責與督撫並重必千有餘里之間首尾炤應始呼吸有相通之勢而今總監駐天津分監駐通州似乎偏滯一隅以臨德較之若爲節疎而勢遠者駐節旣偏在于通津統轄自難施於臨德而分信畫地不無隔礙臣等之愚以爲總監旣駐天津分監當移駐臨清以各就其所便總監總轄四鎮而以津通爲專信分監分管二鎮而以臨德爲專信內中軍各隨本監就便移駐以備傳宣庶幾一總一分之間微存兼統分隸之義而信地仍畫然不淆其總監勅書則當開載總監通津臨德仍專轄通州天津等處地方如川貴總督之兼巡撫貴州兩廣總督之兼巡撫廣東皆此類也分監勅書則當開載分監臨德等處地方而去通津字樣關防炤此鑄給則責成專而職掌亦有攸屬臣等管窺之愚未知有當聖謨萬一與否統祈聖明裁定臣等轉行遵奉施行

等因崇禎十三年正月三十日奉聖旨通鎮重地分監不可移駐本內所議及勅書開載等項仍屬未妥該部還再詳酌確議具奏

崇禎十三年正月二十二日郎中孫嘉績

兵部行「聖諭遼鎮中後所連遭火患等情」一稿 左府科書辦鄭晉承

兵部爲欽奉聖諭事職方清吏司案呈崇禎十三年閏正月初二日戌時奉本部送於會極門接出聖諭據奏中後所連遭火患殊可憫念著內庫發銀三千兩忠勇營差官京營撥兵防護解去監撫軍前設法給散務令軍民得需實惠以昭朝廷軫恤至意該衙門知道欽此欽遵恭捧到部送司案呈到部擬合就行爲此一手本忠勇營合用手本前去煩炤聖諭內事理希卽選差的當官員將內庫給發遼鎮銀兩押解該鎮監撫軍前交收施行一手本關寧總監合用手本咨遼東巡撫前去煩炤聖諭內事理希將解至內庫銀兩炤數查收給散被災軍民務令均沾實惠仍將給散過花名數目據寔奏報施行一咨京營合咨前去煩炤聖諭內事理希卽選撥的當兵丁將內庫給發遼鎮銀兩護解該鎮監撫軍前交收施行合具揭帖差主事董允茂費赴內府承運庫遵炤聖諭內事理將給發遼鎮銀三千兩炤數查發施行崇禎十三年閏正月初三日郎中孫嘉績



兵科抄出宣大總督張福臻題本 四十號崇禎十三年閏正月二十五日到不應抄傳即日議覆即寫紅摺蘇支茂兵部呈于兵科抄出總督宣大山西右僉都御史張福臻謹題爲籌議陵后防兵之著仰請聖明裁奪事該兵部覆昌宣分監臣謝文舉題前事奉聖旨是這陵后調防事情著昌宣督監撫鎮再行酌議具奏欽此欽遵抄出到部備咨到臣臣隨通咨各監撫酌議去后准分監臣謝文舉手本謂本監此議原以每年春秋兩防無事之時爲言也萬一宣邊果有警息不在此例相應仍如原議准宣撫臣劉永祚咨謂撫標止有戰兵一千原係認信備陵春秋兩防長駐延慶又准昌鎮侍郎劉餘祐咨謂同隸巖邊調防事宜必斟酌妥便使主兵不墮單虛歲餉無煩空耗方爲長策前議南山設鎮倚牆爲家似網繆至計也等情到臣臣隨查崇禎十二年十二月十六日准兵部咨該宣大按臣秦廷奏題爲微臣恭閱陵后謹述主客兵馬情形仰祈聖鑒事奉聖旨知道了據奏督標營器械盔甲未備何以禦敵卽著陳新甲設處置造仍要精堅堪用南山兩協併延慶州兵馬似單督監撫鎮料理還宜周詳撤兵措餉俱已有旨了秦廷奏著不時檄行沿邊文武確偵虜息以便調度該部知道欽此欽遵隨該懷隆道臣宋應鱉通詳改左協爲鎮減兩協馬爲招兵之資臣念事關陵后議旣盡一敢折衷言之分監疏言撤客兵五千省行鹽銀七萬有奇糧存兵單兵部已咨言之若改協爲鎮兵足一萬則旅成熊罷威雄虎豹真綱繆至計哉惟是鎮臣以守爲戰需馬更急減馬更難不若以所省之行鹽爲招兵之資用則餉不外加兵有成數無煩調防之往來自鞏陵后於秦岳矣臣等周詳料理以免兩協之單再行酌議以固陵后之防者確應如此若延慶駐防有無撫標一千亦不爲單惟陵后原題兩協各兵三千后改懷來付將毛鑽帶存兵一千四百駐防四海治則爲東協而柳溝遂改東爲中矣共計兵七千四百止添兵二千六百諒七萬餘金自用之不盡

也臣謹會同昌平督治臣劉餘祐昌宣總監臣申之秀宣府撫臣劉永祚昌宣分監臣謝文舉合詞具題伏乞皇上念陵后重地臣等深憂勅下兵部議覆果如臣請則兵餉規則分防信地戰守機要當補疏以聞也臣等可勝竦仄待命之至崇禎十三年閏正月二十四日奉聖旨兵部看議卽覆



兵科抄出昌宣分監謝文舉題本 四十四號崇禎十三年閏正月二十八日到存查何泰蘇支茂兵部呈于兵科抄出

昌宣分守太監謝文舉謹題爲欽奉聖諭事崇禎十三年正月十八日巳時准兵部手本前事內開職方清吏司案呈本年正月十三日酉時奉本部送於會極門接出聖諭修練儲備屢奉諭旨又頒有書冊申飭業已諄諄各該督監撫鎮督勵所屬道府州縣及將領等官果否堅完充集某處奏到某處未經具奏該部科逐一詳覈查叅仍着立限奏報欽此欽遵恭捧到部送司除未經具奏者本司一面呈堂會同兵科詳覈查叅外所有各該督監撫鎮按衙門相應勒限通行奏報案呈到部備會遵炤聖諭內事理定限文到三日內作速奏報等因到臣准此該臣卷查崇禎十二年十月十六日申時准兵部手本爲恭進刊完四事成書一面遵旨頒行事備會煩炤本部奉旨頒發四事成書一本嚴飭所屬着寔遵行仍將能奉行者覈寔荐獎不能奉行及不善奉行分別叅戒並將各該道府州縣遵行緣繇彙齊具奏等因到臣准此該臣隨即轉移懷隆道去後續於十二月十二日准該道臣宋應鰲手本案炤先奉樞部頒發保民四事書一冊督催抄謄二十本轉行間又蒙撫院案驗欽遵明旨內事理發來保民四事書三十二本業已分發東路糧廳延保永寧縣協路城堡衛所大小文武官員各給一本各將書內開載屢奉明旨及修城堡拾條備守具六條儲糧草六條練兵壯十條令其時加省覽極力圖維仍嚴飭習讀講解愚俗通知務求精熟其鑿寔効間或捐款考問不時查覈要記之於心誦之於口出之於行底之於事者着寔舉修以仰副聖明責成至意一一奉行不敢違誤擬合同覆等因到臣准此竊炤微臣自任宣東以來無日不孜孜以地方爲事且屢奉嚴諭諄諄以收斂設備及修備儲練併設險伏藏等項事宜深慮宸衷臣敢不仰遵廟謨奉行惟謹於是凡會道廳協與之反覆講求者無非籌邊保民之計

至於守備操防等官卽多方開導令其盡心信守或有不足轉行勸諭士庶務期人各捐輸以成修練儲備之實政名雖保守朝廷封疆實衛各人自家性命其一切器具俱經臣往還查閱歷歷試驗不止一次非特砲銃懸簾滾木礮石等等必經眼到卽鐸枕探子擲頭藥袋小物亦必逐件查其果堪實用與否儻有少不合式當時責警立督更換所挑品坑壕塹窄者令其寬之淺者令其深之淤者令其濬之不敢稍示姑息以積漸其怠惰之心此皆臣之本等職業以期不負聖明高厚之恩如四事內修城堡一節臣於十一年曾具疏題修坍塌邊牆臺房俱經舉閭或錢糧不能湊手未免酌其衝緩逐漸而行十二年雨水無多坍塌有限雖未具題隨報隨令修葺若城堡遭雨水沖披每多捐輸修補而奉行四事之善者惟保安州稱最也蓋經七年之轍知州李振琯捐俸首創士民舖商莫不與感同心齊力修城設備迥異他堡餘如延慶州之修北東南三面門樓出之州官之設備又如沙城一連三堡形同輔車西堡七年遭虜殘燬幸中東二堡商賈湊集十一年捐銀八百有餘專事修城已經用盡十二年見捐六百餘兩及奉欽頒成書復又增捐連前共幾千金春融重修西堡又如道臣何騰蛟於受事之始卽獨力捐築瓦窯之三臺又勤懷來城勢南面臨河東北坐山惟西南一望平衍慮恐受敵隨於城之西南議建敵臺一座首捐銀五百兩業已相地築基值調守道而去臨行切切囑之東路通判金大惠今亦勸輸見有八百餘金總付鄉紳收貯春和不自與工其他□□修具□冊中不敢槩述以瀆聖聰如設備守具則塞上之邊堡牆臺似與腹裏大相逕庭卽彈丸小堡之器雖不能如成書之數亦僅僅可備守禦儻果有不足之處如臣前歲劄議捐制大炮四百位十二年五月復設處置買大炮二百二位又捐火藥一萬二千斤除分兩協之外揆度衝緩酌發各堡繼而保安州捐造五十三位保安新城捐造三十二位延慶州

捐造制滅虜湧珠三眼槍鐵斧等項尤多其餘木石之類易於辦者業俱不時申嚴少者增益之不如式者更制之惟儲糧草一節宜東止二州一縣連遭虜患但得額徵无欠已爲厚幸此外各堡軍多民少无從勸諭尤有從來竝无倉場之堡今亦正議增設但衝要之處所藉惟召買耳是以十一年臣請召買銀十五萬兩戶部所發不滿四萬十二年臣請八萬兩今雖發完然用過者已幾五萬僅存三萬錢谷供茲春防尙在不敷如壯兵壯查得保安州練有鄉兵一千八十五名延慶州鄉兵一千二百名永寧縣鄉兵三百名亦俱煇期操演教習火器有事之時各城風門皆有派定姓名鄉兵與士民登陣同心戮力亦足以守其餘協路軍堡之操練乃其分內之事臣于十一年督練南山兩協官兵自二月至九月僅半年餘調防陵前文到當日(日字疑重覆)即發亦稱應手此皆臣未奉欽頒成書以前遵奉屢旨所行之事然臣奉有主客兵丁新經調撤又屆新節之時爾部密檄各該督監撫鎮按道及各關隘將備等官務要遠偵嚴防萬分慎密之勅諭是以新正臣尙駐防柳溝節后方撤回懷今復逐城逐事按册查閱與前无異但其間諸事果能堅完粗集勸諭樂輸者亦緣其地土膏腴商民湊集官能奉行(即)郎易爲力至如窮邊軍堡原與腹裏不同烏合者衆而殷寔土著者少雖敝唇舌无可奈何臣若督責稍嚴強所難能萬一脫逃而去反非奉行之善惟有恩以結之威以懼之又每加誘掖獎勵令其人自爲戰家自爲守而已再如四事內稍有力所能者臣仍責備地方文武竭力漸制不妨多多益善其果必需錢糧而勢所難能臣亦无術以處臨時另覈以定優劣以行薦劾此臣之寔心寔言毫無欺飾因欲事事親閱不敢以虛文塞責致茲遲奏之愆幸荷聖明寬宥臣有不感激深恩益思奮勵圖報也哉除准分守口北道帶管懷隆道僉事何騰蛟會送到四事册一本煇式另造移送兵部外理合具題伏乞聖鑒施行崇禎十三年

閏正月二十七日奉聖旨知道了該部知道

兵科抄出浙江巡撫熊奮渭題本 崇禎十三年二月二十二日到覆存沈元蘇支茂兵部呈于兵科抄出

浙江巡撫熊奮渭謹題爲遵旨查奏事據浙江按察司呈稱奉臣案驗准兵部咨職方司案呈兵科抄出山東巡按郭

景昌題前事查奏濟南城陷死事各官緣繇內開布政司經力朱泰淳理問姜道元俱無下落經力司印見獲已經具

題訖今貯長清縣庫提學道右叅政翁鴻業原查本官原守東門屍不知下落止存妻并二小家人男婦十一人長清

縣復查得本官身屍委不知下落道印一顆火灰番出見存已經具題訖庫官朱文津無下落庫銀劫去無存理刑推

官陸燦原查本官原守西南角樓并妻子家人具不知下落長清縣復查得本官委無下落濟南衛文職經力傅琰不

知下落等因奉聖旨該部知道內無下落的還行原籍着該撫按訪查具奏欽此欽遵案呈到部移咨前來備案行司

即將后開各官轉行原籍府縣訪查下落據實速詳以憑覆覈回奏計開朱泰淳姜道元俱餘姚縣人朱文津會稽縣

人翁鴻業杭州府人陸燦平湖縣人傅琰仁和縣人等因奉經備行各該府縣細訪各官下落去后催據會稽縣申稱

據婦朱陳氏呈稱氏子朱文津叨選山東庫官至今正月初二日被虜破城氏子同孫五口力守庫藏身傷七刀父子

砍死庫前(口)抱三歲幼孫乞命被砍三刀見傷可驗孫媳遭虜無蹤童輩並無下落氏僕守男屍月餘有任朱頑達

京聞奔赴稟蒙上司委歷城縣知縣給棺驗殮氏身無倚幸蒙本省新任台道成叅議路經于此憐孤帶回留任守棺

候恩喪今蒙行查叩乞申覆等情復據十二都六圖里隣章欽鄔相等具結到縣該署縣事本府同知畢九臣查看

得朱文津守帑惟忠臨鋒不避刀屍旅襯尙涉漠于他鄉老母稚兒甫趨于故土既取里隣之結更無隱匿之情合

具印結申覆等因又據平湖縣申稱據生員陸璘陸琇等呈稱痛兄陸燦以甲戌進士除授濟南府推官挈帶家眷赴

任今年二月間隣等在家聞變奔赴濟南但見城中焚殺已空殘屍燒埋已盡兄骨無蹤僅爲招魂彼時訪得家人傳芳華扶帶十歲幼女九歲小廝并守故嫂孫氏宿木一具于五月初十日攜帶抵家今蒙行查兄燻有無回籍泣思百萬慘屠全家泯滅果有隱情難掩隣佑耳目呈乞申覆等情復據該圍里老隣佑朱祿周有驟等連名具結到縣該本縣知縣吳春枝查看得濟城慘變率士傷心盡節者臣子之大經傳疑者人言之遙度犬羊負隅十四日安保軀骸无化碧之冤粉榆聽聲二千里但聆閭黨有塞帷之哭一門煙滅不知委整填溝三口生還猶是餘肌剩肉論本官身家所構已極慙凶據兄弟號愴之詞似非影響惟是事難臆測證須衆明骨燼不然還當徵羣喙于歷下首丘絕望斷非漏詭跡于朱家竝无回籍是實今具官吏印結并里鄰親屬不扶甘結申乞轉達等因又據杭州府呈據仁和縣申稱據平安坊二圖見年楊張沈等回稱查得本里人戶傳琰出仕一十餘載竝未回籍本年五月間有傳琰妾錢氏自山東隻回住伊母家稱琰于正月初二日被虜破城殺死全家俱遭虜殺氏係虜去逃回收殮夫屍及傳琰向有兄弟二人俱已身故見有堂兄傳鶴徵傳仲光傳希元等傳出前情據寔呈覆等情猶恐不的伏拘本婦到官嚴鞫據稱氏夫傳琰于崇禎三年赴山東濟南衛候缺至崇禎七年三月始任今年正月初二日隄虜破城將夫反綁刀砍身死又殺男僕四人(復)伏將繼嫡張氏嫡女二姑將氏與使女共五口劫虜出城以后不知張氏二姑及使女下落氏痛夫慘死豈肯偷生隨賊撞地痛哭幸賊婦垂憐方便解救置氏破屋延至□□□□拔營方得尋問進城幸遇衛役陳守榮幫認夫屍買棺收殮明厝南門外廣勝庵內庵僧道安道迂親收可驗延今四月覓湖州張姓一人同行至五月內抵杭痛夫无子苦依寡母度命今蒙喚問據寔具稟等情到縣取具里鄰甘結并官吏印結呈覆到府又據錢塘縣申稱據翁

鴻業母沈氏呈稱長男鴻業叨乙丑科進士歷任山東提學道崇禎十一年九月考試兗州府未竣聞虜窺濟南男兼程歸省至十二月二十三日虜迫城下男雖无捍禦之責見事勢孔亟身受國恩遂擊印左臂與妻孥永訣奮身巡閱東門收輯器械矢石捐俸餉卒虜晝夜攻擊男將火炮打賊賊遂不敢逼城東門獲全至正月初二日虜從西門攻入男仍于東門鼓勵軍士拒堵賊大掩至縱火焚殺燬骨蔽地貴賤罔分屍縱難辦切思男慷慨就義當擊印左臂之時已不欲生今印從火出屍亦從火燬无疑痛男本无捍禦之責以死報國遺骸火燬窀穸无從効節固臣子之嘗激勸實朝廷之典仰瀆俯賜詳覆等情(復)伏據西壁坊里遞隣佑周吳柴等甘結到縣同官吏印結申繳到府具由黏同本府印結呈繳到司又據餘姚口申稱口口里史俞錢結稱里人山東布政司經歷朱泰淳原于崇禎九年同姜王氏等赴任于今年正月初二日被虜陷城本官狗難身故合署被戮止留從僕趙完負傷奔回東省三月間計聞長子朱楷奔赴寬骸无獲隨奉香火回家設靈成服竝无朱泰淳回籍等情又據里長姜元名叙姜望等結稱遵查山東布政司理問姜道元遇虜陷城本官被砍身死妻室季子俱奔湖而亡闔署一十餘口止留小使二人眉壽高科負傷可驗于五月初六日同生員姜廷樺扶靈到家如虛甘罪等情各到縣該知縣袁定查得山東布政司經歷朱泰淳理問姜道元被虜情由因无下落奉旨行查有無回籍案經密差着同坊里訪查行據各該坊里結覆並無回籍相應據寔備將各里鄰甘結並官吏印結呈乞轉達等因到司又爲欽奉聖諭事蒙按院批布政司呈詳開稱查看得原任山東學道翁鴻業推官陸燦經歷朱泰淳理問姜道元衛幕傳珠庫官朱文津一時被難身亡屍骸存毀不定即有家屬從軍旅中冒險而歸者俱類喪家之犬備陳慘切之情(既)即經府縣回覆據有里鄰結呈所稱无口本口據以轉報等因呈詳蒙批

案關覈奏非比泛嘗按察司查焯原行嚴加確勘速詳報蒙此先後催據前因該本司署司事付使口士達覆查得原任山東學道翁鴻業推官陸燦經歷朱泰淳理問姜道元衛幕傅琰庫官朱文津被虜陷城身屍竟无下落致奉明旨再行原籍訪查遵卽行據各該府縣呈稱口无回籍其有家屬冒險而歸者情甚慘切先經藩司查詳復據具有各該官吏隣口口印信結狀前來合行轉報等因到臣據此該臣會同巡按浙江監察御史王範看得東省失守王石俱焚白骨青燐傷心慘目在死事各官固有深痛而屍骸无覓尙當嚴查如原任山東布政司經歷朱泰淳理問姜道元提學道右叅政翁鴻業庫官朱文津濟南府推官陸燦濟南衛經歷傅琰皆山東按臣所稱无下落者也臣等遵奉明旨嚴行布按二司轉行各該原籍府縣訪于里老訊其家屬但述遇害之慘絕無回籍口情如據稱傅琰屍棺見厝山東南門外廣勝庵朱文津身屍曾經歷城縣收殮則尤其彰明較著者此之（疑誤）落再一問彼中而豁然矣臣等駁查再三據覆无異除取有各該官口里鄰結狀存案外相應回奏伏乞勅下該部查議施行崇禎十三年二月二十一日奉聖旨該部知道



兵科抄出延綏巡撫劉令譽題本 崇禎十三年三月十七日到次日議奏何泰兵部呈於兵科抄出

(潤)

延綏巡撫劉令譽謹題爲協濟疊欠驛站廢弛查叅積玩官員事○得延北之有石觜驛乃清間縣屬也此地居清澗之北綏德之南各去七十里所稱適中者該驛舊額站銀一千九十七兩三錢二分五厘三毫在於延屬延長延川安塞安定米脂協濟自荒盜後前項各縣止炤熟糧徵銀一百七十一兩六錢八分四厘八毫竝清澗原額銀五十六兩五錢九分三厘七毫共銀二百二十八兩二錢七分八厘五毫向使歷年炤數解納猶可接濟不至周行大道置郵中斷而有司以隔屬秦越相視疊年協濟不解而清澗亦然以致郵卒苦莫能支前督撫以延綏餉庫銀兩借給嗣後戶部不准銷算已之而驛站遂廢矣一切差使清澗送之綏德綏德送之清澗往返二百八十里人困馬倒是石觜一驛廢而清綏兩驛爲之偏累馬戶借口幫貼騷擾里甲勢所不免此延北之害民第一事也臣於此留心久矣今奉兼轄明旨敢爲我皇上陳之蓋此驛廢弛因於協濟不解協濟果如舊額多徵有司尙可以盜荒爲詞竝已炤熟糧徵解有十分徵不及一分者有十分止徵四分五分者各州縣不解未必盡寬在民間而清綏已偏苦至極矣勿論從前疊欠卽崇禎十二年分行據榆林道王裕心造冊到臣閱其協濟惟延川縣解銀三十兩餘俱未完多者不解米脂半徵銀一兩九錢亦不解他屬不解而清澗本屬亦不解積玩習爲故事若非嚴懲石觜一驛(復)伏無日期而清綏兩地偏累亦無已時也所有延定等縣知縣胡允賓等臣謹會同巡撫陝西都察院右僉都御史丁啟睿叅題伏乞勅下兵部炤京民兩運事例分別革職降級議覆十二年協濟未完銀兩仍勒限三月內完解如再遲玩經管接管各官卽行實革實降其石觜驛臣等責成該府縣一面料理務必安置勿使再累清綏小民可也謹題請旨計開延長縣原額協濟石觜

驛站銀一百六十三兩五錢四分九厘六毫內炤熟糧徵銀八十一兩七錢七分四厘八毫全未完前件知縣胡允賓  
經管延川縣原額協濟石觜驛站銀一百九十兩二錢五分四毫內炤熟糧徵銀六十兩五錢內已完銀三十兩七分  
未完銀三十兩四錢三分以十分未完五分前件知縣孫伸經管安塞縣原額協濟石觜驛站銀一百一十兩五錢六  
分九厘三毫內炤熟糧徵銀一十四兩四錢七分全未完前件知縣彭堯昇經管本官因前任當塗縣主簿計察年老  
安定縣原額協濟石觜驛站銀六百二十九兩一錢一分六厘內炤熟糧徵銀一十三兩二分全未完前件署印本縣  
儒學教諭李柱國經管新任知縣胡燞接管米脂縣原額協濟石觜驛站銀三兩八錢四分內炤熟糧徵銀一兩九錢  
二分全未完前件知縣鄭懋極經管清澗縣原額協濟石觜驛站銀五十六兩五錢九分三厘七毫全未完前件知縣  
劉應元經管崇禎十三年三月十六日奉聖旨該部覈議具奏

兵部題「兵科抄出宣大總督張福臻題」稿 往字六十六號有書冊即覆限十八日上宣府科書辦王世勳承

兵部題爲亟易庸劣營將以便束伍練戰事職方清吏司案呈崇禎十三年三月十四日奉本部送兵科抄出該宣大總督張福臻題前事內稱臣承乏督宣專司練戰幸前督臣營制已定部曲已明竊謂但加訓練便可稱有之制兵矣(制之)豈意皇上節制之旨與臣束伍之示竟成空談而練甫踰月匿名兩貼遂不能無憾於諸將焉蓋臣潔已率屬一示再示鎮道陪操俱臣備饌總求屬官不要錢以免剝窮軍軍民已共諒之臣豈不自責而謬以非人者無柰將官之寐而不醒耳遂查懷標八營都司管叅將事李元芝所部軍丁上年曾打旗執械明諫於糧廳之門今又被何光運告其殺弟見在批問是尙有辭怙惡而儼然衣冠之列乎本當革任念其招兵創始頗著勤勞姑令赴部改調可也所遺員缺查得薊鎮練兵遊擊文貴金癡可報國勇能衝鋒臣在延鎮時相從殺賊一年有半賊每望而辟易臣每以子弟待之而貴金亦戴臣若父母若量陞職銜補八營之缺當無異范仲淹之純佑矣伏惟勅部議覆如臣言不謬即以文貴金補李元芝之缺庶臣得練戰之將自壯壁壘之色束伍有人制勝可必臣纔得抵陽和而無後憂耳等因崇禎十三年三月十三日奉聖旨該部卽與議覆欽此欽遵抄出到部送司案呈到部看得訓練束伍惟將是賴察李元芝前以匿揭不能做覺已議降級其軍丁之譟形事屬已往宜何如嚴飭于將來者今又有部曲殺人之告懲前毖後之謂何所當降二級調用者也遣下員缺督臣議以文貴金頂補察本官見在薊督標下練兵遊擊雖督臣知之有素信之最真但在薊在宣總係練兵之官恐以彼易此未免紛更之擾以其地則均係衝邊以其官則均爲吃緊在薊營伍已習豈能舍此他求應勅宣督另行遴選題補臣部提衡各鎮惟在事得其平非敢有一毫偏袒于其間也既經具題前來相

應覆請恭候命下臣部轉行遵奉施行崇禎十三年三月十七日郎中孫嘉績

兵部行「遼東巡撫方咨」稿左府科書辦鄭晉承

兵部爲呈報接獲麗國差來船隻事職方清吏司案呈奉本部送准遼東巡撫方差官咨送麗使李舜男跟役李進福麗僧獨步等到部送司奉此隨詢據李舜男等情詞呈堂具題外將舜男等暫發南館安歇所有日需口食相應呈請于總庫或援兵或贓罰項下量動十五兩給發伴送差官資其飲食以示柔遠呈堂奉批于贓罰項下動銀十五兩給之該司須當面親給可也奉此相應劄行總庫照數給發案呈到部擬合就行爲此一劄總庫合劄該司遵劄節內事理即將資給麗使口食銀一十五兩于贓罰項下照數給發施行崇禎十三年五月十五日郎中孫嘉績



兵部行「兵科抄出兵科給事中李焜題」稿 左府科書辦鄭晉承

兵部爲目擊練餉之滯驚心防護之疎乞嚴勅該撫加意料以疏一方之壅闕以資邊疆之捷伐事職方清吏司案呈奉本部送兵科抄出該兵科給事中李焜題稱臣奉差冊封事竣回還於四月十七日道經山東剡城縣適值閩省解役王華解練餉一百一十四鞘縣官閉城數日不肯應付寄宿荒店夜無防護時有兵部差役丁文俊亦口稱奉差過此耽延等情臣不勝駭歎夫皇上抽練之法將以滅奴雪恥此餉何等隆重邊疆數萬之兵嗷嗷待哺何等懸望何等急需而所過地方官吏弁髦藐視阻滯疎防一至於此（脫）說有強暴生心變起不測噬臍何及臣行至嶧縣界上夜次南陵客店則本年二月中果有強盜劫鞘并焚掠民居甚慘再至鄒縣東阿高唐等邑處處有劫鞘之變見責本縣賠償當此東省災旱流離滿目民削樹皮而食恐賠償政自不易耳以餉兵之物爲齎盜之資而始終惟民受其苦此又深可痛恨者也近日徐宿一路稍近英霍時有流寇而漕艘在河水程尤阻故解餉者勢不得不趨於剡城聞本縣馬頭地方有瓜子雜貨之稅舊額僅以千計近因孔道應付加至數倍或云額已近二萬原供夫馬之費而本縣官多以不肯斥去利權盡爲衙棍把持作弊乾沒此雖探之道路之口然亦非盡無據也至如護送鄉兵殊覺寥寥而鄒平長山之間盜賊尤多不早撲滅恐成燎原可憂又不但剡城一邑矣臣入景州界上始見每州縣豎有護鞘剿賊四字黃旗銀鞘之行聞皆營兵分信護送數月以來頗無失脫夫兵以剿賊爲情剿賊卽所以護鞘也旣可行於畿南獨不可行於東省乎伏乞皇上嚴勅東省撫臣將剡城官吏閉門阻鞘情節察究以儆將來仍與將馬頭地方雜稅一項清核額數果否堪供夫馬不足者作何設法有餘者作何支銷勿致衙棍乾沒并檄鎮將叅遊等營共分信地與州縣鄉兵

同心協力護鞘剿賊一炤畿南之法庶一方之壅閼可疏盜賊之充斥漸絕練餉源而來以資飽騰而伸撻伐其俾(詳)益軍國匪淺矣等因崇禎十三年五月十三日奉聖旨練餉鞘至百餘剗城縣官吏不行應付俾停泊荒店好生疎玩即着該撫按限一月內察叅具奏馬頭雜稅既係派供夫馬何得侵潤私囊着一併釐覈東省沿途並無兵護防撫鎮按道料理何事也着該部院議處以後還遵炤屢旨分信責成護鞘前來如有疎虞通從重處治欽此欽遵抄出到部送司案呈到部擬合就行為此一咨吏部煩炤明旨內事理欽遵察炤議處施行一咨都察院煩炤明旨內事理希即察炤議處仍轉行該巡按御史將剗城縣疎玩緣繇依限察叅具奏施行一咨山東巡撫煩炤明旨內事理希將剗城縣疎玩緣繇依限察叅具奏其馬頭雜稅務期嚴加釐覈勿致侵潤私囊防護事宜須分信責成致有疎虞事干處治崇禎十三年五月十六日郎中孫嘉績



兵部行「兵科抄出陽和兵備道洪胤衡奏」稿 往字九十二號大同科書辦趙文輝楊善承

兵部爲遵旨速奏事職方清吏司案呈奉本部送兵科抄出陽和兵備道洪胤衡奏稱崇禎十三年四月初十日奉兵部劄付該本部題前事本月十三日蒙巡撫大同右僉都御史劉夢桂案驗准兵部咨題同前事等因本月初六日奉聖旨這本內預籌事宜著各該督撫鎮道遵炤各款作速料理務期先事有備以遏狡窺仍逐款簡切回奏如有玩泄從事的卿部卽指叅重治不得瞻徇欽此欽遵備行到臣臣捧讀嚴綸不勝悚惕隨行陽和督標十營及天新二路將備炤款料理外竊炤雲鎮制勝全局總不外樞臣之預籌陽和信地分轄惟仰承督撫之調度似不敢復煩聖聽然奉回奏明旨又不敢不竭其遇(愚)一戰作何整抹陽和督標戰兵也隨處征剿雖無定勢大要以扼居庸應三協爲先著而留偏師以授雲晉雲邊雖平行可窺而撫臣以勁旅固藩封鎮臣率貔貅駐得勝南有鴈代東有倒紫賊無出路此成濟耳一守作何備禦陽和屯兵與城堡額軍皆守(兵)也修練備儲四事已詳盡無餘惟在平時撫恤其疾苦嚴禁其科尅人和得而敵懷奮高城堅池庶爲我用矣一防作何分布沿邊皆衝而守口新平爲甚令此二堡分撥遠哨務期先得敵(愚)以爲未然之防今又於天城新平兩路量撥兵丁貼防邊堡庶聲勢相接可有備無患也一援作何調遣陽和與天新平三大城共爲犄角虜若闖入暗相期會火炮夜擊若攻其餘小堡則兩路將出奇兵撓之但使之驚擾牽制則大兵可合擊矣一設險作何扼吭險者敵與我所必爭如用有形之險則山谿林木皆是也至平坦(愚)之處地無險形敵無戒心虛寔之間更可施其作用但地不可預定祕不可先傳耳一清野作何歛積野不難於清而患遇民多棧豆之懸今已諭種早禾以便收斂給印牌以俟歸併尋嘗有貯積蓋藏之所臨時增荷戈捍禦之人而兵食兩攸賴

矣而臣於此尤有請焉曰戰兵之宜土著也募兵譁而思逃皆因爲合而輕去就兵驕矣何以待戰故練土著以爲兵則身家既重節制自齊此戰之本也曰衛軍之宜清補也軍糧薄而多通皆脫衛籍以冒營兵軍缺矣何以爲守故清額軍以實堡則藩籬既固堂與自安此守之本也蓋數千里長邊兵東西分應則疲而城堡星羅碁布始可人自爲守守堅而敵困敵困而戰破之必矣臣守官也未雨綢繆不過如此至滅此朝食自有廟筭爰係條奏字頗逾額伏惟聖明垂鑒等因崇禎十三年五月十五日奉聖旨不能戰不成其爲守洪胤衡正當協圖整秣以備聲援豈得以守官自畫該部知道欽此欽遵密抄到部送司案呈到部擬合就行爲此一節陽和兵備道遠炤明旨內事理欽遵施行崇禎十三年五月十八日郎中孫嘉績

兵部題行「遼東巡撫方塘報」稿 清冊訖左府科書辦鄭晉承

兵部題爲塘報夷情事崇禎十三年五月二十日午時准遼東巡撫方塘報內稱本月十七日辰時據寧前兵備道塘報本月十六日戌時據前鋒右營祖副將差役口報達賊一千餘騎深至紫金山哨馬達賊三百餘騎深至亮馬山站住老營在國王碑見無車牛牲畜復回舊路去訖等情十七日寅時據該將塘報本月十六日未時據紫荆山瞭山兵丁蔣應七報稱本日午時有奴賊從望高山那營至季家臺起白陰山止共下營八個每一營週圍四里寬帳房無數撥夜達賊俱在小葉家堡下營離錦十餘里等情本日辰時准團練鎮塘報本月十六日寅時有哨馬達賊深至楊大人崔見我臺上傳砲聞烽卽往東北飛奔本鎮隨差撥夜紅旗梁得勝等尾哨去後于本日申時據得勝等回營報稱哨至白陰山瞭見達賊從望高山開營至季家臺謊糧堆下營直至白陰山下一帶聯絡共下大營八個王蠻子溝東西俱有達賊瞭山離松錦不過二十餘里役等飛馳回營口報到鎮轉報到道准此理合塘報等因到部據此爲炤奴賊倏東倏西狡謀誠屬叵測三鎮見在<sup>(磨)</sup>糜厲以須計必有一番大創俟有情形另行馳報外合行塘報等因到部理合具本題知等因崇禎十三年五月二十日日本部尙書陳具題二十二日辰時奉聖旨知道了著該督撫鎮道設計以挫狂鋒毋墮狡謀欽此欽遵恭捧到部擬合就行爲此一咨薊督遼撫合咨前去煩炤明旨內事理希卽相機力剿大挫奴氛毋得墮狡弛誤一節寧前道祖大壽吳三桂劉肇<sup>(基)</sup>崇禎十三年五月二十二日卽中孫嘉績



刑科外抄遼東巡撫方一藻題本 崇禎十三年七月十二日到在藩奇兵部呈於兵科抄出刑科外抄

欽命兵部尚書管添設左侍郎事降六級戴罪暫管遼東巡撫事臣方一藻謹題爲謹遵明旨據實回奏伏乞聖明俯垂睿鑒恩賜於原事崇禎十三年六月初十日准兵部咨爲飛報官兵血戰大獲全勝事職方清吏司案呈奉本部送崇禎十三年五月二十九日該本部覆遼東團練總兵官吳三桂遼東分練總兵官劉肇基題前事等因六月初二日奉聖旨周祐楊倫係革職提問之官李得威已經革職問擬何得遽從原官贈廕還着另議具奏周祐等前旨着究擬速奏該督撫爲何縱容不遵各據實回奏趙興邦與周之胤解成名各贈懷遠將軍指揮同知仍各廕一子外衛冠帶總旗世襲欽此欽遵備咨到臣跪誦嚴給躬無地除席蓐恭俟處分外惟是微荷寬恩不遽加臣褫斥令臣據實回奏敢不剖瀝肝膈據實爲我皇上陳之伏念微臣竭狗馬之力爲皇安仔(疑誤)殘遼自辛未迄今已幾十載授事之初卽告諸神明以不愛錢自矢併以不怕死最諸將士蓋十年如一日也前此河東將士遇虜輒相率潰逃今已一洗從前陋習人人以雪恥除兇爲念臣自謂仰藉皇上聲靈畢收羣力勉竭駑鈍用捍危疆或可釋聖明宵旰焦勞少盡微臣報主一念不謂積勞成病事與願違引請業至再三聖眷有加無已感主恩之隆重媿報稱之無能敢不力疾視事惟敵是求無奈力不從心才不副志以致職業日墮事多叢脞曠職之罪百喙安辭案察閩家山一案本年正月十二日始接部咨奉旨行臣等究擬速奏該臣當卽案行寧前道轉行寧糧理刑二廳會同欽遵究擬併將張大元等逐加綱責將許成功等差官解京去後時適中後火災蒙皇上頒發帑金賑卹災黎臣同監鎮道諸臣馳赴中後躬親散○令各均霑實惠臣等復捐俸薪少資涓滴拮据彌月始獲竣事旋以移調前鋒各營抽練官兵措給糧餉酌議安

插多方調劑備極苦心而臣積疴觸勞愈益增（○）三月初旬妄爾顛陳荷蒙聖恩允臣回部四月初四日興疾就道初六日已抵前屯緣奴賊屯住義州忽奉明綸以原銜暫管遼撫事驅車旋鎮奴酋張選將徵兵亟需熟手因不揣冒昧具疏入告願以身保祐等充爲事官蓋誠恐臨敵易將兵家所忌五月初八日奉旨行催究擬初六日祐等已先隨鎮臣吳三桂馳赴松山五月十八日竟爾血戰陣亡就中稽延之故實實迫於執掌不遑萬不敢有一毫欺飾伏乞皇上憐憫勞臣俯垂霽鑒恩弘雨露曲（賜）陽於原此則微臣曷任悚惕待命之至爲此具本謹題請旨崇禎十三年六月二十一日具題七月初三日奉聖旨刑賞乃朝廷飭勵鼓舞之大權緩則生玩周祐等旨到卽當擬承問官何得稽延許久這樞理二廳着察職名議處卿卹災慮敵執掌不遑不必引咎該部知道

兵部題行「兵科抄出宣大總督陳題」稿

往字一百四十五號有書冊稽查登訖堂號登訖寫主事送看訖限二十八日上宣府科書辦王世勳承

兵部題爲有功湮滅堪憐無辜受降甚枉懇乞代題昭雪以伸既往以勵將來事職方清吏司案呈崇禎十二年十一月十九日奉本部送兵科抄出該宣大總督陳題前事內開案察崇禎十二年十月初四日據標下總練楊國柱呈稱本年九月二十六日蒙本部院批據懷來督標寔降加銜守備管練兵二營事劉世爵呈稱切炤行間功罪惟明允方可以服人心而朝廷賞罰惟得當始足以昭公道其關係世道封疆良非淺鮮卑職原係遼官於崇禎九年十二月內蒙楊總兵帶隨來宣題管健右營事務當蒙兵部細察卑職寔授職銜覆以都司管叅將事至十一年七月內蒙劉部院題爲甄別原有往例等事蒙兵部覆陞遊擊欽遵在案至本年九月內東虜入犯卽隨楊總鎮星夜赴援論守則陵前懷柔密雲等城處處有保全之績論戰則順義李家橋東直門慶都等處在在有斬級之功十二月初五日蒙盧督師與楊總鎮議定遣職與叅將李有功同往順德救援此時滿地皆賊職等不顧身命三更時分直闖賊圍衝入順德城下初七日奴賊徑僕南關職等奮力相拒矢如雨發傷賊甚多虜方退却府縣鄉紳士庶莫不懼躍震天又恐賊兵復轉犒勞苦留住防十日按日給發糧料與夫塘報俱各有案存炤至于賈莊之失在十二月十一十二兩日卑職與李有功俱在順德至十三日聞信方始星馳回探總鎮消息多方招集潰兵奈因在陣叅將尹從聘張明禮等因潰回宣致蒙監按具疏入告誤以卑職亦在其中致有降充爲事之案嗣後楊總鎮一見此報當呈兵部楊代爲剖白批詞在案及蒙本部院調管懷來督標二營亦經題明註誤昭雪乃今部覆降職守備若云賈莊之役職在順德既非失事之人若曰爲事之官業經昭雪已在改正之列一身勞瘁隨處建功滿望懋功懋賞豈期反遭鐫降冤抑異嘗人皆喪

氣仰祈代爲題雪庶幾功罪明而人心服矣等情呈詳本部院蒙批仰原任楊總兵確察報蒙此案昭遊擊劉世爵之援勦也勞甚可矜功有足錄惟是賈莊之失兵部以爲俱係職之標將遂有槩稱爲事官之案殊不知賈莊之前已與李有功同闖順德而防護苦功彰彰在人耳目是以本職當呈本部蓋謂世爵不在賈莊而毛勳已差買馬業經剖明在案所以得免于提問之列故世爵惟望酬功不料罪及今見鐫降管事則不平之鳴有所自來矣伏乞本部院具題昭雪庶免有功將士短氣灰心其于激勵人心良匪淺鮮矣等因呈詳到部院該本部院詳批劉世爵卽與具題惟四營遠將張汝翔稟稱副總兵銜而部覆都司仰本官一并察確汝翔履歷詳報以便彙題行繳去後本年十月初十日據楊國柱呈察得張汝翔呈稱除先守備任內事理不開外崇禎五年六月內奉旨援登立解萊圍加陞卑職都司僉書嗣以卑職屢經血戰加陞遊擊加陞叅將俱有部劄可據至十一年七月十五日奉兵部劄付爲遵旨彙叙擒獲奴目叛姦等事加陞卑職署都指揮同知職銜俱欽遵在案今蒙確察備錄履歷等因呈報到部院該本部院駁批閱張汝翔四劄一都司一遊擊一叅將明白無疑惟第四劄署都指揮同知委否卽是副總兵之對銜仰本官再確察報今本月十三日據楊國柱呈稱蒙此案昭前蒙兵部楊題准新例以守備卽署指揮僉事都司卽署指揮同知遊擊卽署指揮使叅將卽署都指揮僉事副將卽署都指揮同知今察張汝翔係功陞署都指揮同知卽係副將職銜現有節次叙陞部劄可據似無僞也各等因呈報到臣該臣看得賞罰乃君父之大權無容錯貸崇卑乃臣子之秩級有可持循如宣鎮原任健兵營遊擊管叅將事劉世爵乃去冬奉前督臣之令與李有功同援順德者後以賈莊一案瀕行斥革已經臣咨達舊樞輔楊嗣昌明確第未題允復職耳今春該臣題補督標二營謬謂前悞旣雪故物宜還乃部覆徑降



守備官管事察本弁原無罪而援順且有功相應仍以遊擊職銜管督標二營事者也再如遼將功陞副總兵張汝翔以都司而加陞至署都指揮同知卽與副總兵對職亦該臣題補督標四營卽曰崇階宜惜而部劄可憑乃部覆僅以都司管事察本弁雖歷虛銜功陞亦係成例相應仍以副總兵銜管督標四營遊擊事者也臣叨領介冑非敢爲二弁市恩但應賞未賞而反以罰應崇未崇而汰以卑非惟灰壯士之心且以失朝廷之體宜二弁之嗷嗷不平而鳴也旣經總練楊國柱察確前來臣敢據實瀆奏伏乞勅部覆察改授施行等因崇禎十二年十一月十七日奉聖旨該部查覆欽此案炤先該宣大懷來督標練兵叅將李有功劉世爵等奏爲援勦罪案已定戰守功次宜明謹披瀝冒陳仰祈聖鑒勅部察核用命之勞公沛信賞之典以酬旣往以勵將來事內稱切念臣等麼末弁屢受朝廷豢養之恩苟利疆場死生以之何敢妄自表暴越分乞陳原所藉爲主帥者相與闡揚以成鼓勵今鎮臣楊國柱爲法受過旣徵寬典何敢再爲諸將言功今見各鎮紛紛叙錄而獨於宣鎮血戰之勞防援之苦無絲上達九關竟付烏有值茲堯舜之世抱此向隅之泣所以不得不哀鳴於聖明之前也自賈莊一節凡在營中者俱不得辭其責是以叅將張鳴禮尹從聘等業經提問惟臣二人奉令調援先有塘報後有辨呈俱存在部臣等之不在賈莊明矣况闖順德之時四面皆賊無路可行犬羊旣已圍遶死生判於須臾捨命而前幸至城下初七日賊攻南關甚惡互相戒約奮勇力戰矢如雨發傷賊最多方始退却自十二月初五以至初十數日以來不知歷多少艱勞始保無虞倘或少有所疎臣等安能保其首領從此望風南下又何知其底止哉幸樞臣秉持公道隨有從優陞叙之疏卽奉有量與叙陞之旨則此順德之役已在聖明洞鑒中矣其間隨征都守與夫中千等官若張世勳彭士英楊國勳楊捷殷成祿蔡向日沈成德李有陞劉永

官李天海劉道揚劉顯名等同圍順城同心禦賊俱屬萬死一生安能嘿嘿處此况宣鎮官兵自昌平以至太平路前後轉戰二十餘陣救援十數餘城各鎮之功莫能相向即如防護陵前駐於東山口者半閱月哨探於百里之外却敵於數里之間勞苦已極今叙防陵功次而宣鎮獨不與焉憐柔一戰千總景春榮死之太平一戰千總王興國與夫把總馬服御死之若李家橋東直門慶都大臣之斬級若懷柔順義密雲河間之保全則守備劉廷鳳朱有明周志成曹世榮陳永清王尙選賀瑀楊登舉陳三貴李騰蛟康有德楊英王之鑿等俱係奮勇當先衝鋒用命又安能嘿嘿處此是死者不得微乎卹典而生者不得叨於叙中行間將士寧不灰心說者不過以爲賈莊既潰百勞不能以償一失殊不知臣等之與都守等官或在順德或在定州或在懷柔既不在於事當卽入於叙內且罪與功原不相掩而賞與罰豈可偏廢也是以臣等不避斧鉞瀝血控陳伏乞皇上勅下兵部察核順德叙陞之案併核李家橋前後戰守之功少沾恩典庶功罪不混而賞罰昭明鼓勵人心良非淺鮮矣等因崇禎十二年十一月初二日奉聖旨該部知道欽此欽遵通抄到部送司相應一併具覆案呈到部看得鼓勵行間惟在信賞必罰賞不當固以啓僥倖之思而罰不平益以短英雄之氣其關邊政非鮮淺也劉世爵一案臣在宣時知之甚悉故代請亦甚詳其濶革爲事官者爲其與賈莊之潰也察世爵奉援順德在十一月初七日賈莊之敗在十二日則本弁不在奔北之列明甚况其力戰保城與李有功同功今有功且叙矣而罰都(獨)在爵何以服其心前臣部察覈甚確已經題明似應還其故物其張汝翔以遼左功歷加署都指揮同知與副總兵對職前部覆僅以都司管事應崇而處之以卑此不平之鳴所自來也察本弁雖歷虛銜功陞亦係成例前部臣卽創折級之例似無減功之條亦應准復原銜以酬其勞至李有功有順德密雲闖救之績前部

開臣楊稱其真正有勇賞叙當優已奉有酌量叙陞之旨相應量加署銜一級以信前旨亦鼓勵人心之一機隨征都守中千等官功級俱載別案應聽另行察叙者也緣奉有察覆之旨相應覆請恭候命下將劉世爵准復原官遊擊張汝翔准復原官署都指揮同知李有功量加署銜一級崇禎十三年六月二十六日郎中張若麒

兵部爲有功湮滅堪憐等事該本部題稱云云等因崇禎十三年六月二十九日本部尙書陳等具題七月初四日奉聖旨劉世爵張汝翔准復原官李有功量加署銜一級欽此欽遵抄出到部送司案呈到部擬合就行爲此一咨宣大總督宣府巡撫都察院轉行宣(大)巡按御史合咨前去煩煇本部覆奉明旨內事理欽遵施行一節付劉世爵張汝翔李有功(下缺)



兵部行「兵科抄出宣大總督張福臻題」稿 往字百五十號大同宣府科書辦奉

兵部爲恭述西巡之情形並陳修防之機宜事職方清吏司案呈奉本部送兵科抄出宣大總督張福臻題稱臣六月初四日西巡閱陽和邊卽閱雲邊晉邊凡邊牆邊臺之高低成虧城守四事之有無完欠皆細心察閱邊牆隨圮隨修自是華夷一重界限邊臺則臣有新行每臺添足軍十名少亦八名頗堪擊賊惜土臺非用砲之地臣所以臨臺而泣循牆而走耳邊城俱稱堅固圮亦見修臣每到看工多寡別賞厚薄以示鼓舞器械俱倍往昔但小堡砲尙不足大石臣到始措今已漸克教以使法矣此巡邊之大略也再炤樞臣保邦十策第四言宣邊之衝在獨石膳房雲邊之衝在得勝平虜臣並晉邊之衝總爲論列可乎獨石衝有數處犯非一口然山險層出通馬不通車也膳房平漫二十里牆臺俱車馬皆通其衝殆甚於獨石矣得勝與鎮川助馬等邊平漫八十餘里賊一拆牆便同平路故萬車可通出入皆便視膳房抑又甚矣平虜離邊四十里其衝在邊之大水口與迎恩堡之十四坪俱虜出入之衝第未若得勝之廣耳若晉之徧老則有五眼井水泉營雖亦出哨之衝然渠亦險阻可用扼防不若寧武之陽方川苦森窳鴈門之白草溝茹越口川大地廣可恣意出入也此三鎮衝次之大略也再以修防言之獨石修新舊二臺何濟秋毫膳房臣與該道江禹緒議就邊建堡一座守備居之而以路將居守備城以便堵援議已成而工料尙煩措也得勝叅將鍾鳴高修新甃臺六座舊甃臺四座可壯數里金湯且不請工犒止拆舊甃幾萬領舊欠餉兩月遂於月內可完此宜俟報完特叙者也平虜大水口修甃堡一座十四坪修甃臺一座可當兩口之衝皆守道朱家仕之力已經雲撫題叙此宜破格陞叙者也五眼井修甃堡一座尙無官軍議移腹裏之賈堡以實之水泉營則叅將居焉相其牆臺甃石包者十之三惜

其軍不住邊臺而別住內臺卽虜到墻下內臺軍何繇知之臣行文道協移內臺軍守邊臺以便哨擊惟是邊臺與墻  
均必增高二丈建房三間方便住軍禦侮此宜飭督撫刻日修蓋者也此尙嵐道信地也若寧武鴈平炤舊修補足矣  
臣無異議也再炤三鎮虜入不繇衝口多係拆墻宜邊石牆一拆可盡雲首土墻尙煩日時倘使輒臺相望臺兵狼擊  
賊豈能飛越哉可見無輒臺則石邊無用土邊輒邊亦無用臣派兵有緒臺工正興而竟爲錢糧所束困安得不爲之  
三太息哉謹因閱完上聞仰乞皇上伏鑒(附)臣言勅部察議將朱家仕炤撫臣題叙優陞鍾鳴高候叙到議陞賈傑官軍  
准移住五眼井再勅督撫用修邊錢糧將邊臺墻房速行增建若輒臺點金無術班價西江甚遠或容臣借動某項候  
班價抵補臣報國忠膽做事實心始有自效處矣可任激切殷懇之至等因崇禎十三年七月初二日奉聖旨覽奏西  
巡修防事宜委屬固圉急著朱家仕著優陞鍾鳴高候叙到另議其賈傑官軍勒令移住五眼井以便哨擊督撫卽用  
修邊錢糧增建邊臺墻房務刻期竣事至於輒臺經費不敷仍許該督不拘何項錢糧借用候班價抵補俱不得稽緩  
誤事該部飛飭欽此欽遵密抄到部送司案呈到部擬合就行爲此一咨吏部宣大總督宣府大同山西巡撫炤明  
旨內事理欽遵施行崇禎十三年七月初三日郎中張若麒

兵部行「督兵差官杜枝茂稟」稿 左府科

兵部爲軍務事職方清吏司案呈奉本部送據督兵差官杜枝茂稟稱卑職督六營官兵于本月初九日俱到山海關歇一日初十日副總兵戴懋武遊擊王加臣都司張光顯三營晚關出關十一日左總兵同中軍朱永福副總兵王家植楊邦澤早關過關今有楊邦澤王加臣張光顯三營步兵原不足一路招步兵補數卑職督兵過關沿途秋毫無犯等情到部送司奉批卽咨行薊督察之奉此炤得營兵自有定額無容虛冒况出關征勦卽素練之兵猶恐不敵今楊邦澤王加臣張光顯三營步兵不足沿途招募豈平日營伍盡皆烏有先生耶相應速行嚴察根究者也案呈到部擬合就行爲此一咨薊遼總督合咨貴部院煩炤咨文內事理希將楊邦澤等三營步兵俱不足額今承調遣一路招補情緣確察回部覆覈以便具題或差官虛捏并祈明示施行崇禎十三年七月十三日郎中張若麒





兵部行「遼東候選縣丞張偉抱呈」稿 左府科(粘簽)十二月二十六日查留三十三件

兵部爲優選奉有特旨伏懇准給咨文以憑卽選以彰皇仁事職方清吏司案呈奉本部送據遼東候選縣丞張偉抱呈稱竊惟不伐人臣盡瘁之誼懋功懋賞人主旌勞之義卑生居松三載遭奴四犯惟于昨年二月內狼攻四十餘日其中倡義鼓勵效死保全者生民之力居其大半惟太宗師明見萬里所悉知者已奉楊太宗師彙咨吏部優選時值叙功者紛紛眞贋難分查卑生案內未開詳細未知有無斬級功績待查明另叙以致謝太宗師着隨大考僅授縣丞之銜伏思乘田委吏亦屬王臣敢不順受但優選出自聖恩原爲激勸有功不考而徑從優選者固以爲優既考而另與卽選亦可以示優也今不能居于歲貢之上而反列于歲貢之外不得與同咨吏典均沾卽選之典是選且未能安望優乎卑生痛思守松不得爲功亦倖免無罪何並其故而失之繯以卑生一場血功竟成不白之疑案矣伏乞太宗師垂念九死一生之苦准查松山前案仍賜咨文則吏部知非尋常之功雖上不得如門應詔優選之隆恩亦不得與郭應鵬卽選之同仁也庶仰副皇仁而倡後效矣等因到部送司奉批察松山一案作何叙覆奉此察得歲貢張偉抱松山城守有功部覆應吏部優選節奉聖旨張偉抱優選欽此隨經咨行吏部遵劄在案今據偉抱呈稱已經本部題叙未蒙吏部優選仍炤歲貢考授職級又復株守銓衡是于酬叙之典不能實被而再請咨明功次便于卽選切按松山全城挫虜爲第一守功在城協守者均有勞績奉旨特爲優叙偉抱以儒流而奮同仇已奉有優選之旨而銓部竟未分別優異此偉抱所以有向隅之嘆也相應移咨吏部察原題功案俾本生早獲銓除是亦鼓勵士風之一端也等因呈堂奉批再移咨吏部行奉此相應移咨案呈到部擬合就行爲此一咨吏部合咨貴部煩炤咨文內事理

希將貢生張偉抱察炤原題功案卽與優選施行崇禎十三年七月十五日郎中張若麒

兵部請旨優卹吳阿衡盧象昇等情殘稿

九

(上缺)盧象昇一死於牆路一死於賈莊議者謂其喪師辱國死不足贖然二臣死同而本末各異臣部提衡功罪敢不虛公分別擬議以請聖裁察牆路未入口之先前任閣部臣于八月內一見姐口口參貂嘗試旋送還哨丁旋驚擾中協卽料其有東奴窩隱待時竊發請旨嚴詰督監吳阿衡鄧希詔等直斥之以大夢不醒責令回話而阿衡奏言原無東奴大舉【接聯於其後希詔亦言此邊並無東夷乃希詔之奏于九月二十日奉旨阿衡之奏于】乃九月二十一日奉旨而牆路進口卽在二十二日該督分信原駐牆子及賊繇小水門入大水門正關燒燬大隊【奴】入以至營城石匣陽山望風潰敗而牆路城遂攻破矣【阿衡】該督貽誤封疆死何足惜獨其身中九刀心腸迸出其死甚慘【雖貽誤封疆阿衡死有餘罪而激烈殉難其】其志可嘉視偷生苟免者不啻霄壤似應量卹以慰幽魂察盧象昇以守制而奉旨督兵【堵剿】慷慨身任先奴在李家橋一帶力主合戰以議論不齊而止後大賊南下見城池相繼陷沒自知罪無可逃而捨命權鋒致有賈莊之敗臣督宣時以隨征多半督標之官知之最確察臣於十一年十二月二十九日題爲恭報微臣入紫日期等事內云本月初十日師次賈莊楊國柱方在順德調口口口威方在鉅鹿調回劉欽先已分發哨剿惟李重鎮緊隨督師是夜已沐浴請死至十一日報與奴營逼近督師躍馬前驅有稟以後行者卽手刃其臂自嘆受朝廷厚恩不死何待各將見督師在前敢不奮力死戰當陣亦有斬口且生擒活夷一名殺戮亦頗相當本夜仍回賈莊有稟以移營者督師云此正死所再移何處次十二日奴四面急攻內外撲斫一處各鎮將矢盡而奔而督臣身受數刀數矢死矣此臣口疏所謂督臣一腔忠憤亦知衆寡不敵惟期一死以報朝廷果非虛也責以喪師難追功令而慷慨

殉國可與日月爭光等因委無一字虛飾臣今叨列中樞核實上請似應從優贈卹以勵忠【節】肝是在聖明獨斷施行臣  
 附有請者目今北直山東所造送死難冊議卹者不止一案而請卹者不止一人察崇禎口年十一月刑部覆詳察鄖  
 屬被寇情形□事節奉聖旨文武失事既當正法殉難似應議卹然所以殉處亦應分別如平日盡心修練儲備賊來  
 持久力竭允宜優卹示勸如平日漫不經心賊來隨即陷沒雖有一身之死難贖合城之慘這周文佐華太應否與卹  
 該部科確議奏奪以後凡有殉難議卹各官俱遵照此旨行欽此臣請詳議著令仰候聖裁大凡城守之事固賴城守  
 官爲之主持尤賴鄉紳爲之鼓舞每見虜寇有警有鄉紳首倡士民同心協力而積衆成城者亦有鄉紳先去倡逃各  
 財自封反科派窮民供給軍丁以致人心洶洶思亂而賊到卽陷者此守土之責實亦本地鄉紳之責今後凡大賊攻  
 城果五日以至十日力盡勢窮而後破者守土與鄉紳官仍應察死難情形分別優□□□風瓦解或一日以至五日  
 卽陷者（約缺十一字）至若烈女節婦原與男子不同宜特爲□□□勵風化又不當分失城之久近爲叙卹也統祈  
 命下將李禎宁准復原官仍建祠歲祀喬答嬰贈太常寺少卿廕一子入監讀書馮登賢贈五品京銜高氏贈淑人張  
 氏贈安人與魏氏俱□□□□吳阿衡盧象昇（本行下原缺十餘字）聖裁崇禎十三年七月十七日郎中張若麒

兵部題行「兵科抄出大同巡撫劉夢桂題」稿

往字二百七號稽覈登訖十三年六月送着訖限初八日上八月二十日註銷訖  
大同科□□趙文錄承（粘簽）全九十八件不全二件

兵部題爲欽奉勅諭事職方清吏司案呈崇禎十三年七月二十一日奉本部送兵科抄出大同巡撫劉夢桂題稱案  
崇禎十三年三月初三日准兵部咨前事內開本部於會極門接出勅諭兵部國家安邊固圉惟是未雨綢繆乃  
有備無患茲連日風霾示警尤宜加意愆防恐有奴□驚伏邊外深蓄狡謀今特徧申嚴諭各該督□撫鎮向來抽募  
兵馬及應用器械等項果否精強足用墩臺烽燧遠近哨探及設防等項果否堅固嚴明况春防正亟俱著上緊料理  
晝夜戒備整飭不許刻緩隙疎併將邊腹府州縣道經管修理過城垣守具壕塹柵欄盔甲器械鉛藥及儲蓄糧料本  
折兵馬訓練強弱等事宜某項完足某項未完足者作何整理俱要逐件分晰據實開明著一月一回奏以  
憑勸懲設若奴息鳴張必要嚴防固守務剪奴氛如有玩泄從事塗飾虛文仍前少示疎失者有昨行五案大法在朕  
何敢私果能平昔飭備勤練兵馬設法製器撫愛將卒出奇制勝如前頒諭旨款內斬四酋擒僞王及大小頭目哨總  
紅旗真正東夷者侯爵世襲陞賞有差爾文武總分務要同心協力實圖戰守而同保封疆大張撻伐雪恥除兇而建  
勳立業佇膺上賞朝廷必不爾靳著速馬上差官嚴行申飭卿部職掌中樞乃各邊腹之提衡時值多艱正卿大展新  
猷之日一切整頓勦禦機宜應不時預籌調度朕期內外和衷而共圖安攘之績特諭欽此欽遵合咨前去煩將修練  
諸備事宜某項完足某項未完足其未完足者作何整理逐件分晰據實開明一月一回奏萬勿玩泄從事致干國典  
准此又准總督軍門咨前事隨行各道嚴督府州縣及將備等官上緊整頓料理仍即據實開明一月一回奏去後  
本年七月初三日准兵部咨該本部題覆雲督二撫臣回奏四月分四事緣繇前事六月二十四日奉聖旨朝廷以四

事課邊臣殿最責望甚殷雲晉何地今日何時該撫不能飭法率屬回奏冊報虛應故事溺職殊甚姑且不究以後著用心察核分別懲勸再違一併重處欽此欽遵備咨到臣臣捧誦嚴諭不勝神悸股慄竊惟修練儲備我皇上注意封疆責諭臣工至嚴至切臣奉旨之始卽檄道將城堡上緊備辦隨又介馬察覈事無鉅細必躬必親其飭備之完缺各官之勤惰臣已分別具奏經部議覆矣數月以來臣無日不以四事爲慮無刻不以飭備憂心其原報四事未完者已嚴責之速竣矣第奏報未久其未完者多因厝處錢糧難以猝辦未便議罰并前奏過紀叙者不敢再贅是以賞罰之等第不敢復列以瀆宸嚴原非曲庇下吏自干罪戾也茲奉明旨益深踴躍除五月分四事近該臣等造冊會奏外今六月已終覆經嚴檄行據守巡冀北陽和大道右叅政聶明楷副使帶降俸一級降職二級洪胤衡右叅議加服俸一級降二級朱家仕右叅議降二級樊師孔各呈稱遵將本年六月分修舉過修練儲備事宜炤款察明分別等第優劣造冊具呈到臣臣按籍而稽以別勸懲除前已報過續無增製者中等免議外文職如朔州知州許汝都武職如朔州城守備宋體元大水口堡守備鄭一元左衛城守備李正馥掌印指揮郭光胤破胡堡守備寇承恩殺胡堡守備高鸞牛心堡操守蔣三奇拒門堡守備鄭維華滅虜堡守備劉懋德保安堡守備高承宗雲西堡操守郝獻忠威遠城守備趙承憲威胡堡守備李附鳳以上一十四員增製旣多完報更早均屬上等相應紀錄以勸將來者也其下等如三屯堡操守黃錠練款多疎闕茸不振合應斥革以儆泄玩鎮城前後二衛掌印指揮張蓋陳仲武各營中軍吳元濬戴國璽彭永年劉恩余承胤雷鳴春張大略郭應龍史流芳濬壕復淤羊馬牆數處披塌除臣網打外雖旋報竣張蓋陳仲武仍應降級戴罪吳元濬等俱係營官無職可降姑從記過并坪城守備尹進賢臣前以本官修補踏城堅固薦

叙今修臺稍緩功過自不相掩雲陽堡操守馬從貴遲慢城頂雖屬前官遺累本官爲法受過責亦難諉黃土堡操守劉永昌修慢城頂遲于辦料以上三員姑令戴罪督修勅限完報拒墻堡守備閔三奇王家庄堡操守張繼芳董工怠緩渾源城守備孫龍廣靈城操守陳昇訓練無方均應量罰以示鞭策者也抑臣更有說焉前巡察四事時臣分察者雲西也監臣陳貴分察者雲東也四事中有月月要修如城墻之鼓裂壕水之淤塞邊墩之坍塌何能以一報卽完蓋以三雲俱斥鹵之地盡皆沙漠土性原不堅實卽如鎮城之壕挑濬完矣羊馬墻如式築矣昨六月大雨滂沱西門之壕忽有填塞東門等處羊馬墻間有披塌然臣卽拘經管之官張蓋等各行細打嚴令道臣樊師孔躬督濬築今挑築又完矣此後秋雨時至保無復淤復披乎在臣固隨挑隨披隨補而月報中不敢不拈出以明無欺也至于陽和一道原係監臣分察地方又係督臣駐節之地彼自不敢不完亦自不敢有欺但該道洪胤衡近以病臥月餘各城堡四事之報臣不敢信其皆真容臣稍俟月餘仍躬歷察驗蓋督臣以秋防遠赴懷來道臣又以病廢察覈而臣何敢坐守鎮城不一身親勘驗乎倘蒙聖允臣另具疏以請謹因奏報而併及之除造冊咨送兵部察考外該臣會同宣大總督張福臻宣大巡按蔡鵬霄合疏具題伏乞勅下兵部察覈施行等因崇禎十三年七月二十日奉聖旨該部覈議具奏其陽和地方各城堡該道既病不及察卽著該撫親歷勘驗據實具奏該部知道欽此又該宣大巡按蔡鵬霄題同前事等因崇禎十三年七月二十二日奉聖旨該部核議具奏欽此欽遵通抄到部送司案呈到部除咨行該撫親察陽和道屬各城堡外看得修練儲備爲固圉首圖屢奉嚴給責成則地方官固有奉行惟謹者亦有泄泄從事者苟不察其勤惰而黜陟隨之恐終于保民無補也茲雲撫據守巡冀北等四道所報六月分四事疏冊內開除前已報過續

無增製中等免議外上等如文職許汝都武職宋體元鄭一元李正馥郭光胤寇承恩高鸞蔣三奇鄭維華劉懋德高承宗郝獻忠趙承憲李附鳳十四員增製多而完報蚤相應各與紀錄下等武職如黃錠張蓋陳仲武吳元濬戴國璽彭永年劉恩余承胤雷鳴春張大略郭應龍史流芳等十二員練款多疎濬築罔效均應分別斥降以警惰窳內察黃錠係筭委操守應即斥逐張蓋陳仲武係掌印衛官應就本身降職二級吳元濬等九員俱係營官無職可降姑如議記過倘復玩惰細責斥逐又如尹進賢修臺稍緩功不掩過馬從貴劉永昌修塹城頂遲于辦料俱難諉咎尹進賢等三員應各降二級戴罪督修再如閻三奇張繼芳董工怠緩孫龍陳昇訓練無方雖原疏擬罰但四事居註下等內閻三奇孫龍係部推守備應各降二級刻期報完張繼芳陳昇係筭委操守應各斥逐另委至于陽和方城堡道臣既病不及察則該撫已奉有親歷勘驗據實具奏之旨臣部頃已飛檄咨行應聽察奏另議者也既經具題前來相應覆請恭候命下將許汝都行吏部紀錄宋體元鄭一元李正馥郭光胤寇承恩高鸞蔣三奇鄭維華劉懋德高承宗郝獻忠趙承憲李附鳳等十三員臣部紀錄黃錠張繼芳陳昇各斥逐另委張蓋陳仲武降本身職二級吳元濬戴國璽彭永年劉恩余承胤雷鳴春張大略郭應龍史流芳九員如議記過倘復玩惰細責斥逐尹進賢馬從貴劉永昌應降二級戴罪督修閻三奇孫龍各降二級崇禎十三年八月初五日郎中張若麒

兵部爲欽奉勅諭事該本部題云云等因崇禎十三年八月初九日本部尙書加俸二級陳等具題十二日奉聖旨是許汝都行吏部紀錄宋體元等十三員兵部紀錄黃錠等三員各斥逐另委張蓋等二員降本身職二級吳元濬等九員俱記過如□□網責斥逐尹進賢等三員各降二級戴□□□三奇孫龍各降二級欽此欽遵抄出到□□□呈到部擬合就行爲此一咨吏部宣大總督大同巡撫都察院轉行宣大巡按御（下缺）



兵科抄出遼東巡撫丘民仰題本

崇禎十三年八月二十一日到何奏兵部呈于兵科抄出

欽差巡撫遼東寧錦等處地方贊理軍務兼管備倭都察院右僉都御史仍帶降三級戴罪臣丘民仰謹題爲鎮標亟缺旗鼓請乞酌題以便傳宣事崇禎十三年七月二十五日准團練鎮臣吳三桂手本稱竊焯旗鼓一官傳達軍機平時且難缺員况狡虜深窺日勤殲剿非得智勇兼資何□克稱驅使今標下旗鼓郭天胤已經升任遺缺亟宜遴選察得標下付旗鼓陳一經久隨本鎮□□素稱敏練且臨敵勇往任事精詳堪任傳宣之寄爲此謹請察焯希將陳一經俯賜覆覈速請□補等因到臣准此該臣看得團練爲寧西重鎮專司剿禦戎務殷繁宜揚□□而傳達機宜□□鼓是賴矧奴氛孔熾該鎮日事戰鬪其佐理傳宣責任尤爲綦重必得才猷敏練智識靈通者乃能勝任旗鼓郭天胤已經升補營將懸缺勢難乏員察得付旗鼓陳一經技精勇敢才敏謀優征援屢著戰功胆識久經磨練該鎮力爲請補必軍前試有明效欲資其一臂也且現在行間任事尤爲便捷合無請乞聖裁將陳一經以守備管團練鎮標旗鼓事庶駕輕就熟而重鎮傳宣克收得□之效矣既准該鎮移會前來臣謹會同薊遼總督臣洪承疇合詞具題伏乞皇上勅下該部覆覈題補施行崇禎十三年八月十二日題本月二十日奉聖旨兵部知道



兵部行「分巡冀北兵備道樊師孔揭帖」稿 往字二百四號大同科書辦趙文錚楊蕃承

兵部爲衝邊無險可恃出塞謬佐一籌請題設將加兵以固危疆以重親藩事職方清吏司案呈奉本部送據分巡冀北兵備道樊師孔揭帖前事內稱竊焯大同藩鎮之最衝者惟得勝一路而得勝之首衝者惟鎮川一堡蓋其川原遼闊內外坦平雖有土墻以界華夷跛羊可登如魏家灣鎮山店先年虜數入犯全無阻遏賊戰守兩難之地也職奉檄駐防此中目擊心憂不遑寧處隨犒防兵設大砲築四水口接二磚臺凡可爲守禦之計者捐俸竭蹶不遺餘力似防備之着亦稍稍有而未敢卽安也復慮塞外之緩急與地利之險隘非躬詣閱歷難以遙度突于七月二十八日統領親丁健卒二百騎戎衣介馬冒危出塞過小青山繇魚溝掌直抵大速拜從寅至酉馳行百五十里見其寬漫平陽延袤無際東通野馬川爲東奴往來之坦途西通豐州灘爲西虜出入之捷徑且野草蒙茸更足資芻牧可屯百萬餘騎所以戊辰甲戌兩犯雲中蹂躪數千里皆繇此而入鄉之所謂無險可恃者信非誑也隨于酉刻從鎮羌堡境門進口而越明日早則則（則字疑重複）小速拜撲趕哨丁之報至矣撲趕之地卽職昨日親歷之地子是撫院總鎮俱集得勝看參將鍾鳴高新築之邊臺正共綱繆邊備旋蒙撫院單騎至鎮川上墻肆望而扼腕謂各官曰此處須一總兵提三萬精兵庶幾可以堵禦是撫院始爲鎮川慮則委職守秋防今又爲衝險慮似意不專恃道守秋而急當加重兵矣竊念職此一行也雖冒險深入然夷地情形已了了目中故敢爲之謬佐一策一曰厚積兵力以防突逞本堡應設參將一員加兵一千五百合堡軍共二千名而糧料馬匹炤得勝例將與得勝路將互壯聲援一曰多建磚臺以備衝打參將鍾鳴高已剏修十臺于得勝鎮堯間此堡亦宜亟建五臺以爭相犄犄一曰遠遣哨丁以廣耳目夫此路何嘗無

咱丁然糧薄而月欠懼險而儉安何如加之厚給之時我不愛錢糧彼肯愛性命耶此耳目自是嚴明任有突違而制勝在我矣更請于得勝一路之援兵堡軍糧料俱炤鎮城一概給發則可以養軍力而收人心可以固外藩而安內守不然咫尺藩城胡馬呼吸與其殲虜于堂奧終不若禦敵于門庭之爲勝算也職謬無知諛然亦就駐防言設防就出塞防塞外非敢爲出位之舉也統祈題請見諸施行等因○部蒙批咨督撫察議奉批到司案呈到部擬合就行爲此

一咨宣大提督合咨貴部院煩炤來文內事理希卽察議施行崇禎十三年八月十五日郎中張若麒

大同巡撫

兵部題行「兵科抄出宜府巡撫劉永祚題」稿 往字乙百八十五號有冊稽宜登訖限十七日上覆訖宜府科書辦王世勳承

兵部題爲欽奉勅諭事職方清吏司案呈崇禎十三年八月初四日奉本部送兵科抄出宜府巡撫劉永祚題前事內稱謹州修練儲備事宜奉旨一月一回奏所有本年五月分四事已經回奏訖今據守巡口北懷隆兵備道江禹緒李鑑劉士名呈報六月分行過四事文冊到臣該臣覆加察覈其冊註上等者文職如上西路同知呂燾下西路通判王之震上北路同知丘懋素下北路通判朱壽鑿中路通判王業弘東路通判金大惠保安州知州李振挺延慶州知州范德顯是也武職如中協副將張巍西協管副總兵事甘良臣右衛路參將萬汝芝柴溝路參將張世耀獨石路參將康鎮邦龍門所路參將張源萬峪路參將姜瑄懷來路參將劉嗣美柳溝路參將毛勳巡道中軍遊擊饒胤萬全右衛守備李鼎張家口守備賈梧懷安守備楊道亨柴溝守備甄奇英西陽河守備謝來宜獨石守備趙廷對雲州守備梁光遠馬營守備姚永禎鎮安守備胡獻章鎮寧守備張操龍門所守備馬天震赤城守備楊可成懷來守備邵承胤舊保安守備汪化龍寧遠站操守張國政松樹防守田肇隆君子防守郭邦輔青邊操守王九成羊房操守信汝傑大白陽操守劉九疇是也冊註下等者武職如靖胡守備高賓樣田防守王進朝是也察高賓於本年七月初九日城上裝放火炮打死楊玉郭鬍子二人夫當此敵目在邊而該堡僅隔一牆失火傷人平時之訓練安在所當量加議處以儆將來者也其樣田防守王進朝臣等據該道呈詳已經行革換矣夫四事一月一奏各官已自悚然縱有整備微勞亦屬臣工本等何敢妄覲應聽兵部覆覈至巡道臣李鑑以前任青山出口一案實降二級餓兵一案帶降三級去冬以守薊遵之功兵部題復一級該道拮据衝邊事事整飭似應滿洗以重彈壓察薊州道崔源之子四事有復級之例似

可援也聖明鼓勵邊臣應請勅部酌奪非臣等所敢擅議臣既兩疏求斥正在候旨處分但據各道冊報又不敢再爲稽遲所以遵一月一奏之明旨也除四事文冊移送兵部察覈外臣謹會同督臣張福臻按臣蔡鵬霄合詞具題伏乞皇上勅部覆議施行等因崇禎十三年八月初一日奉聖旨該部覈議具覆欽此欽遵抄出到部送司案呈到部看得保民四事奉有一月一奏之旨使文武諸臣咸惕于功令前功不墜而後績可紀斯無負皇上綢繆至計今據該撫題報六月分察其居上等者文職呂燁等八員武職張巍等二十六員節經紀錄相應免叙其中未經獎勵者則有武職甄奇英等四員應一體紀錄其下等高寰該撫僅以量加議處蓋因其裝放火藥失誤傷人也但既乏訓練于平時又安能應變於倉卒臣久知其闕茸不堪所當與王進朝竟行斥革可也巡道臣李鑑該撫以其整飭嚴疆援例請復原降職級以重彈壓似應量復一級鼓勵邊臣或亦聖明所不靳也既經具題前來相應覆請恭候命下將甄奇英馬天震郭邦輔信汝傑等四員各紀錄高寰王進朝斥革李鑑量復原降一級崇禎十三年八月十六日郎中張若麒兵部爲欽奉勅諭事該本部題稱云云等因崇禎十三年八月二十二日本部尙書陳等具題二十七日奉聖旨甄奇英等四員准紀錄高寰王進朝着斥革李鑑量復一級欽此欽遵抄出到部送司案呈到部擬合就行爲此一咨宜府巡撫都察院轉行宜大巡按吏部合咨前去煩焯本部覆奉明旨內事理欽遵施行（下缺）

兵部題行「兵科抄出宣府巡撫劉永祚題」稿

往字乙百七十七號權宜登訖堂號登訖限十三日上有書冊行訖選張員外送看訖宣府科書辦王世勳承

兵部題爲遵旨速奏事職方清吏司案呈崇禎十三年四月二十日奉本部送兵科抄出宣府巡撫劉永祚題前事內稱崇禎十三年四月初八日准兵部咨該本部具奏戰守防護設險清野六款奉聖旨這本內預籌事宜着各該督撫鎮道遵炤各款作速料理務期先事有備以遏狡窺仍逐款簡切回奏如有玩泄從事的卿部卽指叅重治不得瞻徇欽此欽遵備咨到臣該臣看得凡事豫則立而況於兵乎詩之所以防未雨也我皇上文武聖神遠軼千古先頒之以四事再飭之以六籌制虜安邊固已算無遺策矣微臣身在危疆豈敢泄泄從事止就宜論宜以戰言之則宣府總兵隨賊進剿柳溝總兵力保陵園如奴犯獨石則中協副將提兵于龍門青泉一帶南山左翼提兵于四海永寧一帶西協副將提兵于膳房一帶如奴犯膳房則當以兩翼之兵量留一枝控獨石一帶以防聲擊之狡倘奴一闖入則兩鎮臣前後夾攻勿使近陵一步方爲得策此戰之大略也以守言之則宣府總兵守外邊柳溝總兵守內邊前此數實邊備臣曾認信防陵今南山旣已設鎮則鎮城空闊可虞臣當炤樞臣所議仍守鎮城而兼飭各路之守至協路將領各守本信此守之大略也以防言之則宣府總兵見防中路左翼見防西路右翼見防北路柳溝總兵駐防南山左翼駐防四海劉斌堡一帶右翼駐防榆林大山口一帶而微臣則往來飭防于東西內外之間遇警另酌緩急此防之大略也以援言之則內邊有警宣府總兵星馳合剿外邊有警柳溝總兵不得輕移所以重陵園也至各鎮調援聽督臣籌畫此援之大略也以設險言之則自龍門所而靖胡黑峪自赤城而鷓鴣長安嶺自許楊二衝而大小白陽東出鷓鴣皆可通陵後之徑也當令中協之兵扼龍門所而永寧之兵扼黑峪口南山右翼之兵量分以扼鷓鴣此設險之大略

也以清野言之則宜鎮鄉村原少邊俗蚤種蚤收卽有小堡皆臨期歸併定使野無所掠此清野之大略也至戰守行營器具埋伏收斂事宜一則遵修練儲備之旨再則遵連刑節制之條日夕圖之未敢稍懈所慮者一旦有警則二連繼續不得不望計部措發以俾邊臣及時蚤備此又六籌之最先者耳謹遵簡切回奏之明旨未敢瑣陳止因逐款登答字稍溢格仰祈聖明垂矧施行等因崇禎十三年四月十七日奉聖旨兵部知道欽此又該宣府總兵官羅傑傑題同前事等因崇禎十三年四月二十日奉聖旨兵部知道欽此欽遵通抄到部送司案呈到部看得戰守防援設險清野六事必真未雨綢繆之周而後奏臨機戡定之績此有備無患從來禦邊之石畫也據宣府撫臣劉永祚鎮臣羅傑傑遵旨回奏六款形勢如在目前制勝確有成畫布置周密似可少舒皇上西顧之憂然聞之書曰非知之艱行之維艱必戰則使之隻輪不返守則可以匹馬不入防則纖隙必塗援則呼吸必貫設險則可以扼其吭清野則可以堅吾壁今日不爲紙上之空談而臨時始有堵禦之實用至於變化調度尤在審勢相機神而明之存乎其人非臣部所能一一預擬者臣部惟有賞罰以懸其後耳既經回奏前來相應覆請恭候命下臣部轉行遵奉施行崇禎十三年八月十二日郎中張若麒

兵部爲遵旨速奏事該本部題稱云云等因崇禎十三年八月十三日具題十六日奉聖旨宣邊夷踪叵測六籌倍宜申嚴卿部還責成該撫鎮彈力綱繆以圖制勝毋僅托諸空言欽此欽遵抄出到部送司案呈到部擬合就行爲此一咨宜大總督宜府巡撫合咨前去煩煇本部覆奉明旨內事理彈力綱繆寔圖制勝仍飭將領等官一體欽遵施行一節付宣府柳溝各總兵合節該鎮遵煇本部覆奉明旨內事理彈力綱繆實圖制勝并飭將領等官一體欽遵施行崇禎十三年八月十八日郎中張若麒



工科外抄鎮守山東總兵楊御蕃題本

崇禎十三年九月十五日抄送奉旨五日註銷限本月十七日完繳崇禎十三年九月十五日劉陸明兵部呈于兵科抄出工科外抄

欽差鎮守山東等處地方總兵官左軍都督府右都督降二級臣楊御蕃謹題爲微臣不敢任建臺之能守衆論狗暫安無事之可憂特陳不可仰聽聖裁事崇禎十三年閏正月二十八日該臣具題臨城萬難兩繕一疏奉聖旨臨城重地這修繕事宜該部卽行確議具奏其專固舊城收斂新城是否確議著該督監撫按會同詳確速奏是皇上亦以臨城爲重地而軫念矣繼經工部題覆奉聖旨是這臨鎮二城作何修繕工費作何設處還著該監撫鎮按作速遵旨會同從長詳確具奏欽此欽遵是皇上亦許臣附諸臣之後得與議矣但臨旣開鎮而爲鎮城則爲齊魯之根本其與臣利害切己誠有更相爲命者臣朝暮依息於斯而審度時勢綢繆固禦固已不遺餘力矣所以前疏上請卽謬持守舊之議兩奉明旨自春徂秋有司往復會議不定良繇臨之人情狃於今日之無事得一日且捱一日全未計其有事危急也在有司拙於時力難破羣迷修新則力苦不逮守舊則牽顧於新兩無適從只得苟從建臺之說說爲新舊並守之圖嗟乎事未身經談何容易殊不知召臨烈禍實基於建臺二字矣卽如津通保定皆修堅城然復言守今臨以二十里兩可淋傾踵可蹴塌之土壤欲環建二十臺遂謂賊不敢近城必可守何其掩耳自欺耶夫臺原輔堅城而爲利者豈有精神貫之臺瑕脆聽之城虜至將何恃而無虞雖墨翟復起而不能守是舉皇上之封疆皇上之兆庶恬爲孤注而付之一擲臣有萬死而莫敢任其能守也臣昔待罪鳳陽比時賊氛飄忽市風居民四十里許遇警輒斂於皇城之內率以爲甯民咸爲便監臣王裕民淮督朱大典俱親經其事方保數十萬生靈若非收斂之明驗乎大抵臨之斂新守舊爲上策不然則立修新城再或循河另築費雖浩繁猶不失爲中策若夫建臺滋害之議所亟當峻絕者

也八月初二日撫臣王國寶以遵旨會同一疏會彙到臣臣比難苟應未敢畫題隨備公移極言建臺之不可冀其更議及接撫臣回書云前疏已發勢不能追蓋舊例一面拜疏一面會彙途阻遠宜乎不及然臣實未嘗畫題未曾與建臺之議也謹特補牘剖明統乞聖明裁奪施行至臣與撫臣移文利害縷晰備擬周詳不無冗長并錄出投之內閣通政司候旨進止儻微聖覽即可了然矣臣曷勝激切懇禱待命之至崇禎十三年八月二十二日題九月初十日奉聖旨臨清新城難守如不能修惟有歸併守舊一著築臺無益况新城商賈叢集當共圖捐助爲一勞永逸之計該鎮駐扎同城所見必真原旨著撫鎮按會同何得不候畫題該撫殊欠詳慎還著另議妥確具奏該部知道

兵部題行「兵科抄出倒馬關叅將劉有實奏」稿

調字二百四號稽查訖送看訖限二十二日上關津科書辦單思仁承（粘簽）二月十二日查此一摺二十三件留三件職全二十件不全三件

兵部題爲邊臣奉旨責備甚嚴下情不得不據實直告伏乞聖鑒亟爲籌畫無誤封疆事職方清吏司案呈崇禎十三年八月初四日奉本部送兵科抄出倒馬關叅將劉有實奏前事內稱臣有實一介武夫從戎數載片念血誠俱從封疆起見近接邸報竊見皇上睿慮周詳內責練戰外嚴脩守此誠戰守兼資之良策臣職在營則言戰職在關則言守敢以關守爲皇上陳之臣自四月內除授倒馬拮据綢繆罔逸朝夕屢奉部文及督撫按鎮臣嚴諭設備所屬隘口延袤五百餘里大小三十餘處臣匹馬裹糧無險不登相機設備乃見軍士瘦弱枯槁細詰諸軍俱訴戰兵月食二兩二錢馬食一兩八錢按月給領如我各軍大月八錢小月四錢舊有屯地幫貼故不厭糧薄今歲久產變止存赤身又當凶荒難度若非祖役安肯苦守臣不得已少寬督責而防禦終難疎誤頃邊警頻聞防禦喫緊其槍砲器械本足禦侮奈軍多饑弱有器械與無器械同卽如己巳丙子戊寅奴騎三犯內地皆緣邊備不戒流毒百姓臣今身任巖關始知邊將相沿以圖僥倖臣切齒嘔心必不肯依樣因循以誤封疆大事輾轉思維務使匹馬不入計惟嚴察屯軍有藉清勾強壯戶絕者募補健兒就此各軍見糧雖不敢望與戰兵同餉或將練兵三分減一移此厚糈酌加邊軍則內有戰兵外有勁戍可使一人守險萬夫莫當所以哀哀告於君父之前正以戰勝於內不若戰勝於邊倘關門不固雖戰隊如雲膚功可奏而邊將失誤之罪卽五案之法立行無補毫末矣伏乞皇上勅下重臣從長酌議及時加餉整練邊卒內外萬全若使邊將仍前泄泄縱我君父百計焦勞大臣千方籌畫終於封疆無補臣實心做實事不敢隱狗謹據實上陳願望皇上鑒裁舉行庶戰守兼資安攘立建我皇上安享太平無事之福矣巖關幸甚天下幸甚等因崇禎十三

年八月初三日奉聖旨該部看議具奏欽此欽遵抄出到部送司案呈到部看得

倒馬一關內驢真保外接宣雲誠爲餉補重地該將劉有實所奏謂一人守險萬夫莫當信爲要著惟請分練兵之餉以厚屯軍察屯軍與練兵戰守有勞逸之分故月食有厚薄之殊

雖兵食月餉二兩二錢軍食月餉八錢似乎迥異然而屯軍舊有屯地間有幫貼即糧薄【亦】差足自贍【豈真使

之枵腹以守也】若欲減練兵之食以益之無論其無以處兵即益之而沿邊屯軍不下數十萬倘皆援例以求又終

何以益之乎爲今之計推有力清屯產舊地以資【月糧之】其不足復嚴禁債帥侵漁以【全軍食之正額】鮑其原

糧又何至軍饑待哺認認然爲減彼益此之計耶至其清勾強壯募補健兒【斯誠嚴察屯軍之要着】尤爲邊防【之】

急務均應行該督撫嚴飭舉行者也恭候命下臣部轉行遵奉施行崇禎十三年八月廿日郎中張若麒

兵部爲邊臣奉旨責備甚嚴等事該本部題云云等因崇禎十三年八月二十七日奉聖旨是這屯軍與練兵各有一

定餉額不得援例求增其清屯產禁侵漁及清勾募補俱着該督撫嚴飭舉行具奏欽此欽遵抄出到部送司案呈到

部擬合就行爲此一咨保督撫合咨貴部院煩焯本部覆奉明旨內事理即將清屯產禁侵漁及清勾募補等事宜嚴加

申飭着實舉行具奏施行一節倒馬關恭將劉有實合符本官遵焯本部覆奉明旨內事理欽遵察焯施行崇禎十三

年九月初二日郎中張若麒

兵部題「兵科抄出宣府巡撫劉永祚題」稿

往字二百八號稽查訖限初四日上宣府科書辦王世勳奉

兵部題爲防陵客戍多勞甄叙未敢概及謹列在事各官以聽聖裁酌叙事職方清吏司案呈崇禎十三年七月二十六日奉本部送兵科抄出宣府巡撫劉永祚題前事內稱竊炤甄別之典一年一舉卽往時所謂秋防而今則併入大閱者也凡舉刺文武將吏覈其本年之勞績而叅以平日之操持據臣親得之見聞而酌以道冊之開註循例勸懲未敢於格外旁及若陵園防禦原與嘗格不同而客戍官員又難與甄別並列上而督部監鎮下而道協叅遊或運籌制勝而櫛沐不辭或扼險設防而撥枕靡懈二百里陵邊重地寸草未驚十二廟聖祖威靈萬年鞏固微臣身任巖疆既藉指授於同舟又得助勳於羣力敢不另爲表出以聽聖明之裁鑒乎如前督臣今陞兵部尙書加俸一級陳督陽和而霧淨龍沙允文允武駐陵後而雲屯虎旅如輕如軒旣威信之素孚且勳猷之獨茂功高鎮鑰宗社憑之昌平督治兵部右侍郎加從二品服俸劉餘祐甫任卽衝寒歷險所在綱繆行邊皆布德宣威式資安攘夙望久欽於南北新猷益著於昌宜提督監臣申之秀冲襟雅度敏識宏猷撫士則推食解衣聲馳紫塞防邊則凜風宿露勞著紅門昌平總兵王世仁壯略威揚塞外沉謀吉協師中而勁旅獨扼居庸洵是當關虎豹昌平監軍道張橘藝絕文壇胸包武庫事事嘔心而理勤渠每以身先以上督部監臣聖明自有湛恩鎮道二臣樞部自有優典非臣所得議叙其陵後客防之有功者永鎮中協副將丁應科防張家口鐵騎中營副將劉肇基防紅門川鐵騎左營遊擊張維忠防柳溝鐵騎右營遊擊劉光先防小紅門而先在調防者則通州中營叅將劉餘芳左營副將姜名武右營叅將張國柱津鎮正兵營遊擊李志耀是也昌鎮健將黃成土國寶防岔道而隨防部監者則督治中軍叅將范明熙旗鼓都司杜延熙總監中軍

副將夏登仕旗鼓守備柴奇是也以上各官或飽歷風霜或備嘗艱苦惟赫聲之遠播致烽燧之潛消而各兵忍飢寒勵新膽鷄犬無驚各將之紀律可概見矣在各官陞遷不一黜陟不同職固不能覈其素行而止就防陵在事之勞苦則未敢泯沒也在昌鎮業經類叙臣已不必再言而事在陵後者則未敢默默也其餘中千把總等官聽彼處分別紀勞未敢一槩濫及然有勞必錄聖主勵世之大權而奉職惟勤臣子居官之本等鼓勵之典總聽皇上鑒裁非臣等所敢專也臣謹會同督臣張福臻按臣蔡鵬霄合詞具題伏乞皇上勅部施行等因崇禎十三年七月二十四日奉聖旨該部覈議具奏欽此欽遵抄出到部送司案呈到部看得各邊歲終例有甄別分文武殿最而勸懲之宜鎮居陵園之後拱護外藩相爲表裏撫臣劉永祚以十二年本鎮諸臣自有甄別循例具疏入告矣而客戍各官或屬昌永二鎮因防陵重大同時共事遂舉督部監鎮及道協叅遊摘叙數員以不泯其勞亦勸前以鼓後之意但臣察本年二月間昌監臣申之秀爲秋防一案昌督臣劉餘祐爲甄別一案先後各疏入奏而臣部已經類覆如監臣申之秀聽司禮監察叙而徵臣曾以待罪宜督煌煌聖恩業已錫以銀幣其餘督臣劉餘祐鎮臣王世仁各加一級道臣張橋加俸一級各將如丁應科張維忠劉光先范明熙杜延熙夏登仕柴奇各加署銜一級劉餘芳姜名武張國柱李志耀各紀錄黃成土國寶各回部調用劉肇基已陞署遼帥則已無勞不酬矣此疏察係重及所當不必另叙者也既經該撫具題前來相應覆請恭候命下臣部轉行遵奉施行崇禎十三年十月初六日奉聖旨十二年終劉餘祐纔到任著賞銀十兩王世仁張橋加俸一級丁

應科等七員各紀錄仍各賞銀八兩劉餘芳等四員各紀錄黃成土國寶劉肇基俱免叙崇禎十三年九月初二日郎中張若麒

兵部行「大同總兵王樸呈」稿 往字乙百九十七號宣府科書辦王世勳承

兵部爲請頒規儀事職方清吏司案呈奉本部送據大同總兵官王樸呈前事內稱本年九月初五日奉本部箭付前事備箭本職遵炤箭內事理會同三鎮將各撫有加兵部侍郎者與該鎮相遇禮儀作速詳開報部以憑轉咨具覆奉此察得本職等與撫院加兵部侍郎銜一切公移往來俱用手本相拜從儀門出入惟是名帖改爲官銜見今宜撫卽炤此例通行今奉行察擬合呈報爲此今將前繇理合具呈伏乞炤驗施行等因到部奉批此與撫院加兵部侍郎之例若督餉體統又似與撫院不同司速再議報送司奉此察得各鎮撫院止有加兵部職銜原無加戶銜之例該鎮以宜撫加兵部侍郎相遇禮儀開呈到部今奉堂批督餉體統又似與撫院不同合無再行該鎮將總督衙門現行規儀詳開呈報以便裁酌等因呈堂奉批再行箭催奉此送司相應箭行箭催案呈到部擬合就行爲此一箭付大同總兵王樸合箭該鎮遵炤來劄事理卽將總督衙門現行規儀詳開報部以憑酌奪施行崇禎十三年九月十九日郎中張若獻





戶科外抄戶部尙書李待問等題本

崇禎十三年九月二十九日抄送奉旨五日註銷限本月本日完繳崇禎十三年九月二十九日到存案存察陳暢兵部呈于兵科抄出戶科外抄

戶部尙書臣李待問等謹題爲遵旨密奏事雲南清吏司案呈該本部題前事崇禎十三年九月十一日奉聖旨今歲運遲河漕官好生溺職時已秋盡著晝夜儻催務尾幫過津抵壩如不能到津憲典具在決不輕貸天津截留寄囤一便于來春剝運一便于接濟遼東若隨處寄囤恐有他虞諸臣認限著刻日奏報不許再延臨時卿與倉臣酌議來說回空責成新差御史督催十日一報總漕臣將到淮數目半月一報定就冬兌新漕自速違者指叅重處關外計兵措餉兵多多益善餉時時不缺多方以儲之本折有餘然後徵調應手草豆作何收買海上豈無冬運還與津撫從長商議來行撥米僅支到正月尤爲短少不妨暫借漕糧以應一時之急既要士飽馬騰須是算無遺策津通稽遲豆又不給聽關外之通融俟津門之補足如此權宜是否有濟還當與薊督再一會議見在裝派的著卽趨時急行明春添運派買事宜雖值荒年棘手亦當早計熟籌通著議妥預備密切具奏欽此欽遵到臣送司奉此隨卽呈堂咨行總督倉場尙書李遇知去後今于本月十七日奉本部送准倉場回咨內開准本部咨前事煩察目今糧船抵通若干過津若干今未到津而凍前速趕到津以抵壩者若干計在何時卽應收囤務在船可近壩而回空又不到凍阻有誤來歲之運其收囤自應收入城內責令官軍防守其領幫隨幫兩官應分孰爲守囤孰爲押空每船旗軍幾人看守必保無虞餘俱押放回空來歲作何起運進京所費腳價加添若干在何項支給希細察酌安星速回示以便俱題等因到臣准此爲炤今歲十三總漕船除趕幫零船外據漕院冊開過洪者七千三百九十隻分爲五幫池太糧道張士第管押頭(幫)三千餘艘有截津者有過壩者數具完矣今起卸者薊松糧道黃鳴俊所押二幫千二百艘陸續抵壩將完也今

見督僱于津南北者江西糧道曾化龍所押三幫也四幫五幫尙無的耗此抵通過津未到津之船數也此時打算欲于九月中旬了三幫九月末旬了四幫尙恐四幫守凍臨時催令沿河將領分信敲冰而行至湖廣糧道張一鳳管押五幫一千七十船到十月初旬直至起盡恐凍白河定難回空不得不爲不必然之慮早計收囤也大率白河每年冰結以小雪爲期漕糧收斂應以立冬爲期若論寄囤之處如天津北倉去河不遠又近餉道衙門又天津有兵派撥保護可必無虞若論看守之人宜留領幫官同旗甲綱司在津巡邏開春交納其餘俱具赴空船同隨幫官作速南下庶食者寡耳若論寄囤及起卸搬運之人例宜官旗自雇地方官多方催車催袋催夫毋使耽誤若論明年盤剝之船宜盡發務關剝兩壩剝約一千二三百隻再摻津艇炤務關剝桃花口起剝則例量水脚屬壩剝者動輕齋屬關剝者動關稅仍舊督僱抵通過壩以實京通十三年歲額此皆巡漕未盡事宜其餘從權安頓及截留補還之說不敢言也相應咨覆煩細加裁酌妥當等因到部送司奉此相應具題案呈到部該臣等看得今歲重運愆期屢煩嚴旨詰責在事諸臣誰無肺腑自當畢集羣力以效桑榆之收無俟臣言之畢也頃臣遵諭商酌速運事宜條略具覆奉有臨期與倉臣酌議來說之旨臣卽星夜馳會倉臣細詢已未抵通過津之數並收囤回空看守起卸之方以及剝運腳價動支之項款細相商確務期區畫詳妥仰紆宵旰焦勞今察池太糧道張士第所押頭幫俱已起納告竣矣蘇松糧道黃鳴俊所押二幫陸續過壩將完矣江西糧道曾化龍所押三幫亦皆在津門上下計日抵通矣惟浙江糧道王龍震所押四幫湖廣糧道張一鳳所押五幫尙無的耗會督臣所稱擬九月末旬可了四幫但立冬伊邇白河易冰臨時四幫尙恐守凍等因夫四幫尙恐守凍則第五押尾幫及趕幫之船可知矣除儘津撫照招數截留外餘船及白糧俱應寄囤津門但

不許津門以南尙留片隻以費防守至第四幫尙有守凍之慮應及時速僱轉津到場必無誤回空庶無誤來運在事諸臣所宜汲汲勇圖者也以守圍計之察天津北倉瀕河易于搬圍又近道署有兵防守可保無虞以看守計之宜每幫留領幫官一員同各船旗甲一名在津防守俟開春起剝交納其隨幫督同旗軍人等即刻解空南下以濟新漕以今歲寄圍起卸搬運計之各項人役例聽官旗自雇而地方官當多辦車袋等項以應其需仍責成津道親駐督催毋容延誤以明年盤剝船隻脚價計之關壩剝船宜于冰開之初盡數發津轉運不足再令天津封雇民船炤依關剝事例量增水脚(兩)兩壩剝價動支輕齋關剝脚價動支關稅仍俟壩上倉以給(結)十三年歲運之局庶南北不致互稽而新舊可望兼濟也既經該司案呈前來相應具題伏乞聖裁恭候命下臣部行文該衙門遵奉施行緣係云云謹題請旨崇禎十三年九月十九日題九月二十三日奉聖旨漕運愆期在事等官俱難辭罪這四幫到津者著倉臣李遇知極力優催務早抵京通收卸其五幫趕幫及白糧各艘責成張元始盧世灌及時分信視臨河附近城池一面設法星夜收囤務要得法一面各將分認信地限期及收完數目先後具奏漕河各官併有司衛官旗甲如有怠緩輓運的應叅糾者飛叅應懲治者卽處其收囤各處嚴督糧道有司加意防範勿致疎虞如有插和盜賣等弊經營各官重治不宥元始世灌明春運竣方准差滿吳邦臣著專力料理新運嚴催回空勿遲片刻其起卸人夫車袋及剝雇脚價動支撥補等項俱依議行該部仍星速傳飭



兵部題行「兵科抄出宣府巡撫劉永祚題」稿

往字二百十四號稽查登訖限初八日上送看訖宣府科書辦王世勳承

兵部題爲遵旨速奏仰祈採擇事職方清吏司案呈崇禎十三年九月初八日奉本部送兵科抄出宣府巡撫劉永祚題前事內稱崇禎十二年三月二十四日准兵部咨職方清吏司案呈本年二月初七日奉本部送兵科抄出戶部右侍郎許世蕪題前事又該協理京營戎政兵部左侍郎魏炤乘題爲遵旨條議恭聽聖裁事各等因該本部覆奉聖旨督監撫鎮道標人員着卽察造年貌籍貫履歷速奏驗覈在京衛所官旗匠役係何款口吏兵俱多冗員而陞授襲併冒濫資緣兵部尤甚卿還詳察確酌奏奪欽此欽遵備咨到臣崇禎十三年七月十九日准兵部咨覆福建巡撫蕭奔輔題前事奉聖旨知道了其餘督撫鎮道未經回奏甚多該部還勒限嚴催速報以憑察汰不得稽延欽此欽遵備咨到臣該臣看得聽用人員所以聽軍前之驅使而備異日之簡用者也非世職卽科目非廢閑卽行伍廣蒐而嚴覈之總欲因材器使以戮力封疆倘察汰不精不幾以贗鼎售乎樞臣陳前撫宣時曾選有隨征等官量給廩糧今經制仍舊而隨時選補卽不食廩者亦皆將材毫不敢有冗員亦不敢有冒濫也除督鎮標員各自回奏其分監標員先已回奏訖謹將臣標及三道門下各官年貌籍貫履歷開坐恭塵睿覽并冊送兵部察汰外理合具題伏乞皇上勅部驗覈施行計開經制原定食廩官二十三員隨征原任副將管叅將事頗希牧年四十七歲原籍山西太原府保德州人任宣府前衛指揮僉事隨征功陞候推遊擊高應桐年三十六歲原籍陝西綏德衛左所正千戶管理火器原任遊擊張孔教年四十二歲原籍山西平陽府趙城縣人任宣府右衛指揮應襲會己未科武進士叅謀加銜都司沈應元年三十五歲係北直隸順天籍浙江紹興府會稽縣人繇武生隨征都司陶國祚年三十四歲浙江紹興府人北直隸通州

籍繇武生隨征都司盧進年三十四歲係大同左衛指揮應襲隨征守備李光泰年三十六歲原籍陝西西安府涇陽縣人中宣府前衛三科武舉隨征守備彭繼先年四十八歲原籍山西太原府忻州人中宣府前衛己未科武進士隨征守備寧承業年三十六歲原籍南直隸鳳陽府臨淮縣人中宣府右衛癸酉科武舉會丁丑科武進士隨征守備劉三才年三十九歲原籍山東兗州府寧陽縣人中宣府前衛辛未科武進士提塘守備方應隆年三十九歲係北直隸順天籍浙江紹興府會稽縣人繇將材旗牌官頭唐世元年三十九歲原籍直隸揚州府泰州人任宣府右衛試百戶旗牌官易廷羲年三十二歲原籍湖廣荊州府枝江縣人任宣府前衛指揮使旗牌官李世官年二十二歲原籍山西太原府忻州人任宣府前衛前所試百戶旗牌官陳王業年四十歲原籍山西太原府忻州人任宣府前衛前所百戶旗牌官頗重輝年三十二歲原籍山西太原府保德州人任宣府前衛指揮僉事旗牌官侯大用年四十二歲陝西潼關衛指揮舍人旗牌官董承業年二十七歲原籍直隸應天府江浦縣人任宣府前衛指揮使旗牌官趙棟年四十八歲原籍山西代州人任宣府前衛總旗中式三科武舉旗牌官俞正名年四十二歲原籍直隸永平府遷安縣人任宣府前衛指揮同知旗牌官余有綸年四十一歲原籍直隸廬州府合肥縣人任宣府右衛右所鎮撫旗牌官李養玉年三十四歲陝西西安府朝邑縣武生旗牌官尹智年二十五歲原籍江西南昌府南昌縣人係宣府右衛副千戶應襲未食廩聽用官七員原任都司僉書王大猷年三十七歲係宣府右衛三科武舉加銜都司黃國柱年三十三歲原籍山西太原府人中宣府左衛庚午科武舉加銜守備邵承惠年二十五歲原籍山西遼州榆社縣人中宣府右衛癸酉科武舉加銜守備魏禎年三十二歲係宣府延慶左衛應襲聽用官朱元年四十歲係宣府前衛撫寧侯下舍人聽用

官劉世福年二十五歲係宣府興和所百戶應襲聽用官張鳴雷年二十四歲係宣府前衛百戶分守道門下聽用官六員祝永壽年四十六歲原籍浙江處州府麗水縣人任宣府左衛副千戶楊國威年三十七歲原籍山西太原府忻州人係宣府前衛左所應襲傅良桂年三十二歲原籍山東青州府益都縣人任宣府前衛副千戶張選年四十歲原籍山西太原府孟縣人任宣府萬全左衛百戶姚永芳年三十二歲原籍直隸鳳陽府壽州人任宣府前衛指揮僉事朱之藩年二十二歲原籍直隸大名府魏縣人任宣府左衛指揮僉事分巡道門下聽用官六員王國慶年四十六歲係浙江金華守禦所將材武舉劉承堯年四十四歲係宣府開平衛雲州驛署百戶郭貞年二十八歲係赤城冠帶行伍朱英年二十九歲係宣府前衛指揮同知董象乾年四十歲係宣府開平衛正千戶李秀英年二十四歲係宣府延慶右衛副千戶懷隆道門下聽用官五員毛鎗年二十九歲原籍南直隸蘇州府太倉州人係錦衣衛鎮撫李光祖年三十七歲原籍福建延平府尤溪縣人任宣府保安衛指揮僉事關良忠年四十二歲原籍河南懷慶府溫縣人任宣府延慶右衛百戶張寧年二十七歲原籍直隸揚州府高郵州人係宣府懷來衛百戶應襲張維樞年三十九歲原籍湖廣武昌府江夏縣人係宣府懷來衛百戶應襲等因崇禎十三年九月初五日奉聖旨兵部知道欽此欽遵抄出到部送司案呈到部看得撫道聽用各弁原以備赴樞之用而儲將材之選誠不可倖冒以開濫觴之漸今察撫標聽用食糧者二十三員原係經制所載其未食糧者亦止七員而分巡道標各六員懷隆道標僅五員均非失之冗濫且各弁委有履歷可稽相應准其炤舊聽用以充驅使者也既經該撫具題前來相應覆請恭候命下臣部轉行遵奉施行崇禎十三年十月初八日郎中張若麒





兵部題「兵科抄出本部覆宣府巡撫劉永祚題」稿 注字二百十六號免題立案不行限十一日上宣府科書辦王世勳承

兵部題爲防陵客成多勞甄叙未敢概及謹列在事各官以聽聖裁酌叙事職方清吏司案呈崇禎十三年十月初八日奉本部送兵科抄出該本部覆宣府巡撫劉永祚題前事內稱防陵各官戍守有勞等因崇禎十三年十月初六日奉聖旨十二年終劉餘祐纔到任著賞銀十兩王世仁張橘各加俸一級丁應科等七員各紀錄仍各賞銀八兩劉餘芳等四員各紀錄黃成土國寶劉肇椿俱免叙欽此欽遵抄出到部送司案察十二年秋防護陵文武各官先該昌宣總監申之秀督治劉餘祐會題秋防告竣一案業經本部覈叙于崇禎十三年三月十三日奉聖旨洪承疇陳□□著各賞銀三十兩紵絲二表裏劉餘祐劉永祚王繼謨各加一級馮晉卿張橘各加俸一級秦廷奏行禮部招例議卹程之璿等六員各賞銀八兩王世仁加一級夏登仕等一百員有實職者各加署銜一級無實職者各量加所鎮撫一銜姚榮暈准立功李遇節准復原降一級劉胤昌等十八員各紀錄方伯等一百三十三員名行該督監獎賞薛四什王家棟俱革任回衛黃成土國寶繆一輪俱回部降一級調用欽此欽遵通行在案今該宣撫劉永祚復題前來奉有該部覈議具奏之旨本部覆疏察係重及將舊叙各官蒙恩加賚者矧旨開列上聞後有不必另叙等語但未寫明註銷字樣致各官重蒙恩賚相應呈堂題明改正以免重複可也案呈到部看得宣鎮十二年秋防護陵文武各官臣部先察督監二疏彙覈具題俱蒙恩賚在案故臣部覆該撫疏內已題明不必另叙矣但看語重複欠明且未有註銷字樣復蒙前旨【察係重複合請註銷】再叙此臣等偶失簡點之罪理合題明 恭候命下【遵奉】註銷 施行崇禎十三年十月初十日郎中張若麒



兵部行「大同總兵王樸呈」稿 往字二百十二號宣府科書辦王世勳大同科書辦趙文鏞楊春承

兵部爲請頒規儀事職方清吏司案呈奉本部送據大同總兵官王樸呈稱奉本部劄付備劄本職遵炤劄內事理速將總督衙門現行規儀詳開報部以憑酌奪咨覆施行奉此該本職等四鎮公察得總督軍門奉有專勅節制撫鎮是以職等謁見文書俱與兵道一體再察通州有總督倉場戶部正堂與通鎮總兵楊國棟一切拜謁公文舊行規例見存既通鎮可以行之倉場戶部正堂職四鎮總兵亦可循例行之新設督餉戶部右堂職等原疏業已將此例題明今奉再察宜合回報伏乞本部裁酌轉文議覆施行等因到部蒙批再行通州總兵衙門察與總督倉場接見往來禮節文移速報來看送司奉此相應劄行通鎮總兵察報案呈到部擬合就行爲此一劄付通州總兵合劄該鎮遵炤來劄事理速行察明報部不許率意增減以便轉咨題覆施行崇禎十三年十月十四日郎中張若麒



兵部行「懷來叅將劉嗣美呈」稿 往字二百十九號行訖宣府科書辦王世勳承

兵部爲壓俸實深冊註可異祈請察正以信勞臣事職方清吏司案呈奉本部送據遊擊管宜府懷來路叅將事帶降二級劉嗣美呈前事內稱竊炤卑職於崇禎十一年七月初三日奉旨推陞懷來路叅將即遵依部劄於本年八月初三日任事通詳在卷迄今將近三載豈料新例俸薦冊內將卑職註以崇禎十二年十二月內任事定係書識那趨欺朦之弊實誤卑職循資進步之期况懷路十一年穫屯息卽造卑職之名十一年選將首關邦政等冊卑職業列名懷來路叅將之下矣豈序俸反在十二年十二月之內乎邊臣歷俸艱苦居多卑職詎肯將已受之辛勤恁人那隱而不言弱老於伏櫪脫足何時恐深負矢公矢慎序冊掣籤之盛意也懇祈洞察改正庶卑職得以專精策勵而勞弁皆知鼓激夫等情到部奉批司察報奉此察得劉嗣美係崇禎十一年七月本部覆昌宣二鎮太監謝文舉題以都司僉書職銜管宜府懷來路叅將事十二年八月該本部題覆本官抽練缺額奉旨姑帶降二級戴罪清補俟秋防完日覈寔具報十二月題加署遊擊管事在案察本官旣已加銜遊擊自應序入遊擊項下以十二年十二月列俸造冊無容更議今本官誠恐書役那移錯誤呈請改正此本部秉公執法豈書役所敢上下其手也等因呈堂奉批着與劄知送司奉此案呈到部擬合就行爲此一劄付劉嗣美合劄該將遵炤施行崇禎十三年十月二十四日郎中張若麒



兵部題行「兵科抄出大同巡撫劉夢桂題」稿

往字二百五十號限十七日十月二十五日註銷說大同科書辦趙文鐸楊蕃承

兵部尚書加俸二級臣陳等謹題爲營弁未任託病擅歸乞勅議處併冀就近推補以儆規避以重戎務事職方清吏司案呈崇禎十三年十月十一日奉本部送兵科抄出大同巡撫劉夢桂題稱崇禎十三年九月二十四日據大同兵備道右叅政聶明楷呈據左協營中軍守備王來宣呈請病辭緣繇隨行該協確察今准副將寧寵手本回稱察得未任中軍王來宣自履協營尙未任事而卽以病辭近因按院經臨操閱兵馬察催本官任事據歇家僧人稟報王來宣原于八月二十二日到廟得疾屢經告辭未蒙准允本官于九月十二日徑自回籍等情具稟到職擬合請會轉達另爲題補緣繇到道爲炤王來宣以武科新推協營中軍守備正可試其筋練之才乃因荒邊窮苦託病堅辭徑自回籍甘認叅處不思武闈錄才豈容規避合應叅題以聽處分再炤中軍係統兵設防遇調征剿之要官察得本協千總大同後衛寔授百戶下應襲郭標青年壯志熟于營務目今秋防未竣就近題補甚爲妥便等因到臣該臣看得左協中軍一官有束伍之責傳宣之寄事務頗稱繁重而新推中軍守備王來宣以武闈副榜叨授茲職自宜奮力巖疆以圖建樹何甫至地方厭薄荒邊因無養廉薪水竟不任事託疾擅歸夫人臣致身之義東西南北惟命是從本官以自奉不給抽身而歸冥然不顧靖共之誼謂何似此規避委君命如草莽如人人效尤封疆奚賴據寔叅究法不容寬該道議以本協千總郭標填補察得本官曉諳戎務戰守堪資且薦經兩次就近推補朝受命而夕任事計無便于此者臣謹會同宣大總督張福臻宣大巡按蔡鵬霄合詞具題伏乞勅下兵部再加察覈合無將王來宣從重議處所遺員缺卽以千總郭標推補刻期任事庶營弁知儆而戎務亦不致耽悞矣等因崇禎十三年十月初十日奉聖旨該部議

覆欽此欽遵抄出到部送司案呈到部看得大同左協中軍缺員業經部推王來宣填補本官既奉欽依正當效力衝邊自為表見之地何竟托疾擅歸恐規避之風漸不可長所當革職永不叙用者也至來宣員缺該撫即議以郭標補之且稱其青年志壯熟于營務察郭標係左協千總兩經薦剡就近量移或有攸當相應如議准從既經該撫會題副來相應覆請恭候命下將郭標以守備職銜管大同左協中軍事王來宣察係流官革職回籍永不叙用崇禎十三年十月十六日郎中張若麒

兵部為營弁未任託病擅歸等事該本部題云云等因崇禎十三年十月十八日本部尚書加俸二級陳等具題二十三日奉聖旨是欽此欽遵抄出到部送司案呈到部擬合就行為此一咨  
宣大總督 大同巡撫 顧紹 都察院轉行宣大巡按御史 顧儀 明旨內事理欽遵  
 察昭施行崇禎十三年十月二十六日郎中張若麒



兵部行「山東巡撫朱咨」稿

老爺云不必行署駕司事武選司員外郎張國士看日送驛傳科

兵部爲邊驛非同腹驛等事車駕清吏司案呈奉本部送准山永巡撫朱咨前事等因到部奉批速察覆去送司奉此案炤先據永平府申請該本部察原題內開永平道屬之灤河七家嶺灤陽等三驛謂係該府所屬□□批免新裁其關內道屬之榆關遷安蘆峯等三驛未經批入今准咨開察既係永平所屬俱已奉有俞旨亦應准免如議咨覆再炤該本部續據永平府申請奉批據詳除完外新舊之數不合前批是已但察本部原案順永二府共額編十六萬五千六百九兩零今該府申請止開六驛共額編三萬二千九百七十兩零何相去太懸恐內有遞運損轎并協濟等項未經開入本部難以草率懸定仰該府速將本部頒發冊式逐一填報庶便定□如果缺額不難另爲題明撥補也限五日內再報在案相應一併咨覆該撫責令永平府遵炤前批卽雖經題免者亦須將數目填報以便通盤合算咨覆戶部更免文移往返之繁庶錢糧亦得清楚伏候堂臺批示施行等因呈奉堂批如議行送司奉此案呈到部擬合就行爲此合咨前去煩爲察炤咨文內事理行令該府星速填報以便咨覆戶部施行一咨□□□崇禎十三年十月日署司事武選司員外郎張國士



兵部題行「兵科抄出宣府總兵官羅俊傑題」稿往字二百二十九號稽查登□限二十七日上有書冊行訖宣府科書辦王世勳承

兵部題爲欽奉勅諭事職方清吏司案呈崇禎十三年十月十三日奉本部送兵科抄出宣府總兵官羅俊傑題前事內稱謹炤修練儲備事宜奉旨一月一回奏所有本年七月分四事已經回奏訖今據所屬中西二協副將張巍甘良臣中軍遊擊高成功萬全都司吳選等各將八月分行過四事造冊呈報到臣該臣細加覆覈一一備載冊中惟臣督造三眼鎗添匠併工設法攢造一月之內造完一千二百五十桿連前通共造完五千桿原議之數業已全完九成隨鎗鉛子四萬個連前通共九成鉛子三十四萬個臣駐防邊頭不時往來整練防兵併逐察城堡四事無不日益修舉迥異往昔至如獎勵罰惰已經督撫按道諸臣覈定等第奏請矣武臣例不越俎惟臣標打造三眼鎗九造隨鎗鉛子之役總委則臣標隨征原任大同鎮中軍遊擊許國衡隨征守備羅承祖分委則臣標隨征守備徐成杜學遜徐文登兵機營坐營王鳳鳴因練營需鎗甚急宜鎮匠役有限鐵炭措辦維艱各官承委謹凜辦料鳩工拮据不遺餘力較之尋嘗督造者迥乎其有不同當此秋防之後造完三眼鎗五千桿隨鎗鉛子三十四萬臣標戰兵賴有勦禦之具者各官之勞誠不可泯祈我皇上勅部議叙勸懲以鼓勵將來或亦聖明所不靳也除將八月分四事清冊投送部科聽候覈察外理合具題伏乞勅部議覆施行等因崇禎十三年十月十一日奉聖旨該部覈奏欽此欽遵抄出到部送司案呈到部看得火器爲禦奴之長技是戰守刻不容緩者今許國衡等六弁辦料鳩工不越月造鎗一千二百五十以足五千之數九鉛子四萬以足三十四萬之數頓使武庫充切而勦禦有資其勞誠有不可泯者許國衡羅承祖二員應與紀錄【各】但察許國衡原係大同鎮標中軍因前任左衛城守備以哨丁朝免通逃一案題參革任回衛（之官）念無賊私相應准其打造

察填來

免賞羅成祖應 賞銀陸兩徐成等四員應紀錄各賞銀【肆】三兩至鎮臣悉心籌邊督率業有成效相應賞銀十二兩以示勸勵既經該鎮具題前來相應覆請恭候命下將羅俊傑賞銀十二兩羅承祖紀錄仍賞銀六兩徐成杜學遜徐文登王鳳鳴四員各紀錄仍賞銀三兩許國衡准其打造軍器免紀賞崇禎十三年十月二十六日郎中張若麒  
兵部爲欽奉勅諭事該本部題稱云云等因崇禎十三年十一月初二日本部尙書陳等具題初六日奉聖旨羅俊傑賞銀十二兩羅成祖紀錄仍賞銀六兩徐成杜學遜徐文登王鳳鳴各紀錄仍賞銀三兩許國衡免叙欽此欽遵抄出到部送司案呈到部擬合就行爲此一咨宣大總督宣府巡撫禮部合咨前去煩炤本部覆奉明旨內事理欽遵施行一節付宣鎮總兵羅俊傑合劄該鎮遵炤本部覆奉明旨內事理欽遵施行崇禎十三年十一月十二日郎中張若麒

兵部題行「督理宣大糧餉白貽清咨」稿 往字二百三十七號限即日上有書冊行訖宣府科書辦王世國承

兵部題爲乞電兩番遇缺補用之旨恩准超拔俾職報効有階而素養健丁不致渙散事職方清吏司案呈崇禎十三年十一月十九日奉本部送准督理宣大糧餉戶部右侍郎白貽清咨前事內開本年十月二十四日准兵部咨職方清吏司案呈奉本部送據回部改推原任分監薊鎮中協標下中軍遊擊林世昌呈前事等因到部奉批准給咨即去標下候用送司奉此察得林世昌係都司僉書題推薊鎮分監標下中軍遊擊事因該監于本年三月內奉旨撤回而世昌隨經本部覆遇相應員缺推補在案今乞咨督餉標下効用似屬可從相應咨給本官資催督部刻期赴任即在標下効用如果堪任酌與題授可也等因咨會前來准此爲昭宣大嘗經虜躡軍士實切撫養本部新承簡命總餉於所非得敏練八達之才揮霍四應之具以任傳宣曷足辦此而愉快今准兵部咨稱遇缺推補原任薊鎮分監中軍遊擊林世昌應咨中軍員缺察本官西陲戰將久歷疆場近啟事兩登象卒百十足覘實心任事此樞部夾袋所儲而本官轉運獲益者相應咨覆以聽具題又若旗鼓一官亦係急需察得錦衣衛冠帶總旗加銜守備王杞才堪驅策向於津門催餉屢効勤渠近在捕營緝盜尤著勞勩茲經創始或與應得職銜補授旗鼓員缺以展其猷相應一併咨會兵部希即題補施行等因到部奉批准具題送司相應具題案呈到部看得督餉衙門事屬創始諸務繁劇所賴中軍旗鼓爲傳宣差委之用誠不可一日缺人今准餉臣咨用林世昌王杞二員察林世昌係都司僉書薊鎮分監中軍本年三月內奉旨撤回已經臣部題覆遇缺推補之官今應以原官管中軍事王杞係錦衣衛冠帶總旗催餉著勞應量與把總職銜管旗鼓事既經餉臣咨補前來察係新設衙門相應准其題請合候命下將林世昌以原官都司僉書管宣

大督餉侍郎標下中軍遊擊事王杞以把總職銜管宜大督餉侍郎標下旗鼓守備事崇禎十三年十一月二十二日  
郎中張若麒

兵部爲乞電兩番遇缺等事該本部題稱云云等因崇禎十三年十一月二十三日本部尙書陳等具題二十九日奉  
聖旨是欽此欽遵抄出到部送司案呈到部擬合就行爲此一咨宣大總□□□□□□前去煩炤本部□□明旨  
內事理欽遵施(下缺)

兵科抄出登萊巡撫徐人龍題本

崇禎十三年十二月二十九日發奉旨五日註銷限本月三十日完繳崇禎十三年十二月二十九日到速覆紅摺訖李承恩兵部呈于兵科抄出

欽差巡撫登萊東江等處地方備兵援遼恢復金復海蓋費理軍務兼管糧餉都察院右僉都御史今住俸臣徐人龍謹題爲援例懇題實缺以慰忠肝以圖報效事崇禎十三年十二月初六日據登萊海防監軍道右叅議兼僉事吳一琨呈准協守付總兵戴柱國手本據陸中營中軍焦璋千總陳王佐陸左營中軍樂茂濠千總毛鳳翔陸右營中軍陳志奇千總班之俊水左營中軍高捷千總崔琮水右營中軍樓斯堂千總陳汝禹選鋒營中軍陸懋瀛千總徐國材協守親丁千總劉瑄院標千總姜國佐道標千總沈文煌屯田中營守備王之印登州後營守備陳夢淑呈前事呈稱璋等經制叨理營務練兵口馬日夕冰兢今夏初口麗船航海窺犯各官枕戈探勦波濤萬苦千辛勞績頗著今值朝廷用人之際又且邊海多事之秋連刑節制軍令狀頒寧不覆誅忠勇憤切雖蒙憲節委用而進階未遂自揣駑駘用當冒懇乞援臨鎮事例請題實缺俾犬馬得捐軀圖報矣等情到協該本協察得中千題授實缺邊例皆然如清源爲咽喉保障團練兵馬一萬五千將領中千俱題實缺給以部筭○案可稽登鎮與奴爲隣叛逆共謀今年脅麗船而同犯明歲蠢動海上之情形叵測屢奉明綸將領等官在撫鎮道就地用人而中千各官俱係院道遴選各勝其任儘堪驅策今請援例懇題實缺是鼓舞將士之一要着也等因移會到道覆詳到臣據此該臣看得掃奴固圍莫先得人如登懸海角與奴僅隔一水禦侮保障尤非他鎮可比而水陸將領皆係題奉欽依干城有賴惟中千羣弁迺臣與道府因地簡選就便拔補者其間或著勞臨德或建功海嶼均有微績可紀今據控援邊例籲題實缺似應俯從用示激勸况今連刑節制與軍令狀無不以中千是責哉但恩典施自聖裁非臣下所敢必也既經該道將呈詳前來除將各

官履歷咨部備炤并陳志奇已陞文登營守備樓斯堂陳王佐俱經題叅伏乞皇上勅下該部察炤邊例應否將中千焦埜等十四員准授實缺給以部劄嗣後陞補止達部知會覆議上請定奪施行崇禎十三年十二月初八日題本月二十八日奉聖旨該部密奏



兵部題「山海鎮臣馬科疏」殘稿

（上）熱皇島與登鎮對岸尤奴賊必犯之地且東聯遼界更可作關門之屏障本部惟籌蚤扼其要固無庸更議者至於迎擊合擊尾後之法又當視賊所向互相聯絡左右聲援如率然之勢職惟整艦飭器練兵以俟等因到臣該臣看得奴借麗船以撓我今歲雖經焚燬來春伏逞可虞而思患預防自宜蚤備然海防二營官兵船隻向來額派芝蔴灣至黑洋河一帶衝要汛口防守哨剿者今如樞臣所議分防馬頭營秦皇等島并東聯關外水營遇警尾追策應更屬扼要制勝之長策臣惟嚴飭整艦除器練兵以無誤開洋自可有稱無患也謹將認明信地具本奏明仰祈聖鑒施行等因崇禎十三年十二月二十九日奉聖旨該部看議速奏欽此欽遵抄出到部送司案呈到部看得麗船被燬奴雖未得志然其耽耽思逞固未嘗一日忘也近該臣部覆遼撫丘民仰疏議諸島扼險分防事宜責令關遼登津各撫鎮認信畫疆預行奏明業已奉旨通行及時飭備去後今據山海鎮臣馬科疏稱海防二營官兵船隻向派芝蔴灣至黑洋河一帶防守哨剿與臣部所議分防馬頭營秦皇等島不無異同察芝蔴灣至馬頭營以及黑洋河袤延六百餘里而秦皇島卽關門南海汛口是賊繇登犯津關之路也蓋禦賊于門內曷若禦之于門外該鎮亦謂臣部帷籌早扼其要無庸另議者合再申嚴該鎮檄令海防二營分防其處并東聯關外水營整艦除器操練水戰俟開洋之日卽聯帆會哨遇警剿援不使一賊窺岸毋徒以認信虛飾致有一隙之疎虞也既經具題前來相應覆請恭候勅下臣部遵奉施行等因崇禎十四年正月初五日日本部尚書陳等具題初七日奉旨南海汛口既爲關津門路著該鎮煇舊令海防二營分防其處仍東聯關外水營整艦練戰以俟會哨勿使一賊窺岸南汛旣歸關鎮至遼鎮所派何汛該部仍速

奏明欽此欽遵抄出到部送司案呈到部看得海上分防守汛之議臣部先覆遼撫疏以小平【黃】皇城諸島責之登鎮南北汛口以及旅順雙島責之遼鎮廟島昌藤等島責之津鎮馬連秦皇等島責之關鎮已奉有卽着爾遼登津各撫鎮認信畫疆行奏明之□□南北汛口久爲遼撫自認之信矣若秦皇島與登鎮對□又與遼鎮接界□關鎮一出海卽會哨于南(下缺)

兵科抄出遼東總兵祖大壽題本

崇禎十四年正月二十六日發奉旨五日註銷限本月二十八日完繳不應抄傳陳水通兵部呈于兵科抄出

欽差鎮守遼東等處地方掛征遼前鋒將軍印太子太師總兵官左軍都督府左都督住俸臣祖大壽謹題欽奉勅諭事崇禎十三年十二月三十日未時准撫臣丘民仰手本前事本年十二月二十八日准兵部咨本年十二月十二日准薊遼督臣洪承疇密咨前事內一款今應勅三鎮臣務將各鎮標下與所屬協路并收斂各邊堡營兵精實挑選以三萬爲率內須得馬兵一萬步兵二萬蓋遼兵與奴相習卽步下勝於馬上而以守爲戰且主兵可省客糧相應勅下祖大壽吳三桂劉肇基每鎮實得戰兵若干馬兵若干自行奏明以便臣部另行責填軍令狀等因今督臣密咨毫無異議如所云遼東三鎮必精實挑選戰兵三萬應候明旨行三鎮實選奏明者也等因到院准此擬合亟移爲此合用手本前去<sup>(頃)</sup>焯爲察焯部咨覆題備奉明旨事理各選得戰兵若干名數希速自行具奏等因到臣准此該臣察得前鋒所轄新奉明旨惟錦州松杏三城并大興大鎮大福等堡計實兵二萬二千五十名內除南援七百名又除前鋒中左右三營臺兵九百二十八名二項援兵已非見在臺兵萬難動移止見在兵丁二萬四百二十二名其馬騾駝計實五千四百三十五匹頭隻內除騾六百二十七頭駝六隻爲載運炮火之用止見在馬四千八百零二匹此合前鋒一鎮鎮標及協路收斂邊堡馬步兵丁之總數也今蒙勅諭精實挑選戰兵微臣何敢異議切惟奴衆日突三城將士時刻戒禦非戰卽守無容玩愒已經于十三年十一月嚴行三城協路并各邊堡精選堪戰官兵共一萬一百員名造冊會報督撫道諸臣在案矣惟是馬匹一項微臣冒昧不能無說焉自去年八月絕豆迄今已踰五月不惟無豆而所飼止有荒草原非馬性所宜况九閱月來日與奴衆驅逐而奔波兼之飢瘦莫可名狀无已於中挑出甚疲瘦者商請

督撫道臣委官督喂于寧遠前屯中後等地暫就草料之稍便者然可延旦夕之命未敢遽謂果騰臚也無已此外盡將將領營弁自備馬匹以及微臣之自畜者不論多寡概行充入首爲將士之倡伏念微臣篤蒙皇上任使有年仔肩重寄當此重大虜患捐糜莫報敢惜馬匹乎故每于哨剿微臣無不盡驅己馬以令壯士騎征卽有傷斃微臣處之飽如挑選雖十得六而約略勉得三千之數夫三城兵數除南援臺兵而外止二萬有奇今挑一萬是兩人而挑一矣且奴獨逼三城認戰者戰而非戰者亦日事于守矣惟馬匹合計四千八百而且飢且疲擬挑七于十恐非數之盡得微臣際此利害惟求竭蹶篤鈍從事無遺力耳原奉勅諭口行具奏事理字多踰格伏祈聖明睿鑒并賜矜宥施行微臣臨奏可勝悚息隕越之至謹具題知崇禎十四年正月初十日題本月二十五日奉聖旨知道了該部知道

兵部行「遼東巡撫丘民仰塘報」稿 律字十九號清册訖左府科（附原件塘報）

兵部爲奴騎分股窺犯事崇禎十四年正月十五日午時准遼東巡撫丘塘報前事等因到部理合具本題知等因崇禎十四年正月十五日日本部尙書陳具題十六日戌時奉聖旨知道了仍著密哨嚴防鞠旅以待不得稍有疎虞奴謀甚狡該鎮文武秘算機宜未見遵旨馳奏該部馬上飛催欽此欽遵恭捧到部擬合就行爲此一咨<sup>督師</sup>合咨前去煩昭明旨內事理密哨嚴防鞠旅以待萬分設備勿得稍有疎虞仍將秘算機宜速行具奏仍嚴飭該鎮文武遵旨馳奏施行一劄祖大壽崇禎十四年正月十七日郎中張若麒

塘報十五午堂號登訖題知欽差巡撫遼東等處地方贊理軍務兼管備倭都察院右僉都御史仍帶降三級戴罪又降一級昭舊丘題爲奴騎分股窺犯事 崇禎十四年正月十五日午時准遼東巡撫丘塘報內稱本年正月初十日辰時據東協副將祖

大樂火牌差夜役周守元報稱本月初九日辰時據深溝臺接傳岳家山烽砲隨有奴騎二萬餘騎俱從沙河堡南馳倏分四股一股萬餘到岳家山站立未動一股奔楊官屯南深一股從吳千戶莊南深一股從深溝臺唐家莊竟奔大路至乳峯山勢甚猖獗意有所窺幸我官兵預哨嚴整相持並用大砲三面直擊其營站立不住亂跑復奔至石門溝曠望從午至未見無搶掠仍從原路北遁回營去訖等情塘報到院據此該本院看得奴謀甚狡屢據回鄉口供有挖壕困錦之舉本院暨督師洪團練吳總鎮再三商酌將寧西糧料多運松錦以防不虞隨于正月初二三裝糧上車一萬六千石初六直抵錦杏蓋以新年過節出其不意而申飭哨備並撥兵防護已不遺餘力矣糧於初七入錦車於初八回寧賊知之果於初九日以二萬餘騎分頭突逞妄冀搶掠而抑知我之更有先着耶此番雖計算萬全恐狡伺耽

孰未常一刻忘也除嚴行鎮將萬分隄備勿致隙踈外理合塘報崇禎十四年正月初十日

兵部行「標下出海實授副總兵王武緯塘報」稿 律字二十三號行訖左府科

兵部爲恭報麗艘盡燒奴形北遯仰祈聖鑒稍紓東顧之憂兼悉臣愚以感萬全之算事職方清吏司案呈崇禎十四年正月初八日奉本部送據標下出海實授副總兵王武緯塘報蒙本司案呈崇禎十三年九月二十四日戌時奉本部送御前發下紅本該登萊巡撫徐人龍題前事等因節蒙本部題覆刻下天寒水凍卽麗使可往而武緯未必能來明齋開汛以探奴形等因奉聖旨旣說麗使有用李舜男等著該撫加意贍養務令得所王武緯且著歸部欽此欽遵恭捧到部送司案呈到部循行卑職遵炤明旨內事理欽遵等因崇禎十三年十一月十六日未時武緯於海外廟島叩頭遵奉明旨卽日揚帆於十七日亥時趨登叩請登撫回文候領就登起程回部外但武緯乃奉本部題差出海之官所有歷察情形敢不具陳以備採擇以我東海陳之與高麗相連一水順風揚帆不過十二日直抵登州府計海程一千四百三十里關乎神京左臂關乎津淮重地且麗世子二人孫一人被奴計拿於瀋陽爲質十一月二十五日已時漂來回鄉侯應登等稟稱奴酋十一月初又差牛鹿一十三人協麗伐木運至太子河仍造大缸甚多並要麗馬一萬匹衣帽一萬頂件太子河水分二流一流出東海一流出三岔河又據回鄉范長春盛友明並麗使等稟稱麗被奴(稱)協出乎無奈在麗王以父子之情暫爲應承苟全之計實望天朝發兵長山島設防得以借口天兵守島麗船不能飛渡可全忠順在麗臣麗民被奴面淫其妻女殺其父母慘莫可言誓不共戴恐國王以父子念重禱祈天朝宣佈國王求爲忠順庶海不揚波等語伏乞上裁速爲宣佈用間爲緊一以聯絡屬國我用使彼念念不忘一以相機縱火仍焚其艘絕奴後路狡念之謀我得剪奴羽也以海島陳之諸島不過屯牧樵採而已至要緊者長山島也麗船必繇咽喉

之路若得一監軍道一智將駐兵設防埋以神砲架以風雷立以滅虜臺四面秘伏異火又用紅夷火攻等待之如敵  
臨近撥發機竅震天地砲交作卽不沒其全軍必然傷其大半如敵稍遠則用快船名水底溜迎之用以異火射以赤  
壁立住脚跟隨圖南關以阻奴前路西犯之逞我得挫奴鋒也以叛將陳之登郡原設有監軍道衙門伏乞選實心  
實政者題補駐兵長山島相去奴穴不遠大張朝廷恩信五間並起自有叛將來降縱詐亦認爲眞以誠待之計上用  
計卽令渠建功赦免前愆仍論功陞賞以疽奴內如奴殺了叛將孤奴之勢叛將殺了奴賊亦單奴之形令其自相忌  
疑分其勢而我得圖奴也以難民陳之凡奴擄去我民俱被奴發爲耕種苦莫可言以資奴糧人人思歸故士刻不能  
忘若用間宣佈自能前來昨歲海邊向南死者無數可知其心矣以恩安插各島用之或屯或焚或突輕車熟路氣味  
相孚易於成功用兵取勝斷糧爲先我民收回奴地乏耕未有枵腹之夷能操戈妄逞之理我又得漸漸絕奴命也此  
武緯察得情形回報更有各路機宜另陳投閱爲此具報等因到部送司奉批司擬稿具題奉此看得王武緯所陳海  
上情形進取攻守諸款似可採擇以爲恢剿之助但本部與東海相距遼絕事難遙度防撫居登日久麗國之情形道  
將之建設與招撫叛將收拾難民必有確見應行酌議妥確某款果可舉行某款尙須斟酌逐一咨覆本部庶便題請  
施行等因呈堂奉批卽咨登撫確議時又將用海之日矣奉此相應移咨案呈到部擬合就行爲此一咨登撫合咨前  
去貴院煩焯咨文內事理卽將王武緯所條議諸款內有不可行者作速酌議妥確事干出海事宜希卽咨部以便具  
奏施行崇禎十四年正月十六日郎中張若麒



兵科抄出遼東總兵祖大壽奏本

崇禎十四年二月二十一日發奉旨五日註銷限本月二十六日完繳崇禎十四年二月二十一日到察存魯胤昌兵部呈于兵科抄出

欽差鎮守遼東等處地方總兵祖大壽謹奏爲恭繳勅諭事崇禎十三年十二月十三日欽奉勅諭鎮守遼東總兵官太子太師左都督住俸祖大壽巡撫寧錦都察院右僉都御史仍帶降三級戴罪又降一級炤舊丘民仰朕惟邊鎮舊例屢禁冬年宴樂皆以飭備固防恐生怠玩况今狡虜驚伏流賊鴟張警報時聞戰守宜力正忠義同讎之日豈勞臣逸豫之時茲當冬年節屆朕恐爾等或耽歡卜夜宴樂是娛或私役軍兵出境圍獵及採柴燒炭等項貽患非細勅至宜各痛前弊共矢綢繆整搦人馬鋒利器械巡行墩堡修明哨探算操不勝計握萬全勿恃不來特吾有待試思雪夜蔡州之入上元崑崙之功寧遜古人於今爲烈朕必不靳懋賞如儉安蹤縱罪不爾寬爾等其慎之故勅欽此欽遵微臣仰奉嚴諭益深警惕隨會同巡撫都御史丘民仰團練鎮臣吳三桂通行鎮屬東西二協各營路城堡付叅遊都守備等官一體欽遵惟虜是求不敢怠忽外該臣察炤往規謹將遵行緣繇併欽奉勅諭一道理合具本謹具奏聞崇禎十四年二月初十日奏本月二十日奉聖旨該部知道



兵部行「遼東巡撫丘民仰咨」稿 行訖左府科

兵部爲酌議諭麗官員事職方清吏司案呈奉本部送准遼東巡撫丘民仰咨稱准兵部咨該本部題覆該本院具題前事崇禎十四年□月二十三日申時奉聖旨是王武緯行糧勘合着戶部照例給與以資往還日用不必登府重支麗人路費着聽登遼二撫設處其給銀備犒移文酌改知道了卽密行遼撫作速遣發事竣武緯卽圖蚤回務期裨有實効欽此欽遵備咨到院准此看得今日差官諭麗求能勝厥任者遼中絕不多見幸荷兵部公忠謀國擇人而使專其責成且授以方略種種調劑至密極周其所以施及本□者良孔多矣惟念此番諭麗較往昔誠有□別蓋麗決無他志所當慮者惟防麗之逆奴勢能脅麗而制麗耳大約入境不宜輕易舉動必須相機駐舟界上遣伶俐通官與一二麗人先行密會麗主觀其來而我應之倘彼已凜承無異仍加誦審然後入國致詞宣布皇上恩威一操一縱度便而圖或要以犒師海上或要以酌助器糧與作何入貢之術且令其陰陽順逆嗣後所得奴情卽不時密以輸我乃爲完着想兵部帷算淵深蚤已爲武緯指授無容畜夫之饒舌矣除費咨者酌差一聽用官跟隨武緯前去聽聽武緯指揮其一切送麗船隻員役路費現在一一設處料理容另文移會外理合先行咨覆爲此合咨兵部煩請察照施行等因到部送司奉批再劄王武緯行奉此相應劄知案呈到部擬合就行爲此一劄王武緯合劄本官遵照劄內事理速將遼東差官押至麗人同携出海仍將赴麗宜諭機宜務審勢觀變密操勝著勿得踈率辱命致負遴遣崇禎十四年三月十二日郎中張若麒



請兵救援松錦殘稟

(上缺)經詳飭第恐時久則玩而茲播種之時樵採牧放雖不可聽其遠出若附城左右勢亦難以概禁若非哨探必明必遠則狡虜風雨飄忽突然當面將收斂不及貽害非小該將務要督同城守等官凡爬溝伏路瞭山守烽目丁不分晝夜不論衝緩俱宜萬倍嚴緊其出哨兵丁二十里內用步撥二十里外用馬撥每五里立一撥每撥用二人各帶號砲遇有賊騎卽放號砲逐撥接應賊少而遠則放一砲多而近則放兩砲隣近烽臺聞號亦須各各分頭接應數十里外瞬息可達庶耕種樵採牧放者聞砲蚤得收斂不致爲虜殺掠仍要整糊厲兵以便相□□截務保萬全如有因循怠玩烽火不明偵探不確傳報不速軍民生畜致被搶擄者定以失誤軍機律將目哨丁從重究處決不姑貸行稟寫書俱恐尋常相視改爲諭帖卽以此爲軍令狀該將責任專城幸勉之又號砲用三眼鎗爲省便等因蒙此該卑職遵奉炤得奴衆此番傾巢困錦內打柵木外挑濠暫水洩不通人影斷絕松城與錦相隔十八里奴賊離錦五六里下營卽近在松城左右今錦城濠柵已成奴衆精騎盡遶松城勢雖困錦實乃伺松卑職與賊時時敵面凡一切守禦機宜事事戒嚴其耕種樵牧並不令一人一畜遠去今乳峯壯鎮二臺已被攻尅兩城眼目俱無卑職惟乘空相機摘差伶俐哨撥探其情形依實塘報奴勢已在萬分鶚張卑職何敢因循怠玩自取危險伏望老爺垂念松錦係全遼首衝一動百搖速展弘猷廟算蚤發大兵救援庶封疆幸甚生靈幸甚原蒙憲諭事理理合激切具覆須至稟者崇禎十四年三月二十一日稟



兵部行「御前發下山西副總兵薛敏忠奏」稿 利字乙百六號大同科書辦趙文錄楊蕃承

兵部爲見主無門圖奴有據管操必勝之術永奠不拔之基事職方清吏司案呈崇禎十四年三月三十日戌時御前發下紅本該山西副總兵薛敏忠奏前事內稱竊惟奴賊一犬羊耳自遼陽蠢動迄今二十餘年屢犯中原如入無人之境中外靡寧神人共憤然猶虎視眈眈未嘗一日忘我中國也我皇上聖武神威英明智勇往往破格求賢無非得一雄才大略治世安民者震皇上捷伐之威解小民倒懸之苦耳想今應運而起者果屈指耶臣本榆陽一匹夫謬荷寵命重寄巖疆雖粉身碎骨豈能圖報萬一嘗於邸報中又見聖諭有云得天下安危可託之人然後方寄大任至哉臣三復斯言一腔血憤直不覺鬱然中結也嗟乎安危誠難言之矣古云主憂臣辱分所固然懷寶迷邦仁者不忍臣頗有一得之愚敢擔九邊之重兵不多添餉不妄費與奴誓不共天務期不敢正視中國但進止機宜非能疏陳願求皇上下尺一之詔臣匹馬赴京俯叩金階與皇上細陳方略倘得了然皇上亦當不以滅奴爲難事也如以臣腐躬穢質不足以汗聖聽或命一二大臣與臣反覆酌議臣言可採委臣一任臣願效死疆場務取不辱或曰武官重權恐成不掉臣即將兄弟妻子質之輦轂之下臣獨身而往刻期無效盡膏斧鑕卽有不然者或命勳臣或監臣或開部之臣老成持重者一人掌此大權臣盡心指畫但臣所欲行不得掣肘數年間國家屆磐石之安萬民享無疆之福矣而么麼流寇聞風影逝又何足煩我皇上之兵力哉儻治安有效臣願削髮歸山爵祿功名還之皇上如以臣人不可用言不足聽臣但陳之御前死亦瞑目矣若一言有謬卽甘靈戮伏乞皇上俯納臣言立賜宸斷施行等因崇禎十四年三月三十日戌時御前發下紅本奉聖旨薛敏忠果有圖奴勝術准具本密奏該部知道欽此欽遵恭捧到部擬合就行

爲此合筭一劄山西副將薛敏忠合劄該將遵炤明旨內事理果有圖【謀】奴勝術卽行具本密奏施行崇禎十四  
年四月初一日郎中張若麒



兵部題行「奴賊困錦明係困凌故智等情」稿 補題行錄訖清册訖行訖左府科書辦翁晏奉

兵部奏爲密奏事崇禎十四年三月三十日酉時據胡廷聘史臣密稟內稱三月十九日寅時分前屯分練總兵王廷臣統兵在寧遠候遣標下兵丁劉有紀往北門外十里石癩山下打草撞遇投降真夷四名革木個李浪害八拜個力各牽騎上驢馬八匹於本日辰時分呈解督師聘等於轅門內審據革木個李浪害供稱原係西夷好兒慶下小頭目八拜個力各現隨二夷喂馬使喚革木個等自失廣寧時被東奴脇從向在十王子下做部落隨營到錦州困城因王子先時抬舉今不看顧故於十八夜自錦來寧投奔又審據供稱現在困錦馬步一萬餘達子今錦州止四角掘壕營內紅夷四十位現在王子三個石三達子一同領兵管火砲是一叛將姓劉孔有德耿仲明俱未到四會候草長馬肥四月初十頭方到又據供稱我從大興楸木長寧沙河寺兒灰山等堡牆內大路到寧各堡哨丁不知等情二十日卯時有杏山遊營中軍王尙志塘報十九日午時據長嶺山瞭山兵丁張洗報稱瞭見寨兒山五道嶺等處各山頭俱有達子聯絡瞭山不絕等情聘等察得五道嶺離杏山正北十里寨兒山又往北數里理合塘報等因同刻又據本部提塘守備張文煌小報內稱三月十七日在寧遠早辰有松山劉將官差役口報本月十六日申時分有達賊在錦州城外週圍挖壕在壕裏邊栽柵木等語又報稱錦州城外四面達賊下營四個挖壕圍困道路不通等語至午時有錦州東協祖副將差役王應魁執號帖於本夜三更繇西門偷走前來口報達賊約有四萬餘騎四面札方營二處長營二處離城五六里挖壕圍困錦州我兵有馬的在城外下營步兵在城上守城等語理合稟報等因到部該臣看得據胡廷聘所報真夷四名自錦來寧投奔且牽騎上驢馬八匹明係以馬爲餌示我不疑而陰欲襲寧以作內應相應密

勅督師借以發薊爲名重賞進關而中途夜刃之免我夷丁知覺方不中其奸也卽不然醜以毒酒亦不失策據張文煌所報奴賊四萬挖壕困錦且在壕邊栽柵木是又困大凌故智也相應密勅督師設計解圍以錦城守具責之祖大樂而祖大壽如夷將那木氣東關之變收拾已定亦應提馬兵出入入於錦松杏之間仍同七鎮合力救錦方不墮其計也臣一面備書督臣密商敢密請旨定奪臣可任待命之至崇禎十四年三月三十日

兵部爲密奏事該本部題云云等因崇禎十四年三月三十日日本部具題四月初一日戌時奉聖旨知道了俱依議密行飛飭奴賊挖壕栽柵木明係因凌故智若待酋首繼至其鋒更惡著刻期奮勇合力解圍錦城守具責祖大樂而以前鋒鎮臣提馬兵出入剿殺亦是一著聽督師相機酌議行機不可失有功者破格立賞欽此欽遵恭捧到部擬合就行爲此一咨督師遼撫合咨前去煩炤明旨內事理卽將降夷四名借云發薊中途滅殺仍嚴飭各鎮將合力奮勇救解錦圍並密飭前鋒鎮卽提馬兵出入剿殺錦城守具責成東協務要守固戰勝萬勿悠悠致墮狡謀坐失事機施行一劄祖大壽祖大樂崇禎十四年四月初二日郎中張若麒

卜裔希復舊封殘稿

（上缺兒等又□□□□之約臣督宣時亦止知有初開則許市不許賞守邊三年無事即動市稅三千作賞之議而不聞有四五年後准請恩典之款又前任督臣盧象昇有三年後方可酌復舊封之題也卽三年以來卜夷亦效有導馬守邊之勞但初以市今以賞中國之待茲屬夷亦厚矣一旦希復舊封天朝恩典豈容易言今據該道塘報有或乞上臺姑許之請該撫手書有給一虛銜以安邊境之議該督有該道既云請討有故本部院未敢擅專之語臣謂夷情之順逆卜裔之真假封賞之予奪皆應邊臣盡心講籌具疏奏聞勅下臣部議覆或予或奪請自上裁豈可以草草一報了事伏乞勅下該督撫道再察節年受賞者委否爲順義王之後裔今請復舊封者委否爲順義王之的派當年封號有加彼夷作何貢納今欲暫加虛銜彼夷作何報效如我欲借此以伐交則虛名可假如夷敢借奴以挾索則實封定不可開是在該督撫之確籌會奏而無容以請示委之內部者也敢因塘報而先及之等因（崇禎十四年四月二十六日申時奉御前發下紅本）奉聖旨奏內既說天朝恩典不容易言原約不聞有請封之議又說封號虛銜有加彼夷作何貢納報效似屬游移兩歧邊臣委之內部內部委之朝廷豈成政體夷情邊事該部當確有主持這所請或可或否卿卽決議具奏欽此欽遵恭捧到部該臣看得大同殺胡口與宣府張家口并龍門所之或市或賞皆臣督宣時確見的是連章奏聞請勅中樞議覆前樞臣又請勅徵臣確議臣皆一力擔承豈至今日叨冒中樞而返以夷情邊事外委之邊臣內委之朝廷但此請封一事關係甚大雲撫尙無塘報不過以手書相商宜督止據該道塘報報部未經講籌臣實未知請封者爲何夷何王之裔當日邊約酌復舊封之議責彼作何貢納作何報效仍須該督會之該

撫該撫行之該道親同撫夷官再三講醫將該夷部落子孫考究着察仍察當年舊封于何年爲何停革又于何年爲何酌許并將邊約一一送臣部覆驗講求停當而後敢決議主持卽許市許賞亦幾經籌畫而後敢定伏乞皇上念微臣作事從不敢一毫諉卸但須細心商訂從不敢一毫潦草俯勅該督撫道備將就中請封始末講折停妥會疏具奏而後敢以可否持之本部予奪歸之□□□□非細故也臣謹遵（下缺）

兵部行「上傳關外一戰擒斬可嘉等情」稿 行訖左府科書辦翁曼承

兵部爲欽<sub>上</sub>傳事職方清吏司案呈崇禎十四年五月初七日戌時奉本部送司禮監傳出上傳適據兵部疏奏關

外一戰擒斬可嘉具見督師調度有方各鎮將士用命洪承疇著賞銀五十兩紵絲二表裏王樸等七員各賞銀三十

兩紵絲一表裏再頒各樣銀牌三百面各色紵絲一百疋紅絹三百疋紅布五百疋銀五千兩兵部差官速解督師軍

前分別賞恤有功存歿官丁務使均霑實惠用鼓敵愾仍奮勇殲奴解圍佇膺爵賞其經過地方撥兵防護仍取實收

繳察該衙門知道欽此欽遵恭捧到部送司案呈到部擬合就行除絹布差官赴廣盈庫告領外所有賞銀五千二百

六十兩銀牌三百面紵絲九表裏又一百疋例應差官領解爲此一合具揭帖差主事馮士仁前赴內府承運庫煩焯

上傳內事理希將頒發前遼督師軍前賞銀紵絲銀牌焯數給發以便轉解施行一手本廣盈庫一咨督師洪合咨前

去煩焯上傳內事理希將差官解至內庫銀二百六十兩紵絲九表裏焯數察收【除存餘】按鑲給發七鎮總兵王樸

等又銀五千兩銀牌三百面各色紵絲一百疋紅絹三百疋紅布五百疋即行分別賞卹有功存歿官丁務使均霑實

惠卽具實收繳察仍鼓舞殲奴解圍奏捷以膺爵賞一咨順天山永遼東各巡撫合咨前去煩焯上傳內事理希卽轉

行所屬地方如遇前項銀幣車箱經臨星速多撥兵丁揆程接替護送勿致疏虞一劄

一牌仰差官邢一科李春茂焯得逆奴匪茹窺逼錦城各將士合戰毆剿著有勞勳特切聖明憫念頒發內庫銀共五

千二百六十兩紵絲九表裏銀牌三百面紅絹三百疋紅布五百疋又紵絲一百疋頒賞有功相應差官領解前赴薊

遼督師軍前交收給發案呈到部擬合就行爲此牌仰本官焯牌事理卽將前項銀兩紵絲銀牌絹布用心防護至經

銀七封

王樸 吳三桂 王廷臣 楊國柱 曹變蛟 白廣恩 馬科

過州縣處所着落該管官吏多撥兵快逐程護送勿致疏虞仍取回文繳報施行崇禎十四年五月初八日郎中張若麒